



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10436

891.99

C-55

Հիւսիսային արշալույս գրադարան

ARMENIAN LIBRARY
401 SHAWMUT AVE.

MAY 25 1924

JUN 4 1933

~~AUG 17 1924~~

~~FEB 13 1938~~

SEP 28 1924

JUL 31 1938

NOV 23 1924

AUG 28 1938

DEC 7 1924

APR 4 1943

JAN 4 1925

NOV 7 1954

FEB 12 1925

MAR - 8 1925

NOV 7 1926

FEB 6 1927

MAR - 6 1927

APR 17 1927

AUG 21 1932

FEB 6 1938

Handwritten signature

891 99

55

ՅԻՄԱՐ

ՅԻՍՆԱՊԵՏԸ

477

ՀԵՂԻՆԱԿ

ԲԵՐՈՎԱԷ ԻԻՍՏՈՆՅԱՆ



ՏԵՐ ԵՒ ՀՐԱՏԱՐԱԿԻԶ
ՏԻԳՐԱՆ ՃԻՎԷԼԷԿԱՆ



1932-70

Յ

ՀԵՂԻՆԱՆ

ՔԵՐՈՎԻԼԻ ԼԻՄՈՆՃԵԱՆ

LIBRARY OF
E. CAMBRIDGE MASS.

Ա.

ԿՆԱՍՊԱՆ ՈՍՏԻԿԱՆԸ

Տամիէն՝ Պրիւքսէլ մայրաքաղաքին ուշիմ
նստիկանութեան կը պատկանէր:

Յիսնապետ էր ինքը:

Բայց հակառակ իւր խիստ պաշտօնին, որ
միշտ խոժոռ դէմք մը և լուրջ ձեւ մը կը
պահանջէ, խիստ բարեբարոյ և զուարթ ու-
տիկան մը եղած էր քսան և հինգ տարեկան
հասակէն սկսելով:

Հիմա ինքը քառասունը անցեր էր, բայց
դարձեալ միևնոյն մարդն էր, ինչ որ էր տաս-
ներեակէն տարի առաջ:

Բայց բնութեան մէջ ի՞նչ կայ որ իր բա-
ցառիկ կողմը չունենայ բաց ի ծնելէ և մեռ-
նելէ:

5 6539-ախ

2003

ս ըմբոստ

յու ձեւեր

... ղկութիւնը գրք-
... արգանքն էր, որ ատեն իր նրե-
սը նայողը կը սոսկար, և պէտք կըլլար զգու-
շանալ իրմէ :

Բարեբաղդարար խիստ քիչ անդամներ կը
պատահէր այդ բացառիկ միջադէպը :

Մի բարկացնէք մեր բարի յիմնապետը .
միշտ արդար եղիք իրեն պէս, և ահա գառ-
նուկի պէս հեղ Տամիէն մը կունենաք դէ-
մերնիդ :

Իր պաշտօնին գործադրութեանը մէջ մի
ընդդիմանաք իրեն :

Տամիէն երբեք չի ներեր այդ բանին, և
իր ճարպիկ ձեռները միշտ յաղթող են հա-
ւասար զօրութեանց դէմ :

Ամուսնացած է Տամիէն :

Կին մը և մէկ տարեկան աղջիկ գաւակ մը
ունի, զորս բացարձակապէս կը պաշտէ՝ բա-
ռին բուն նշանակութեամբը :

Իր գեղանի կինն ալ սիրուելու և պաշ-
տուելու արժանի արարած մ'է :

Գիտէ իր էրկանը միակ տկար կողմը, և
երբէք առիթ չէ տուած զանի բարկացնե-

լու, որով իրենց մէջ հաստատուած ներ-
դաշնակ սէրը՝ բնաւին սեւ ամպի մը երեօր
չէ տեսած :

Տամիէն սիրահարած էր անոր, երբ անի
որը օրիորդ, մ'էր, և սուրբ ամուսնութիւ-
նը այդ սիրահարութիւնը նուիրազործած
օրէն ի վեր, չիկար բան մը որ կարենար
հաւասարիլ պարոն յիմնապետին երջանկու-
թեանը :

Բայց այս աշխարհի վրայ միթէ տեւական
երջանկութիւն կայ :

Թէեւ Տամիէն կուզէր պնդել թէ կայ՝ բայց
անշուշտ պիտի գար օր մը, յորում պատահեր
մի դէպք որ կատարելապէս իմացներ մեր Տա-
միէն բարեկամին թէ ո՛րչափ չարաչար կը սը-
խալէր ինքը :

Ո՛հ, այդ օրը սոսկալի օր մը պիտի ըլ-
լար :

Բայց սոսկալի թէ ոչ, վերջապէս պիտի ըլ-
լար այն օրը :

Ինչեր մ'էր :

Տամիէն՝ իր սրտին երկու հաւասար մա-
սերը իրենց մէջ բաժնած կնոջը և փոքրիկ
Լուիզին քով ճաշելէ ետեւ, երկուքն ալ սրբ-
տին վրայ սեղմեր, անոնց այտերէն մէկ մէկ
համբոյր առեր, և իր տանը դռնէն դուրս
ելեր էր, գիշերային պահակներուն ընթաց-

քին վրայ հսկելու, եթէ նոր դէպք մը պատահած է՝ անոր մէջ իրեն ինկած պաշտօնի բաժինը խղճի մտօք և ամենայն արդարութեամբ կատարելու, և եթէ նոր բան մը չիկայ՝ երկու ժամէն վերստին տուն դառնալու և երջանիկ քուն մը քաշելու համար:

Նախ մտակայ պահակատունը գնաց:

Հոն արտաքոյ կարգի բան մը չի կար:

Սնկից իր քայլերը Սակարանին կողմը կուղղէ:

Հոն ալ ամեն բան հանդարտ վիճակի մէջ է:

Փողոցներու անկիւնները սպասող պահակ ոստիկանք նոր փոխուած են, և նախորդները՝ իրենց յաջորդներուն կասկածելի հետքի մը վրայ բան մը ըսած չեն:

Վերջապէս Պրիւքսէլ քաղաքին գոնէ Տամիէնի հսկողութեան յանձնուած մասը՝ արթուն ոստիկանութեան մը պատիւ բերելիք կատարեալ հանդարտութեան մէջ կը գըտնուի:

Եթէ ներելի է ըսել՝ այնպիսի խորին հանդարտութիւն մը՝ որ ոստիկանութիւնը կը ձանձրացնէ:

Սնանկ որ Տամիէն ինքն ալ զղջալ սկսը աւ թէ ինչո՞ւ համար իր սիրելիները՝ տունը մինակ թողլով անպէտ գործի մը համար կէս

գիշերին մօտ փողոցները ինկեր էր:

Սյգ պահուն գրեթէ իր մտքէն կ'ելնէր որ ոստիկանութեան յիսնապետ մը՝ իր սիրելի կնիկէն և սիրելի զաւկէն զատ մտածելու ուրիշ նուիրական պաշտօն մ'ալ ունի:

Սյն վայրկենին իր միտքը պաշարող քաղցր և փափուկ դրաղմունքը՝ առանց իր դիտնալուն ալ իր քայլերը սակարանէն իր տանը կողմերը կուղղէր:

Գրեթէ կէս ժամու անորոյ պտոյտ մը վերջապէս զինքը իւր տանը ետեւի կողմերը բերէր էր, ուր կը գտնուէր պարտիզին դուռը:

Լուսին չըլլալուն, գիշերը սաստիկ մութ էր, Տամիէն երբ ինքզինքը այդ դրան առջեւ գտաւ, այն ատեն զգաց որ պարտազանցութեան մէջ գտնուած էր:

Բայց որովհետեւ ինքը խիտտ արդար և խիտտ ուղիղ մարդ մ'էր, իսկոյն իր պարտաւորութիւնը յիշեց որ զինքը ուրիշ տեղեր կը հրաւիրէր, և այն ինչ կը պատրաստուէր իր անուշադիր քայլերը հակառակ կողմը ուղղելու, և նախ իր պաշտօնին պարտաւորութիւնը կատարելով միայն որոշեալ ժամուն կրկին իր տունը վերադառնալու համար նորէն երթալ իր պաշտօնակցաց հետ միանալու, պարտիզին մէջէն փոխուքի ձայն

ներ հասան իր կասկածոտ ականջին :

Այն ատեն պէտք մը զգաց աւելի եւս մօտենալու պատին այն կողմին , ուրկից կը կարծէր թէ փսփսուքի ձայները եկած էին :

Միանգամայն իր աշխոյժ ձեռները հրաղէնին փարած էին :

Տամիէն այնպէս կարծեց թէ դողեր կային իր պարտիզին մէջ :

Բայց այն փսփսուքի ձայները մէկէն ի մէկ դադարեցան :

Տամիէն բաւական ժամանակ իւր ականջը պատին փակցուցած , անձայն մտիկ ըրաւ :

Ոչ , ամենեւին նոր ձայն մը չի կար :

Մեր յիսնապետը տասը վայրկենի չափ անօգուտ տեղը սպասելէ ետեւ ինքնիրեն սա եզրակացութեան յանդեցաւ թէ երեւակայութիւնը զինքը խափած ըլլալու էր :

Քիչմ'ալ սպասեց հոն և կատարելապէս համոզուելով թէ նոր ձայն մը առած չէր , կը պատրաստուէր անկից մեկնելու :

Քանի մը յամբ քայլեր առնելով պատին քովէն բաժնուեցաւ :

Բայց անգամ մը ոտտիկանին կասկածները արթննալէ ետեւ , որչափ ալ անտեղի ըլլան , զանոնք նորէն քնացնելը դիւրին բան մը չէ :

Տամիէն փողոցին անկիւնը դառնալէ ետեւ իր տանը երեսի կողմէն լաւ մը քննեց զայն :

Ո՛չ , ամենեւին կասկածելի նշան մը չկար : Կնոջը սենեկին մէջ լոյս ալ չէր վառեր :

Ուստի իր երկու սիրելիները հանդարտ քնոյ մէջ կը գտնուէին նոյն վայրկենին :

Յիսնապետը կարծեց թէ այլ եւս հաստատապէս միտքը դրած է իր պաշտօնին կոչած կողմերը վերադառնալու :

Եւ իրօք ճամբայ ալ ելաւ Բիւնէօվ փողոցին պահականոցն այցելու :

Բայց հազիւ քսան քայլի մը չափ առած էր , նոր խորհուրդ մը զինքը կեցուց հոն :

Մտածեց քիչ մը :

Վերջապէս պէտք մը զգաց կատարեալ կերպիւ վստահ ըլլալու որ անսովոր բան մը դարձած չէ իր տանը մէջ :

Ուստի ետ դարձաւ :

Փողոցի դրան բանային ամեն գիշեր իր քով կը գտնուէր :

Անձայն կերպիւ գուռը բացաւ :

Սանդուղէն վեր ելնելու քայլերն ալ աւելի գողի մը քայլերուն կը նմանէին քան թէ տանտիրոջ քայլերուն :

Իր կնոջ սենեկին դուռը բաց էր :

Թէեւ ասոր մէջ այնչափ անսովոր բան մը չի կար , բայց Տամիէն զգաց որ տունը մըտնելովը սխալ բան մը ըրած չէր :

Իր ատրճանակը պատրաստ կը բռնէր իր

ձեռացը մէջ, ամեն պատահարներու դէմ՝
անզգոյշ գտնուած չըլլալու համար:

Կրցածին չափ ականջը սրցնելով մտիկ ըրաւ
սենեակին ներսի կողմը:

Կասկածելի մէկու մը հետքը չէր նշմար-
ուեր հոն, և ոչ իսկ շնչառութեան ձայն մը:

Այն ատեն Տամիէն իր քովի լապտերիկը
վառելով սենեկէն ներս մտաւ. երբ իր կնոջը
անկողնոյն քով հասաւ, հոնտեղ՝ քար կըտ-
րած արձան մ'էր: Իւր ճակատէն պաղ քրտինք
մը հոսել սկսաւ:

Անկողինը պարապ էր, ոչ ոք պառկած էր
անոր մէջ նոյն գիշերը:

Եւ ոչ իսկ ծալք մը կը նշմարուէր՝ անոր
ձիւնի պէս ճերմակ սաւանին վրայ:

Իսկ անմեղ մանկիկը, հանդարտօրէն կը
քնանար իր օրօրոցին մէջ:

Տամիէն իր կնոջը վրայ այն աստիճան
վստահութիւն ունէր, և անոր՝ զինքը խա-
բելու անկարողութեան վրայ այնչափ մեծ
հաւատք մը ունէր, որ իր մտքին մէջ ան-
հաւատարմութեան կասկածներ ծագելուն
մէկէն ի մէկ թոյլտուութեւն ըրած ըլլալուն
համար քիչ մնաց որ ձեռքի ատրճանակովը
նոյն իսկ իր ուղեղը պիտի պայթնցնէր:

Յետոյ՝ պարտէզին մէջի փսփսուրին ձայնե-
րը միտքը ինկան:

Կարծեց թէ այն վայրկենին փայլակ մը
թափանցեց իր աջ քունքէն ներս և ձախէն
դուրս ելաւ:

Մանկիկին օրօրոցին քով աթոռի մը վրայ
ինկաւ:

Իւր հրատապ գլուխը երկու ձեռացը մէջ
աւաւ:

— Ո՛հ Աստուած իմ, այս անմեղ մանկիկին
սիրոյն համար պահպանէ զիս. ապա թէ ոչ
հիմա խելքս պիտի թռցնեմ, աղաղակեց
խեղճ յիսնապետը և յետոյ:

Յետոյ արտասուաց խոշոր կաթիլներ դուրս
ցայտեցին իր կրակի պէս կարմրած աչքէն
և հրեշտականման մանկիկին ձեռներուն վը-
րայ ինկած:

Տամիէն՝ իր անմօրուս երեսը անոր վեր-
մակին մէջ ծածկեց: և քիչ մը ատեն իր հեծ-
կլտուքը լսուեցան:

Իսկ անմեղ լապտերիկը և սոսկալի հրա-
ղէնը սեղանին վրայ քով քովի կեցած էին:

Իր ծռած գիրքին մէջ Տամիէնի կոնակը
սենեկին դրան կողմը դարձած էր:

Յիմարութեան անդունդին եղբը գեգերող
յիսնապետը, տակաւին քնացող մանկիկին
քովէն ոտքի ելաւ:

Հաստատ օրոշման մը կնիքը կը փայլէր իւր
դեղնած ճակտին վրայ. իսկոյն լապտերիկը և

ատրճանակը յափշտակեց սեղանին վրայէն ,
 և պարտէզ դիմելու համար քայլ մը առնե-
 լով դէպի դրան կողմը դարձաւ . նոյն տեղը
 կրկին անգամ քարէ արձան մը պիտի կտրէր
 խեղակորոյս Տամիէն , իւր կիներն էր որ կը տես-
 նէր դրան սեամին վրայ , իրմէ ոչ նուազ գու-
 նատած . այր և կին պահ մը իրարու երես
 նայեցան :

Ահարկու լուսթիւնը ամեն բան յայտնեց :

— Մի' մտներ դռնէն ներս , գոչեց Տամի-
 էն զայրագին :

— Տամիէն , մտիկ ըրէ զիս , ըսաւ մեղա-
 պտրտ ու յուսահատ կինը , բոլոր մարմնովը
 դողալով :

— Նախ ըսէ թէ ո՞վ է սիրահարդ :

Պատասխան չիկայ , այլ միայն խեղդուկ
 հառաչք մը :

— Ըսէ ո՞վ է սիրահարդ , կրկնեց Տամիէն
 որոտացող ձայնով մը , և ատրճանակի ձեռին
 քայլ մը առնելով դէպի յառաջ :

Այդ զօրաւոր ձայնէն մանկիկին քունը խը-
 ուովելով շարժում մը ըրաւ օրօրոցին մէջ :

Տամիէնի կինը նշմարեց այդ շարժումը :

Մայրական զգացումը յաղթեց էր ծայրա-
 գոյն երկիւղի զգացման :

Իւր երկանը աջ ձեռքին մէջ փայլող և իր
 ճակատին ուղղուած ատրճանակին անմիջական

սպառնալեաց հակառակ ինքն ալ քայլ մը
 առաւ դէպի առաջ , այսինքն դէպի մանկի-
 կին քնացած օրօրոցը :

— Ո՛հ , զիս սպաննելէդ առաջ գուժ ունե-
 ցիր իմ վրայ և թող որ գոնէ վերջին անգամ
 եւս համբուրեմ խեղճ զաւակս :

— Ետ կեցիր , ապիրատ կին . պէտք չէ որ
 քու մատնիչ շրթներովդ պղծես անարատ այտ
 մը :

Ծնդան վրայ ինկաւ կորուսեալ կինը :

— Սպաննէ զիս ուրեմն զաւկիս օրօրոցին
 քով . . . ինքզինքս չեմ կրնար արդարացնել . . .
 իրաւունք ունիս զիս սպաննելու . . . բայց մի
 անիծեր մայրեալ կինդ . . . երբէք թող չը
 դիտնայ աղջիկս թէ ինչու համար սպաննուած
 եմ :

— Պիտի մեռնիս ապիրատ կին . բայց կու-
 ղես որ մեռնելէդ առաջ ներուստ ընդունիս . . .
 այս' , չի' պիտի անիծեմ զքեզ . և զաւակդ եր-
 բէք չը պիտի դիտնայ թէ ինչու համար ըս-
 պաննուած ես . բայց այս շնորհին արժանա-
 նալու համար , պէտք է որ սիրահարիդ ա-
 նունը տաս ինձ :

Խեղճ կինը վերստին լուեց :

Միայն թէ կարտասուէր :

— Ո՛հ կը լուես . ուրեմն այն աստիճան կը
 սիրես քու անարգ սիրահարդ որ չես կրնար

մատնել զինքը . ուրեմն կրկին անգամ ա
նիծեալ . . .

— Ո՛հ , պիտի ըսեմ , պիտի ըսեմ , մի՛ անի-
ծեք զիս :

— Ըսէ , չուտով ըսէ :

— Լը . . . Լը . . . Լը կէռիէն է նա :

— Լը կէռիէ՞ն . բայց ո՞ր Լը կէռիէն :

— Քչեմանի վաճառատան . . . առաջին գը-
րագիրը :

Տամիէն հասկցաւ հիմա թէ ով է իր պատ-
ւոյն դաւաճանը :

Արիւնը բուրբովին իր գլուխը ցատկեց :

Ս, ինքզինքին տէրը չէր :

Ահարկու գէմք մը առեր էր նոյն վայրկե-
նին :

Ս, յուհետեւ ինչ ըրած ըլլալէն ինքն ալ
տեղեկութիւն չունէր :

Միայն մեքենական շարժում մը տեղի ու-
նեցաւ :

Փառակատում , որոտում , բոց և ծուխ :

Ահա ասոնք եղան այն սոսկալի փոթորկին
հետեւութիւնը :

Խեղճ կինը՝ ճակատին ճիշտ մէջտեղէն գար-
նուելով՝ առանց հոգեւարքի իր վերջին շուն-
չը առանդեր և գետինը տարածուեր էր , և
արեան հեղիւ մը դուրս կելնէր իր վերաւոր-
եալ և ջախջախեալ ճակատէն :

Տամիէն , ծխացող ատրճանակը ի ձեռին
ունենալով , իր սպանեալ կնոջ մարմնոյն քով
ոտքի վրայ կանգնած էր , և տակաւին եր-
կար ատեն ալ անզգայ արձանի մը պէս հոն
կանգնած պիտի մնար՝ եթէ տակաւին զաշ-
խարհ չի ճանչող անմեղ մանկիկին ճիչերը
իր խելքը՝ գլուխը չի բերէին :

Ս, յլ եւս մայր չունեցող Լուիզ , ատրճանա-
նակին պայթման ձայնէն ընդոտտ և զարհուր-
եալ արթնցեր էր , և խեղճ մանկիկը բը-
նագդմամբ իր մօրը պաշտպանութիւնը կը
հայցէր :

Բայց իր մայրը այլ եւս ոչ պաշտպանի կա-
րողութիւն ունէր և ոչ ալ պաշտպանուե-
լու պէտքը :

Տամիէն այն ատեն հասկցաւ թէ ինչ ըրած
էր :

Զղաց , այո՛ , զղաց իր ըրածին վրայ :

Զեռները մազերուն տանելով մի քանի
փունջ փրցուց անոնցմէ և իր կնոջը անկեն-
դան մարմնոյն վրայ նետեց իբրեւ վերջին
զարդ անոր տակաւին գեղանի դէմքին :

Զգաց որ իր առնութեանը անվայել բան
մ'էր անպաշտպան և անզէն կին մը սպան-
նելը . թէեւ այդ կինը իր պատուոյն դաւա-
ճան եղած ըլլար :

Բայց վերջապէս իր կինն էր այն :

Խանդաղատանօք սիրած և իր դրկացը մէջ սեղմած էր զանի տարիներէ ի վեր :

Վերջապէս անիկայ, իր սիրելի Լուիզին մայրն էր, և ի՛նչ երջանկութիւն առթեր էր իրեն՝ զանի աշխարհ բերելով և զինքը հայր մը ընելովը :

Մտածեց, բայց աւա՛ղ, ի զուր մտածեց, որ գործած յանցանքին համար կրնար զանի պատժել ուրիշ եղանակաւ մը, այսինքն նուազ բարբարոսական եղանակաւ :

Որովհետեւ ընութիւնը կրնար իրեն ալ միևնոյն յանցանքը գործել տալ, և չի կար մարդկային օրէնք մը որ այր մարդ մը մահուան դատապարտէր ճիշդ ու ճիշդ այն մի և նոյն սրբապղծութեան համար որ ներելի կրնայ համարուել աւելի զօրաւոր և աւելի իմաստուն սեռին համար :

Տամիէն՝ Լուիզի կրկին կրկին աղաղակներէն աւելի եւս յուզուեցաւ :

Իրեն անանկ կուգար որ իր զաւակը իրեն առաջին դատաւորն եղեր և իրմէ հաշիւ կը պահանջէր՝ զինքը մօր մը գգուանքներէն գազանաբար զրկած ըլլալուն համար :

Ըսեր էինք թէ Տամիէն՝ ի ծննդենէ բարի մարդ մ'էր :

Միայն երբեմն երբեմն իր վրա տիրապետող բարկութեան կիրքը՝ որ յանկարծական

բայց կարճատեւ յիմարութեան մը արգասիքն էր, զինքը բոլորովին տարբեր բան մը կընէր :

Իր զաւակն աղաղակներէն սթափած ատեն, այդ վայրկենական յիմարութեան սուկալի հովը անցեր դացեր էր իր վրայէն :

Այլ եւս կնասպան մարդը չէր այն, այլ, աւա՛ղ, արդէն անցեալ ժամանակի կարգն անցնող սիրալիր ամուսինը և գորովալի հայրըն էր որ ինչաւ իր կնոջը մարմնոյն վրայ :

Կրկին կրկին համբուրեց անոր արիւնալի երեսները :

Ս,յդ արիւնը որ ինք պատճառեր էր և երիտասարդ և հիանալի կեանք մը ոճնչացուցեր էր, սրբած և մաքրած էր արդէն անոր չքնաղ դէմքին վրայէն այն արատը, որ նոյն իսկ մարդկային տկարութեան կնիքն եղած էր :

Լուիզ իր աղաղակները կը շարունակէր :

Տամիէն՝ իր կնոջը դիակը թողնով, մէկէն վաղեց իր կենդանի զաւակին քով՝ զանի հանդարտեցնելու եռանդով :

Բայց այս տեսակ պարագաներու, այսինքըն մանկական յուզման մէջ միշտ ուրիշ բան է մայր մը, ուրիշ բան է մօր մը գորովը, ուրիշ բան է մօր մը ձեռքը և երեսի ժպիտը և անոր լոկ մէկ խօսքը, որ երբեք չէ տեսնուած հօր մը վրայ :

1932-70

Այլ, աւա՛ղ, ի՞նչպէս հասկցնելու էր մէկ տարեկան մանկիկի մը թէ ալ եւս մայր չունէր ինքը :

Եւ ո՞վ պիտի կարենար ըսել իրեն թէ, զինքը մօր մը գգուանքներէն զրկողը, նոյն իսկ իւր հայրն եղած էր :

Լուիզ, կարծես թէ զգաց մարդասպան՝ և աւելի գէշը՝ կնասպան ձեռքը :

Այն ձեռքը որ հիմա զինքը կը շոյէր, տակաւին մէկ երկու վայրկեան առաջ իր մօրը արիւնը քամած էր :

Մանկիկը մերժեց այդ վատ ձեռքը, չուղեց հանդարտիլ, և իր աղաղակները աւելի եւս բարձրացան :

— Ա՛հ, իրաւունք ունէ՛ս զիս մերժելու, մայրդ սպաննողը ես եմ, գոչեց իր խիղճէն հալածուող մարդը, և ինկաւ, ինկաւ անզգայ նոյն իսկ իրեն որք թողած անմեղ մանկիկին օրօրոցին վրայ . . .

Երբ Տամիէն խելքը գլուխը գալով ոտքի ելաւ, տեսաւ որ սենեկին մէջ ուրիշ չորս մարդիկ կային :

Ասոնք՝ մօտակայ պահականոցին հարիւրապետը, քննիչ պաշտօնեայ մը, և երկու ուրիշ ոստիկաններ էին, որոնք ի դուր մի քանի անգամներ դուռը բախելէ ետեւ, զանի կոտորելով ներս մտեր և մահատեսիլ սենեակը ելեր են :

Տամիէն ճանչեց այն հարիւրապետն և ոստիկանները՝ որոնց հետ անձամբ տեսակցեր էր պահ մը առաջ, անոնցմէ ապահովութիւն առնելով որ այն երջանիկ գիշերն ոչինչ տեղի կուեննար ոստիկանութեան հանգիստը խռովող :

Եւ հիմա ինքն էր, այսինքն միևնոյն ոստիկանութեան պատկանող յիսնապետ Տամիէն որ իր խումբին հանգիստը խռովեր էր, և կը պարտաւորէր իր սուրը իր բարեկամացը յանձնելու իբրեւ մարդասպան եղեռնագործ մը :

Տամիէն՝ իր անձը պաշտպանելու համար ոչ զարթում մը ըրաւ և ոչ ալ խօսք մը հանեց իր բերնէն :

Ամենայն հըլութեամբ անձնատուր եղաւ իր մեծաւորին և ստորակարգեալներուն :

Միայն աղաչեց որ իր կնոջը մարմինը վերցուցած ատեննին չի մոռնան նաեւ դրացի կիներէն մին ներս առնելու որպէս զի որք մանկիկին վրայ հսկէ :

Ձերբակալեալ յիսնապետը՝ իր գործած եղեռան վայրէն դուրս հանուած ատեն, անգամ մ'ալ նայեցաւ իր սպաննած կնոջ դիակին և որք թողած փոքրիկ աղջկան :

Վերջին հառաչք մ'ալ արձակեց և դողդոջուն քայլերով ճամբայ ելաւ :

Բննիչ պաշտօնեան հոն կը մնար պէտք ե-
զած տեղեկագիրը գրի առնելու, սպանեալ
կինը ուրիշ սենեակ մը փոխադրել տալու,
և դրօացի կին մը նոյն դէշերը որք մանկիկին
քով հաստատելու համար:

Տամիէնի դատաստանը կարճ տեւած էր:
Ինքը բան մը չուրանալով ամենայն ինչ
մանրամասնաբար խոստովանեցաւ:

Ամիս մը յետոյ վճիռ կարձակուէր իրեն
դէմ տասն և հինգ տարի շղթայակապ աշ-
խատութեան:

Տամիէն չի բողոքեց այդ վճռոյն դէմ:

Գուցէ այնպէս կը հաւատար սր մահուան
վճիռը աւելի արդար պիտի ըլլար:

Բայց պարոնայք դատաւորք, իր անցեալ
անարատ կեանքը և ոստիկանութեան մա-
տուցած ծառայութիւնները հաշուի առնե-
լով, և աւելի ներողամտութեամբ վարուած
էին իր նկատմամբ:

Շղթայակապ աշխատութիւն բառն ալ մի
միայն ձեւակերպութեան համար գործած-
ուած էր, անանկ որ Տամիէն՝ թիարան փո-
խադրուած ատեն, իր ոտները երկաթէ օ-
ղակով մը, ուրիշի ոտիցը փարելու գաղա-
փարն անգամ մուտ չէր գտած պարոն բան-
տապանին մտացը մէջ:

Եւ իրօք ալ Տամիէն այնչափ հեղ կտլա-

նաւոր մը դարձաւ, որ շղթայի խորհուրդը
մէկ կողմ թողած ըլլալու անխոհեմութեան
համար ինքզինքը մեղադրող ոչ ոք կը գըտ-
նուէր:

Ալ եւս թողունք Տամիէնը շարունակել իր
բանտարկութեան շրջանը, սրու մէջ ապաշ-
խարութեան բաւական ժամանակ պիտի ու-
նենար:



Ք.

ԹԻ ԻՆՆՊԻՍԻ ԵՐԻՏՐԱՍՏՐԴ ՄԷՐ ՊԵՐԹԻՔ

Պէլճիա, որ այժմ Անգլիայէ յետեւ Եւրո-
պիոյ ամենէն քաղաքակիրթ երկիրն է, կամ
թէ Եւրոպիոյ ցամաք երկրին վրայ առաջին
լուսաւորեալ ժողովուրդը ունի, իր բազմա-
մարդութեանը հետ բազդատելով, արուես-
տական ճիւղին մէջ ալ կրնայ արժենէն գերա-
զանցը համարուիլ:

Աշխարհի լուսաւորութեան կեդրոնի այս
ամենէն փոքրիկ պետութիւնը, իր երկրին
փոքրութիւնը՝ բնակչաց բազմամարդու-
թեամբը գրեթէ հինգ կամ տասն անգամ
մեծցուցած կը սեպուի:

Մանաւանդ իր հոյակապ գործարանները, իր քաղաքակրթութեան համբաւը իրաւամբ մի քանի պատիկ աւելցուցած են:

Մեր պատմութեան սկսած ատեն Պրիւսէլ քաղաքը զարգարող այդ հոյակապ գործարաններէն մին ալ, Տըլլապուշի երկաթի գործարանն էր:

Օկիւսթ Տըլլապուշ, ինչպէս արուեստական նոյնպէս և ամուսնական ճիւղին մէջ ամենէն բարեյաջող մարդերէն մին եղած էր:

Բայց յիսուն տարեկան հասակին մէջ իր ամենաբարի կինը կորսնցնելու դժբաղդութեամբ, այդ կրկին յաջողութեան ամբողջութիւնը խորտակուած ըլլալով, այնուհետեւ թէ ինքը և թէ իր հուշակաւոր գործարանը, միմիայն իր էթիէն որդւոյն համար կապրէին, որ ամեն յոյս տալ կերեւէր թէ իր հօրը արժանաւոր զաւակը պիտի ըլլար:

Օկիւսթ Տըլլապուշ, էթիէնէն զատ զաւակ ունեցած չէր, և իր մեռնելէն վերջը, մի քանի ընտանիքներ խիստ բարեկեցիկ վիճակի մը մէջ ապրեցնելու բաւական եղող ամբողջ հարստութիւնը և այն լայնածաւալ գործը, երիտասարդ Տըլլապուշի պիտի մընար:

Արդարեւ խիստ քիչ զաւակներ կը գըտնուին աշխարհի վրայ որ այսպիսի երջան-

կութեան մը հետ միատեղ ծնած ըլլան, այսինքն արդէն ստեղծուած փառաւոր աշխարհի մը տէրն ըլլան փոխանակ ստիպուած ըլլալու որ նորէն աշխարհ մը ծնելու աշխատին:

Աշխատութիւն մը որ խիստ շատ անգամ կամ իր ծանրութեանը տակ բոլորովին կը ճնշէ, ու կը խորտակէ աշխատաւորը, և կամ ի վերջոյ միմիայն այն ատեն ժպտիլ կակսի աշխատաւորին, երբ անոր՝ նոր ստեղծուած աշխարհին բարիքները վայելելու Փիզիզական կարողութիւնները բոլորովին սպառած կամ սպառելու վրայ են:

Բայց նաեւ եթէ ոչ խիստ քիչ գոնէ բաւական թուով զաւակներ ալ կը գտնուին, որ իրենց հարց կողմանէ իւրեանց համար ըստեղծուած և պատրաստուած աշխարհէն օգուտ քաղել կամ զանի աւելի եւս ընդարձակել և աւելի եւս փառաւորել դիտնալու և աշխատելու տեղ, զանի իրենց ձեռքով կործանելու համար պակաս բան մը չի թողելու կը տքնին:

Օկիւսթ Տըլլապուշ և բոլոր իր ծանօթները կը հաւատային տեսնել էթիէնի վրայ այն բոլոր յատկութիւնները որ զմարդ առաջնակարգ գիրքի մը տէր կացուցանելու համար միմիայն հիմնական կրթութեան և հաստա-

տուն ժառանգութեան մը կը կարօտին :

Եւ որովհետեւ երիտասարդ էթիէնը այս երկու մեծ բաներով օժտելու համար ալ պակաս բան մը թողարած չէր, ուստի Օկիւսթ Տըլապուչի և իր ծանօթներուն հաւատքին վրայ երկմտելու պատճառ մը չէր տեսնուէր :

Տըլապուչ գործարանի մէջ Պէրթիէ անունով, ուրիշ երիտասարդ մ'ալ կար, որ բաց ի էթիէնին ներկայ և ապագայ դրամական ճոխ կացութենէ, ուրիշ և ոչ մէկ բանի մէջ անկից վար կրնար համարուիլ :

Բայց Պէրթիէ՝ ուրիշ առաւելութիւն մը ունէր, էթիէնի վրայ :

Առաւելութիւն մը, որուն համար գուցէ էթիէն իր ներկայ և ապագայ նիւթական գիրքին կէսը զոհելու յօժարակամ գտնուէր :

Պէրթիէ, սիրուհի մը ունէր :

Իր սա գեղանի կին մ'էր ասիկա՝ և իր աչաց սեւաւ բիրբրուն կրակի զօրութեամբը, մի քանի էթիէններ՝ իրենց ներկայ և ապագայ գործարաններուն հետ միասեղ հալեցնելու կարող :

Պէրթիէ՝ Տըլապուչի գործարանին մէջ գործաւորապետ էր, և տարեկան 8000 ֆրանք թոշակ կ'ընդունէր :

Այս գումարը բաւական չէր կրնար ըլլալ կին մը երջանիկ ընելու համար :

Բայց գործարանին մէջ վերատեսուչ մ'ալ կար որ տարեկան 20000 ֆրանք կ'առնուէր :

Այս ծերացեալ վերատեսուչը տարիէ մը պիտի դադրէր իր պաշտօնէն, հանգստեան թոշակ մը ընդունելով, և այն ատեն Պէրթիէ անոր տեղ պիտի անցնէր :

Ուրեմն գործերը գէշ վիճակի մէջ չէին :

Տարիէ մը էթիէնի տարեկան թոշակը 20000 ֆրանքի պիտի բարձրանար :

Եւ ի՞նչ կուզէք որ ըլլայ :

Իր ծնողքէն ոչ մի ֆրանք դրամագլուխ և ոչ մի ֆրանքի արժողութիւն ունեցող գործ մը չի ժառանգող երիտասարդ մը, եթէ բուն իր գործոցը զաւակը ըլլալով տարեկան 20000 ֆրանքի եկամուտ մը, գեղեցիկ կին մը, սիրասուն զաւակներ, կոկիկ տուն մը, և փոքրիկ ապագայ մը ձեռք բերելու յաջողած է, այսինքն, ինչ որ կարելի է՝ ըրած կը գըտնուի առանց մասնաւոր շնորհէ մղուած ըլլալու, միթէ ազկից մեծ գործ մը կատարուած կրնա՞յ ըլլալ սովորական կեանքի մէջ :

Պէրթիէ, Տըլապուչի գործարանին վերատեսուչ ըլլալու աստիճանին բարձրացած օրը Անժէլիքի հետ պայմանաւորաբար պիտի ամուսնանար :

Անժէլիք հէ՛ :

Ի՞նչ կրտէք, գեղեցիկ անուն չէ՞ :

Բայց կրնամ վստահեցնել զձեզ որ Անժե-
լիք՝ իր անունէն աւելի գեղեցիկ էր :

Ահա ձեզի բառ մը, որ Պէրթիէի երջան
կութիւնը կատարելապէս ձեզի հասկցնելու
համար հինգ հարիւր տող նկարագրութենէ
աւելի զօրութիւն ունի, եթէ մարդու մը եր-
ջանկութիւնը միմիայն իր սիրուհւոյն կամ
կնոջը գեղեցկութեան աստիճանէն կրնայ
չափուիլ, և կամ եթէ նոյն իսկ այդ գեղեց-
կութիւնը՝ զանի սիրողին գոթաղղութեան
իսկ պատճառ չի կրնար ըլլալ երբեմն :

Կրնանք «երբեմն» բառին տեղ «չատ ան-
գամ» բառերն գործածելը նախադաս հա-
մարել :

Բայց չափաւորութիւնը միշտ նախամեծար
բանն է :

Յաջողութեան մէջ անգամ չափաւոր եղիք,
ինչպէս որ ըսաւ Նարոյէոն Երրորդ Վիլլա
Ֆրանգայի խաղաղութեան դաշնագիրը կըն-
քած ատեն, և կը հաւաստեմ զձեզ որ զըզ-
ջալու գոնէ մեծ պատճառ մը չպիտի ունե-
նար :

Բայց ինչո՞ւ համար ըսած էինք թէ Պէր-
թիէ՝ «պաշտօնապէս» պիտի ամուսնանար
Անժեյլիքի հետ տարիէ մը :

Է՛հ, երբեմն անպաշտօն ամուսնութիւններ
ալ կը կատարուին այս անկատար աշխարհի

մէջ, և Պէրթիէ ու իր գեղանի սիրուհին
դժբաղդաբար սա միակ մարդկային տկարու-
թիւնն ունեցած էին որ մանչ զաւակի մը տէր
եղած էին օրէնքին ներած ժամանակէն ա-
ռաջ :

Բայց պէտք է ամենայն զօրութեամբ հաս-
տատել որ եթէ ունէ անակնկալ պատճառաւ
վերատեսչութեան պաշտօնը ետ մնար իսկ,
գարձեալ Պէրթիէ և Անժեյլիք որոշեալ ժա-
մանակին, այսինքն ճիշդ տարիէ մը եկեղե-
ցական արարողութեամբ պիտի սրբագործէ-
ին իրենց առ միմեանս ունեցած յարաբե-
րութիւնը : և ասոր համար, երկնից բոլոր
սուրբերու անուան երդում ըրած էին :

Իրենց որդին, որ հազիւ մի քանի ամսուան
էր, գաղտնապէս Բարիզ տարուած և ման-
կամարդ ստնտուի մը յանձնուած էր :

Այս պատմութիւններէն կրնայ հասկցուիլ
թէ Պէրթիէ ինչ աշխոյժով կաշխատէր գոր-
ծարանին մէջ :

Հիմա զաւակ մը ունէր, որուն ապագայ
մը պատրաստելու պարտաւոր էր :

Որովհետեւ անոր աշխարհ գալուն ինք
պատճառ եղած էր, ուստի այն աշխարհի վը-
րայ զանի ապրեցնելու հոգը՝ իրեն համար
պարտաւորիչ հոգ մը կ'ըլլար՝ հակառակ այն
տեսակ մը ծնողքներուն աշխարհակործան

կամ տգէտ ու ինքնասէր գաղափարին՝ որոնք միայն անասնական հաճոյքի մը համար կամուսնանան, և առանց իրենց զաւակներուն գիտակցութեանը կամ ինքզնինացը՝ զանոնք աշխարհ բերելով կը մեծցնեն՝ իրենց ապագայ դրամագլուխ մը ընելու և անոնց աշխատութեամբը ապրելու խորհուրդով:

Խօսքերնիս լաւ թող հասկցուի:

Մեր խօսքը այն դժբաղգ ծնողքներուն համար չէ, որոնք՝ հակառակ իրենց մարդավայել ջանիցը որ իրենց կամքովը ու գործովը աշխարհ բերած զաւակներուն ապագան ապահովեն, աննպաստ և դժնդակ պարագաներէ ստիպուած են իրենց զաւակացը հացով ապրելու:

Ահա այս վերջինն է աշխարհի ամենէն մեծ դառնութիւնը՝ զգայուն սրտերու համար:

Ըսինք թէ Պերթիէ կրկին աշխուժիւ կաշխատէր գործարանին մէջ:

Այս աշխոյժին պատճառներուն մին բացատրեցինք:

Միւս պատճառն ալ բացատրենք:

Պերթիէ՛ իր զաւակէն զատ՝ սիրուհի մը և ապագայ կին մ'ալ ունէր:

Անժէլիբի հայրը և մայրը մեռած էին:

Հօրաքոյր մը ունէր որ անոր հետ կը կենացէր:

Քիչ ատենէն այդ հօրաքոյրն ալ մեռնելով, Անժէլիբ բոլորովին առանձին կը մնար այս մտորեալ աշխարհի վրայ, իրեն ուրիշ օգնական մը չունենալով՝ այլ միայն իւր հիանալի գեղեցիկութիւնը և երիտասարդութիւնը:

Իր հայրը և մայրը մեռած ատեննին ըսան մը չէին թողեր իշենց աղջկան որ անով ապրէ:

Ուստի Անժէլիբ, իր դրացուհւոյն տունը ապաստանելով, անոր հետ կար կը կարէր, և եթէ ոչ բարեկեցիկ՝ դոնէ պարկեշտ կերպիւ իր հացը ճարելու և ուրիշի մը բեռ չըլլալու վիճակին մէջ կը գտնուէր:

Ահա այսպէս կ'ապրէր Անժէլիբ, երբ ասեղն իր դէմը հանեց Պերթիէն, սիրուեցաւ անկից և սիրեց զանի:

Տարիէ մը, 20000 ֆրանք տարեկան հասոյթի տէր վերատեսուչի մը կինը պիտի ըլլար:

Զատ տուն տեղ պիտի ունենար:

Պարկեշտ, երիտասարդ և՛գեղեցիկ ամուսնոյ մը և սիրասուն զաւակի մը գգուանաց մէջ երջանիկ կեանք մը պիտի վարէր և պիտի վայելէր այն ամեն աշխարհային բարիքները՝ որոնց իրաւունք ունի միշտ սիրուելու արժանի կին մը:

Պերթիէ կ'զգար կամ կ'երազէր ասոնք:

Զգացմունք որ միանգամայն անհրաժեշտ պարտք մը կը դնէին իր վրայ ոչ միայն բուն իր անձին՝ այլ իր ապագայ կնոջն համար ալ աշխատելու :

Եւ այս պարտքը իրեն նոր ոյժ մը տուած էր ինքնասէր մարդէ մը աւելի աշխատելու :

Երդում բրած էր որ զանի երջանիկ ընէ :

Խափուսիկ ու վայրկենական երդում մը չէ, այլ հաստատական և կատարեալ համընձէ առաջ եկած խղճահար երդում մը :

Անոք և պարկեշտ աղջիկ մը իր պաշտպանութեանը տակ պիտի առնուր, առանց անոր զգացնելու և մտքէն անցնել տալու որ ուրիշ մը կարելի է զինքը աւելի երջանիկ պիտի ընէր :

Իր պաշտպանութիւնը չի յաջողած օրը զանի աւելի հաստատուն պաշտպանութեան մը յանձնել՝ այլ եւս անկարելի պիտի ըլլար :

Որովհետեւ առ այն մտադրած պաշտպանութիւնը իրապէս ստանձնած օրէն կը դադրէր ուրիշ ուէ կարելի պաշտպանութեան յոյսը՝ յոյս ըլլալէ :

Պէրթիէ կը ճանչէր իր վրայ առած պատասխանատուութեան ծանրութիւնը :

Զէր անիկայ այն թեթեւօտիկ և ինքնասէր երիտասարդներէն, որոնք կամուսնանան միայն կին մը ունեցած ըլլալու և անոր հրա-

պոյրները վայելելու համար, և երբ միայն իրենց անասնական կիրքերը կը յագեցնան, այն ատեն բոլորովին կը մոռնան թէ այր մարդ ըլլալէ զատ, ուրիշ կոչում մը և ուրիշ պարտաւորութիւն մ'ալ ունին :

Այսինքն բարի ամուսին մը և զաւակաց բարի հայր մը ըլլալու երկնային կոչումն ու պարտաւորութիւնը ունին, և թէ դահիճէ մը աւելի սոսկալի բան կըլլան երբ միայն իրենց պատուոյն և զգացմանցը յանձնուած անմեղ աղջիկ մը՝ պարզապէս անօգնական տղայ մը՝ ապերջանիկ ընելու բարբարոսութիւնը ունենալու խիղճ չեն ընէր, և որոնց սակայն պարտաւոր էին ոչ միայն արժանաւոր ամուսին մը՝ այլ նաեւ գորովալի հայր մը և մայր մը ըլլալու, քանի որ իրենք իրենց համոզմամբ, իրենց խորհրդովը, և իրենց ամենաազատ կամքովը զանոնք զատած ու բաժնած են իրենց բուն հօր և մօր գրգռանքներէն . . . իրենք անոնց տեղը անցնելու համար :

Ահա այսչափով կրնանք բացատրել այն պատճառները որոնք կրկին մղում կուտային Պէրթիէի անխոնջ բայց սիրատար աշխատութեան :

Անանկ որ պարոն Օկիւսթ Տըլապուշ պարզապէս իրեն փառք կը համարէր Պէրթիէի

պէս գործաւորապէս մը ունեցած ըլլալը՝
 Զանի իբրեւ աշխատութեան տիպար կը
 ներկայացնէր իր միւս բազմաթիւ գործաւորաց,
 և ծերունին Լըքարթիէ իսկ անհուն սիրով
 կը սիրէր իր ապագայ յաջորդը՝ վերատեսչութեան
 կարեւոր գործին մէջ։

Գ.

ԿԻՆԵՐԸ... ՄԻՇՏ ԿԻՆԵՐԸ

Գործերը ահա այս երջանիկ վիճակին մէջ
 էին, երբ կիւրակէ օր մը Անժէլիք՝ իւր ընկերուհին
 և տանտիրուհին եղող տիկնոջ հետ հասարակաց
 մեծ պարտէզը գացած էին կէս օրէն
 ետեւ, և հոն ծառի մը տակ նստած կը
 խօսակցէին միմեանց հետ։

Անժէլիք մէկէն ի մէկ իւր աչերը մասնաւոր
 կողմ մը ուղղեց, և ուշադրութեամբ ու մեծ
 հետաքրքրութեամբ հոն նայել սկսաւ։

Իւր ընկերուհին՝ խօսքին թելը մէկէն ի մէկ
 կտրուելէն ազդուելով ինքն ալ ուշադրութեամբ
 այն կողմը նայել սկսաւ դէպի ուր
 Անժէլիք ուղղած էր իր աչերը։

Առաջին նայուածքով հասկցաւ ամեն բան,
 և ժպտելով Անժէլիքի ձեռքը սեղմեց ու
 ըսաւ։

— Սիրելիս, աչերդ շատ կը յողնեցնես
 այդ կողմը նայելով։

— Ո՛հ բարի ընկերուհիս չարամտութեամբ
 մի դատեր զիս։

— Բայց ինչո՞ւ չարամտութիւն ըլլայ մի-
 թէ մարդուս իւր սիրելին տեսնելով զգացած
 ուրախութենէ աւելի բնական բան մը
 կայ՝ աշխարհի վրայ։

— Սակայն կը հաւաստեմ զքեզ որ իմ ուշադրութիւնս
 Պէթիէէն աւելի իր քովի վայելչազգեստ
 երիտասարդին վրայ ուղղուած է, զոր
 առաջին անգամ կը տեսնեմ արդեօք ո՞վ է
 այն որ այնչափ սիրալիւ կերպիւ կը տեսնուի
 Պէթիէիս հետ։

— Ա՛հ, զարմանալի բան է որ մինչեւ հիմա
 չէք ճանչած զինքը։

— Բայց ատոր մէջ զարմանալու ի՞նչ կայ։

— Ի՞նչ կըսես Անժէլիք, միթէ Պրիւքսէլի մէջ,
 Օկիւսթ Տըլապուշի գործարանատիրոջ որդին
 չի ճանչող մէկը կը գտնուի՞։

— Օկիւսթ Տըլապուշ որդի՞ն է այն։

— Այո՛, Օկիւսթ Տըլապուշի որդին է թիէն Տըլապուշ,
 որ իր հօրը մահուանը վրայ բացարձակ
 տէր պիտի ըլլայ մեծահուշակ Տըլապուշ
 գործարանին, ինչպէս որ արդէն բացարձակ
 տէրն է անոր գրեթէ ամբողջ հասոյժին։

— Անոր ամբողջ հասոյթի՞ն կըսես :

— Ա, յո՛ւ, ամբողջ հասոյթին՝ որ լուսահոգի էրկանս խօսքին նայելով, տարին՝ առ նուազն կէս միլիոն ֆրանքի կը հասնի :

— Եւ այս կէս միլիոն տարեկան հասոյթը երիտասարդ էթիէնի՞ն կը պատկանի :

— Փրեթէ անոր պէս բան մը . որովհետեւ իր հօրը միակ զաւակն է ինքը, և հայր Տըլապուշ՝ որդի Տըլապուշը պաշտելու չափ սիրելուն, գործարանին ամբողջ հասոյթը անոր տրամադրութեան տակ դրած է :

Անժէլիք ապշած՝ վար կախեց իւր գեղեցիկ գլուխը և խոր մտածութեան մը մէջ ինկաւ :

— Ա՛հ, Անժէլիք, կըսէր տանտիրուհին վայրկեան մը յետոյ, եթէ քու երիտասարդութիւնդ և մանաւանդ այդ գիւթիչ աչերդ ունեցած ըլլայի՛ . . .

— Ի՞նչ կընէիր :

— Ինչ կընէի՛ . ա՛հ ես գիտեմ ինչ կընէի :

— Երիտասարդ և հարուստ էթիէնը կը հրապուրէիր :

— Չէի հրապուրեր, այլ պարզապէս իմ ուտիցս խոնարհեցնել կուտայի զինքը :

— Բայց եթէ արդէն Պէրթիէի պէս պարկեշտ սիրահար մը ունեցած ըլլայիր :

— Որ բացի իր պարկեշտութենէ ուրիշ ո-

չինչ ունի գեղեցիկ կին մը երջանիկ ընելու համար . չոր պարկեշտութիւն մը՝ որ սակայն ադամանդներ չի կրնար ստեղծել և որ շատ երիտասարդներու քով ալ կրնայ դանուակ, նոյն իսկ հարուստ երիտասարդներու քով իսկ :

— Ո՛հ, շատ թեթեւօրէն կը մտածես սիրահարաց վրայ, բարի՛ ընկերուհիս :

— Չէ՛, շիտակը խօսելով, տէրը կեցած ատեն ծառային չեմ սիրահարիր :

— Իսկ եթէ տէրը տեսնելէդ առաջ սիրահարած ես անոր ծառային :

— Ա՛հ, այն ատեն ծառան կը զոհեմ տիրոջը :

— Բայց միթէ Պէրթիէ ծառայ՞ մ'է Տըլապուշի գործարանին մէջ :

— Սիրելի Անժէլիքս, ինչո՞ւ այդպիսի վերացական գաղափարներով ինքզինքդ խաբելու կաշխատիս, մինչդեռ դու ինքդ ալ չես հաւատար այն բանին որով կը կարծես թէ կարելի պիտի ըլլայ ինքզինքդ խաբել . Պէրթիէ ընդունող մ'է, իսկ Տըլապուշ վրձարող . քանի որ Տըլապուշ վճարող է՝ ուստի ինքը տէր է . և քանի որ Պէրթիէ ընդունողն է, ուստի Տըլապուշի ծառան է . ահա կարճ խօսք, ահա գործնականը :

Անժէլիք կրկին անգամ խորին մտածմանց

մէջ ինկաւ , և այս անգամ անզգայ մէկու մը պէս ապշեալ կը նայէր Պէրթիէի և Էթիէնի ետեւէն , որոնք առանց զիրենք տեսած ըլլալու կը մեկնէին պարտիզին դռնէն .

Հետեւեալ կիւրակէ օր Անժէլիքի տանտիրուհին առաջարկեց որ նորէն երթան այն մի և նոյն պարտէզը , ուր տեղ կարելի էր որ տեսնէին Պէրթիէն , թէեւ անիկա շաբթու մէջ գիշեր մը արդէն այցելութեան դացած էր իր սիրուհւոյն ու ապագայ կնոջը :

Անժէլիք չընդդիմացաւ այս առաջարկութեան .

Պէրթիէն հոն տեսնելու հաւանականութիւնը պարտէզին ճամբան հարթեր էր անոր առջեւ :

Գացին և դարձեալ նստան այն միւսնոյն ծառին տակ և այն միւսնոյն նստարանին վերայ , ուրկէ դիտած էին նախորդ կիւրակէ օրն Պէրթիէի և Էթիէնի խօսակցելով անցնելնին :

Ժամ մը այսպէս նստած և անտարբեր նիւթերու վրայ խօսակցած էին ժամանակ անցունելու համար , և որ մէկ ժամուն մէջ Պէրթիէի պատկերը չէր հանդիպած ոչ տանտիրուհւոյն և ոչ ալ սիրուհւոյն աչերուն :

Նայիս որ Անժէլիք մէկէն ի մէկ իրար անցաւ և ,

— Ա՛յն է . . . այն . . . դէպի մեր կողմը / լուգայ , — ըսաւ :

— Ո՞վ , սիրելիս , որո՞ւ համար կըսես :

— Ահա այն երիտասարդը . . . որուն համար կըսէիր թէ գործարանատիրոջ որդին է :

— Ա՛հ , Էթիէնի՞ն համար կըսես . որչա՛փ բարեսիրտ տղայ մ'է . գուցէ զիս տեսած է հեռուէն և ճանչած ալ է :

— Զձեզ ինչէ՞ն կը ճանչնայ :

— Ասկէ մի քանի տարի առաջ իրեն շապիկներ կարած էի . գուցէ կը յիշէ զիս :

— Ա՛հ , կաղաչեմ իմ քով մի խօսակցիր իրեն հետ :

— Այդ մասին հոգ մի՛ ըներ սիրելիս , չես գիտիր որ Էթիէն ո՛րչափ բարեկիրթ և հեզահամբոյր տղայ մ'է , հակառակ իր պանծալի դիրքին . ո՛հ , եթէ կը ճանչէ և տակաւին կը յիշէ՛ զիս :

Այս միջոցին Էթիէն մօտեցած էր Անժէլիքի և անոր տանտիրուհւոյն , և այն ինչ անտարբեր կերպով մը պիտի ա՛ցնէր իրենց առջեւէն , իբրեւ թէ անակնկալ կերպիւ տեսած ըլլալով Անժէլիքի ընկերուհին , մէկէն ի մէկ կանգ առաւ հոն , և զարմացման ձեւով մը անոր նայեցաւ :

— Ա՛հ , դո՞ւք էք , տիկին . որչա՛փ ուրախ եմ զձեզ տեսնելուս , ըսաւ Էթիէն զանի ողջունելով և խոնարհական յարգանք մը ընելով նաեւ Անժէլիքի :

Պերթիէի սիրուհին և անոր ընկերուհին ոտքի ելած էին :

— Տակաւին այն միւսնայն տեղը կը բնակիք տիկին :

— Այո, տէր իմ, բնակարանէս շատ գոհ ըլլալուս, անկից տեղափոխուել չեմ ուզեր :

— Շատ լաւ, շատ լաւ, կը կը յուսամ որ դործերն ալ գոհացուցիչ կերպիւ յառաջ կերթան :

— Գէշ չեն, սիրելի պարոնս, և հիմա որ խիստ ճարտար ընկերուհի մ'ալ ունիմ հետս, այսինքն այս ազնիւ օրիորդը՝ զոր ձեզ ներկայացնելու պատիւն ունիմ, օրիորդ Անժէլիքը բսել կուզեմ, մեզի դիմող պարոնները աւելի եւս գոհ ընելու վիճակի մէջ կը գըտնուինք :

— Ես ալ զձեզ տեսնելու փափաք ունէի, տիկին. կը յուսամ որ չէք մերժեր ինձ համար քսան և չորս հար շապիկ կարելու շքանորհը. գիտէք որ միշտ գոհ եղած եմ ձեր ճարտար ձեռներէն :

— Ամենայն սիրով կ'ընդունիմ պուշարկու թիւննիդ, պարոն. ե՞րբ կուզէք որ գամ չափերնիդ պանելու :

— Դուք ատոր համար ձանձրութիւն մի առնուք ձեր վրայ. շաբթու մէջ օր մը որոշեցէք, ես անձամբ կուգամ ձեր տունը :

— Ա՛հ, խիստ բարեսիրտ էք, պարոն շատ շնորհակալ եմ :

— Ոչինչ, ոչինչ. բայց ո՞ր օր գամ :

— Չորեքշաբթի կէս օրին, էթէ կը հաճիք :

— Շատ լաւ. կրնամ այն օրը զձեզ տեսնելու հաճոյքը ունենալ նորէն :

Էթիէն ասոնք ըսելէ ետեւ գիտարկհանեց և կարուհի տիկինը և Անժէլիքը բարեւելով, ծանր ծանր մեկնեցաւ անկից :

Հետեւեալ օրը տիկին Փրանսուազ, այսինքն Անժէլիքի տան տիրուհին՝ Օթէլ Պէլժի դրօսարանը կը ներկայանար :

Ջրօսարանին վերի յարկը ելաւ և ժամադիր մէկու մը որոշ քայլերով ուղղակի փոքրիկ սենեակ մը մտաւ :

Այդ սենեակին մէջ առանձին բազմաց կը գտնուէր Էթիէն :

Անոր առջին սեղան մը կար, որու վրայ կը գտնուէր երկու հողւոյ համար պատրաստուած կերակրոյ սպասք և երկու շէշ գինի :

Փրանսուազ ներս մտած ատեն Էթիէն ոտքի ելաւ իրեն աստիճանակից ընկեր մը ընդունելու պատշաճ քաղաքավարութեամբ :

Երբ երկուքն ալ սեղանին առջեւ նստան, Էթիէն զանգակը հնչեցուց և նախապէս հըրամայուած կերակուրները բերուեցան :

— Չեր գեղանի ընկերուհոյն կենացը,

ըռաւ էթիէն գինւոյ բաժակը Ֆրանսուազի բաժակին բաղխելով:

— Ինչպէ՞ս գտաք զանի, սիրելի պարոնս. ձեզի վայելուչ պատառ մը չէ՞:

— Ո՛հ, հիանալի գեղեցկութիւն մը ունի, տիկին. ա՛հ, Պէրթիէ բաւական երջանիկ գտնուած է:

— Եւ որ հիմա այդ երջանկութիւնը աւելի արժանաւորին պիտի փոխանցէ. բայց դուք Պէրթիէի ուրիշ կերպ փոխարինութիւն մը կրնաք ընել:

— Այո՛, երանի թէ Անժէլիք յիմարարար չի վարուի:

— Այդ հողը ինձ թողէք, տէ՛ր իմ:

— Կը յուսա՞ք որ պիտի յաջողիք:

— Խիստ ապահով եմ այդ մասին. թէպէտ և դժուարութիւններ կան, բայց վերջին յաղթութիւնը մեր քով մնալուն տարակոյս չունիմ. որովհետեւ...

— Որովհետեւ ի՞նչ:

— Որովհետեւ Անժէլիք... փառատէր է. ես կին մը ըլլալու համար զանոնք աւելի լաւ կը ճանչեմ... հարիւր կանանց մէջ դժուարաւ կրնաք գտնել մէկ հատ մը որ հաճութեամբ չի զոհէ ծառայ մը իր տիրոջը. հարկ չի կայ ըսելու որ այս քաջալերական խօսքերուն վրայ էթիէնի ախորժակը աւելի եւս բացուեցաւ:

Ներելի կրնայ համարուիլ ըսել թէ, Օկիւսթ Տըլապուչի որդին իր կենացը մէջ երբէք այնչափ համեղ ճաշ մը ըրած չէր:

— Բայց կը մտածեմ թէ վերջապէս Պէրթիէն ի՞նչ պիտի ընենք, հարցուց էթիէն քիչ մը մտատանջութեամբ տիկին Ֆրանսուազի երեսը նայելով:

— Էհ, ատիկայ այնչափ մտածելու բան մը չէ, սիրելի պարոնս:

— Բայց ես կը կարծեմ թէ ընդհակառակն՝ մտածելու առաջին բանն է:

— Մտածելու առաջին բանը Անժէլիքին տէր ըլլալն է:

— Սակայն քանի որ Պէրթիէն կայ, կը վախնամ որ Անժէլիքին տէր ըլլալս՝ ձեր յուսացածին չափ դիւրին բան մը չի պիտի ըլլայ:

— Ա՛հ, կը տեսնէ՞ք որ կիները մեզի չափ լաւ չէք ճանչեր. եթէ Պէրթիէն մտածելէ ազատել պէտք ըլլայ, ապահով եղիք որ առաջին օգնականնիդ իր սիրուհին պիտի ըլլայ:

— Բայց ատիկա շատ առաջները երթալ է:

— Յուսո՞յ մասին:

— Թէ յուսոյ և թէ իրականութեան մասին:

Տիկին Ֆրանսուազ, այս խօսքին վրայ իւր աթոռը աւելի եւս մօտեցուց էթիէնի նախ-

ռին, և անոր ականջն ի վար ըսելու պէս
ցած ձայնով մը ըսաւ .

— Ես Պէրթիէն ալ կը ճանչեմ. երբ իր
խաբուած ըլլալը իմանայ, առանց ուրիշնե-
րու դժուարութիւն պատճառելու, ինքն իր
ձեռքը անձնասպան պիտի ըլլայ .

— Բայց եթէ զիս սպաննելու փորձ մը ընէ՞ .

— Այդ բանին անկարող է. վստահ եղիք
խօսքիս . իր տիրոջը զաւակը սպաննելու կա-
րողութենէ զուրկ մնալու չափ խղճահար է .

— Բայց եթէ ոչ մին և ոչ միւսը չընէ՞ .

— Ա՛հ, որ ոչ լուիցէ ունկամբ լուիցէ թի-
կամբ, կը հասկնա՞ք թէ ի՞նչ ըսել կուզեմ .

— Այսինքն եթէ մեռնիլ կամ սպաննել
չուզէ, ինքը պիտի սպաննուի .

— Որչա՛փ լաւ կը հասկնաք միտքս . և այն
ատեն իր սպաննիչն ալ գուցէ իր սիրուհին
իսկ պիտի ըլլայ .

— Ի՞նչ կըսէք, տիկին Ֆրանսուազ .

— Ի՞նչ պիտի ըսեմ. միթէ նոյն իսկ իմ
ներկայութեանս ալ ըսած չէ՞ Պէրթիէ իր սի-
րուհւոյն թէ միշտ պատրաստ է անոր եր-
ջանկութեանը համար մեռնելու . և արդ քա-
նի որ իր մեռնելովը Անտէլիք ձեռը պիտի ըլ-
լայ և հետեւաբար երջանիկ, ուստի իր ըս-
պաննուելովը ուրիշ բան մը եղած չըլլար այլ
միայն իւր հանդիսաւոր երդումը կատար-

ուած, և ատիկա ա՛յնչափ տրամաբանու-
թեան համաձայն բան մ'է, որուն դէմ Ան-
տէլիք եւս առարկութեան բառ մը չի կրնար
գտնել .

Տկարասիրտ և կնամուլ էթիէն բարձրա-
գոյն ծիծաղով մը պատասխանեց տիկին Ֆր-
րանսուազի անվիճելի վերջաբանին .

Կէս ժամ յետոյ Անտէլիքի տանտիրուհին
կը մեկնէր Օթէլ Պէլժէն, էթիէնէն ընդու-
նած հաղար Ֆրանքնոց դրամատունը իր շըր-
ջագրեստի գրպանին մէջ տեղաւորած, և ի
խորոյց սրտէ հառաչելով որ ինչո՞ւ համար ին-
քըն ալ ունեցած չէր երբէք Անտէլիքի հիւ-
նալի գեղեցկութիւնը, և այժմ՝ գոնէ ա-
նոր երիտասարդութիւնը, որպէս զի կարող
ըլլար մեծահարուստ և երիտասարդ գործա-
րանատէր մ'ալ ինքն իր ոտից առջեւ խո-
նարհեցնելու .



7.

ՄԱՏՆՈՒԹԻՒՆԸ

Հետեւեալ չորեքշաբթի օրը որչեալ ժա-
մուն էթիէն՝ տիկին Ֆրանսուազի տունը գը-
նաց .

Շապիկներուն չափը Անտէլիք պիտի առ-
նուր .

Այս գործողութեան ատեն բնականաբար օրիորդին փափուկ մատները՝ դործարանատիրոջ տղուն վզին պիտի դպէին :

Էթիէն բոլոր մարմնոյն դողալը զգաց երբ իրեն համար այդ երջանիկ գործողութիւնը կը կատարուէր, մինչդեռ Անժէլիք, տակաւին անգէտ ըլլալով իրեն դէմ լարուած որոգայթին, և անմեղութեան հրեշտակը տակաւին մեկնած և մատնութեան սատանան տակաւին յաջորդած չըլլալով անոր տեղ, չէր կրնար գիտնալ թէ իր այն սովորական գործողութիւնը ի՛նչ ծանր դեր մը կը կատարէր կնամու երիտասարդին վրայ :

Իսկ տիկին Պրանսուազ կը հրճուէր իր վարդապետութեան յաջողութեանը վրայ և իր ամենագէտ և խորամանկ աչերը երբէք չէր բաժնեւր Էթիէնի երեսէն :

Խեղճ Պէրթիէ եթէ գիտնար թէ դադունաբար ի՛նչ սոսկալի դաւաճանութիւն մը ի գործ կը դրուէր իրեն դէմ, ապագային՝ և նոյն իսկ իր Անժէլիքին համար աշխատութեան ոյժերը որչա՛փ պիտի շլատէին :

Բայց անմեղ մարդը այն վայրկենին՝ իր ապագայ երջանկութեանը վրայ երազներ երեւակայելով ինքզինքը լոյրբովին աշխատութեան տուած էր գործարանին մէջ և Էթիէնի հօրը քով :

Այսպէս մի քանի շաբաթներ անցան, և

Էթիէն քանի քանի անգամ տիկին Պրանսուազի տունը այցելելու և Անժէլիքի հետ աստիճանաբար աւելի երկար տեսակցութիւններ վայելելու երջանկութիւնը ունեցած էր :

Նախ՝ այդ տեսակցութիւնները անտարբեր բնութիւն մը ունէին Պէրթիէի խօսեցեալին համար :

Բայց երթալով ծանր կերպարանք մը առնուլ սկսան անոնք :

Տիկին Պրանսուազ երբէք առիթ չէր փախցնէր Էթիէնի վայելուչ ձեւերը, անհուն հարստութիւնը, և իր սիրած կինը աշխարհի ամենէն երջանիկ արարածներէն մին ընելու կարողութիւնը և տրամադրութիւնը՝ վառասէր օրիորդին աչքը խօթելու :

Միւս կողմանէ՝ Էթիէն եւս քիչ քիչ զգացնել տուած էր Անժէլիքի որ իր վրայ, պարզ կարուհիի մը իրաւունք ունեցածէն աւելի համակրական աչօք նայիլ սկսեւր էր :

Անժէլիք՝ առջի բերան այնչափ կարեւորութիւն չի տուաւ ոչ տիկին Պրանսուազի շուայլ գովեստներուն, և ոչ ալ այդ շուայլ գովեստներուն առարկան եղող Էթիէնի քիչ մը աւելի տաք յարգանքներուն :

Բայց փառասիրութեան զգացումը հետզհետէ յաղթանակ տանելու սկսեւր էր իր վարանոտ բնաւորութեանը վրայ :

իրաւ է որ Անժէլիք՝ անհուն սիրով կը սիրէր Պէրթիէն :

Բայց Պէրթիէ՛ վերջապէս « ծառայ » մ'էր : Ծառայ ... այո՛ , ծառայ մը , ինչպէս որ ըսած էր իրեն տիկին Ֆրանսուազ :

Եւ մանաւանդ որ էթիէնի ծառան էր , և հիմա տէրն էր որ զինքը յափշտակելու կը տրքէր իր ծառային ձեռքէն :

Անժէլիք եթէ Պէրթիէի յարած մնար , և էթիէնի անտարբեր աչօք նայելու շարունակէր , անշուշտ Պէրթիէ երբէք տէր չպիտի կրնար ըլլալ իրեն խոստացուած 20000 ֆր : հասոյթ բերող գիրքին :

Եւ եթէ ըլլար իսկ , իր տարեկան 20000 ֆր . ի հասոյթը ի՛նչ նշանակութիւն կրնար ունենալ էթիէնի արամադրութեան տակ գտնուած ահագին հարստութեան հետ բաղդատելով , որն որ անվիճելի կերպով բոլորովին իրը պիտի ըլլար ծերունի հօրը մահու ընէ ետե :

Վերջապէս Պէրթիէ մի միայն համեստ կեանք մը և համեստ ապագայ մը կրնար բերել իրեն հետ :

Մինչդեռ էթիէն փառաւոր արգարաններ , Անգլիական ձիեր լծուած չքեղ կառքեր , կառապաններ , բազմաթիւ սպասաւորներ , խոհարարներ , պարտիկպաններ , անհամար

մետաքսեայ շրջագգեստներ և գլխարկներ , և դքսուհիներու նախանձը շարժող ոսկեց կոյտեր պիտի բերէր իրեն հետ :

Գիշեր մը բոլորովին անքուն անցուց Անժէլիք , այս խափուտիկ երազներուն իրեն ներկայացուցած փառաւոր ապագային վրայ մտածելով :

Հետեւեալ օրը մանաւոր տեսակցութիւն մը պիտի ունենար էթիէն իրեն հետ :

Պէրթիէ , այն անկեղծ և պարկեշտ սիրահարը՝ ամենեւին տեղեկութիւն չունէր անցած դարձած բաներէն :

Վերջապէս հետեւեալ օրը եղաւ :

Անժէլիք՝ սրտի ահագին տագնապներու մէջ , գործարանատիրոջ սիրամուտը որդւոն գալստեանը կ'սպասէր :

Պէրթիէի սիրուհին իր խօսելիքը և ընելիքը կատարելապէս որոշած էր : Գիտէր որ ինչ պիտի ըսէր իրեն էթիէն , և անոր ըսելիքներուն տալիք պատասխանները պատրաստեր էր :

Հասաւ վճռական վայրկեանը :

Երբ էթիէն սենեակէն ներս մտնելով , յարգանօք ողջունեց Անժէլիքը և տիկին Ֆրանսուազը , այս վերջինը գործ մը պատրուակ բռնելով ներումն ինդրեց երիտասարդուհիէն և երիտասարդ միլիոնատէրէն , զիրենք

քիչ մը ատեն մինակ թողելու օտիպուած
ըլլալուն համար, և արտորնօք տունէն մեկ-
նեցաւ:

— Նստէ սիրելիս, այսօր ծանր խոստովա-
նութիւններ ունիմ քեզի ընելիք, և բոլորով
սրտիւ երախտապարտ եմ քեզի որ այս ա-
ռանձնակի տեսակցութեան երջանկութիւնը
չի զլանալ հաճեցար ինձ. նաեւս ներէ որ
եզակի դէմքով կը խօսիմ քեզի հետ. կը
յուսայի որ այս մեծ շնորհն ալ չէիր զլանար
ինձ, և դուն ալ ինձ հետ եզակի դէմքով
խօսելու պատիւը կնես:

— Շատ բարեսիրտ էք պարոն:

— Ո՛հ, ատիկա չեղաւ, դարձեալ յոգնակի
դէմք կը դործածես:

— Շատ լաւ. եզակի կը խօսիմ այսուհետեւ
եթէ այդպէս կը հաճիս:

— Շնորհակալ եմ օրիորդ. հիմա ուրիշ
հարցում մը... անմեղ հարցում մը սուսիմ
քեզի ընելիք... կը խնդրեմ համարձակօրէն
պատասխանէ:

Էթիէնի ձայնը յայտնապէս կը մատնէր իր
ներքին յուզմունքը այս վայրկենիս:

— Մտիկ կընեմ քեզ պարոն, և կաշխատիմ
կարելի եղածին չափ անկեղծ կերպիւ պա-
տասխանել քեզ, եթէ ընելիք հարցմանցդ
պատասխանել կարելի ըլլայ:

— Ո՛հ օրիորդ Անժէլիք, արդէն զքեզ տե-
սած առաջին օրէս, վրաս ինչ ծանր տպա-
ւորութիւն մը ըրած ըլլալդ հարկաւ իմ վար-
մունքէս հասկցած ես. և քանի որ քեզի հետ
մասնաւոր տեսակցութիւն մը ունենալու բաղ-
ձանքս չի մերժելու բարեսրտութիւնն ունե-
ցար, ուստի իմ խոստովանութեանս ինչ տե-
սակ բան ըլլալիքը գիտնալով պատասխանդ
արդէն սպտրատած ըլլալու ես. չեմ գի-
տեր թէ զիս ապրեցնելու շնորհը պիտի ընես
թէ մահուանս վճիռը պիտի արձակես. գի-
տես որ այս տեսակ փափուկ պարագայի մը
մէջ վրադ ճնշում բանեցնելը յիմարական բան
մը եղած կըլլայ ինձ համար... միայն թէ ա-
մենայն խոնարհութեամբ կը խնդրեմ որ տա-
լիք պատասխանդ բոլորովին անկեղծ ըլլայ...
կը սիրեմ զքեզ, Անժէլիք, զիս յիմարութեան
անդունդին եզրը բերելու չափ սաստկու-
թեամբ կը սիրեմ զքեզ... չեմ ըսեր որ դուն
ալ զիս սիրես. ասիկայ քենէ պահանջելու
համարձակութիւնը և յանդգնութիւնը չու-
նիմ... միայն անկեղծօրէն պատասխանէ ինձ
թէ զքեզ սիրելուս թոյլտուութիւն պիտի
ընե՞ս թէ չէ... ահա իմ խոստովանութեանս
տալիք պատասխանը, որ իմ կենացս փրկու-
թիւնը կամ իսպառ խորտակումը պիտի ըլ-
լայ:

Էթիէն դողդոջունն ձայնով մը այս խօսքերը վերջացնելէն ետեւ նստած աթոռին վերայէն վեր ցաթկեց և գեղանի աղջկան ոտներուն խոնարհեցաւ :

— Բայց ստքի ելիր, պարօն, ի՞նչ կընես. քեզի պէս բարձր դիրքի մէջ եղող երիտասարդի մը համար անարժան աղախնւոյ մը ոտներուն փարիլը անվայել բան է :

— Ոչ, չի պիտի ելնեմ. մինչեւ որ այդ գեղեցիկ բերնէդ իմ կենացս վճիռը չի լսեմ, ոտքի չի պիտի ելնեմ :

Բայց ես նշանած եմ արդէն, պարօն, և սարէէ մը Պէրթիէի կինը պիտի ըլլամ :

— Ո՛հ գիտեմ ատիկա. բայց իմ սպասած պատասխանս ուրիշ բան է :

— Սակայն ի՞նչ կուզես որ ընեմ, պարօն. ուրիշի մը ամուսինը եղած ատենս, քու ալ հոմանունիդ ըլլամ :

— Ա՛հ, ըսէ ինձ որ պիտի ներես քեզ սիրելուս, Անժէլի՛ք :

— Եւ այն ատեն :

— Է՛հ այն ատեն քու ամուսինդ պիտի ըլլամ եթէ հաճիս :

— Իմ ամուսինս ըլլաս :

— Այո, քու ամուսինդ պիտի ըլլամ, Անժէլիք, եթէ այդպէս կամելու շնորհն ընես :

— Իսկ Պէրթիէն . . .

— Պէրթիէի համար ալ պիտի ընեմ ինչ որ հրամայես ինձ :

— Բայց ի՞նչ կրնաս ընել անոր :

— Ձինքը՛ մարդոց ամենէն երջանիկը պիտի ընեմ, եթէ փառասէր է և հարստանալ կուզէ :

— Իսկ եթէ փառասէր չէ և ինձմէ զատուիլ չուզէ՛ :

— Ա՛հ այն ատեն . . . այն ատեն դարձեալ պիտի ընեմ ամեն ինչ որ կը հրամայես ինձ ընել . . .

Անժէլիք տեսաւ Էթիէնի աչաց մէջ այն ծայրայիշ որոշման նշանները, որոնք ի յայտ կուգան կարի գրգռեալ մարդու մը վրայ՝ հակառակ իրեն իսկ կամաց :

Պէրթիէի սիրուհին գլուխը վար կախելով մտածել սկսաւ :

Էթիէն տակաւին ծնգան վրայ կը մնար իր ոտից առջև :

Բռներ էր նա Անժէլիքի ձեռներէն մին, և զանի իւր չթանցը դպցնելու համարձակած իսկ . . . և գեղանի օրիորդը ետ չէր քաշած զանի :

— Բայց դիցուք թէ հաւանիմ կինդ ըլլալու, սակայն հարդ պիտի հաճի՞ ինձ պէս աննշան մէկը իրեն հարս ունենալու :

— Դուն միայն քու հաճութիւնդ տուր, Ան-

ժէլիք, և այլ եւս մի մտածեր թէ Պէրթիէի
և թէ հօրս վրայ:

— Բայց տէ՛ր Աստուած, ի՞նչ պիտի ընես
զանոնք:

— Ո՛հ, երկուքն ալ պիտի սպաննեմ, եթէ
յամառին իմ երջանկութեանս առջև ար-
դելք մը ըլլալու:

Անժէլիք՝ նորէն խորին մտածմանց մէջ ին-
կաւ:

Յետոյ ծանրաբար վեր առաւ իր դլուխը,
և սիրոյն սաստկութենէն մուրրած և մինչև
իսկ մարդասպան մը ըլլալու որոշած երիտա-
սարդին ձեռքէն բռնելով ըսաւ:

— Էթիէն, անխոհեմ մի՛ ըլլար. տակաւին
տարի մը ժամանակ ունիմ Պէրթիէի տուած
խոստումն կատարելու համար. այս մէկ տար-
ուան մէջ շատ բաներ կրնան պատահիլ. հայ-
րըդ ծերացած է արդէն, կարելի է որ այդ
մէկ տարուան միջոցին մէջ բնական մահուամբ
մեռնի և դուն բոլորովին ազատ ըլլաս ընե-
լիքիդ վրայ հաստատ որոշում մը տալու. իսկ
Պէրթիէի հոգը իմ վրայ թող. և ես կը խոս-
տանամ քեզի որ մինչեւ այն ատեն զիս սի-
րելու և ապագային համար յուսալու եր-
ջանկութիւնն ունենաս, առանց սակայն զիս
նեղելու, և Պէրթիէի՝ կասկածի երթալու ի-
րաւունք տալիք բան մը ընելու. ահա իմ

այսօրուան քեզի տալիք ամենէն անկեղծ և
վերջին պատախանս. հիմա ոտքի ել:

— Ո՛հ, կարի երջանիկ եմ, օրիորդ, ըսաւ
էթիէն, ուրախութենէն դրեթէ խելքին կէ-
սը կորսնցուցած վիճակի մէջ ոտքի ելած ա-
տեն, և Անժէլիքի ձեռքէն բռնելով աշխու-
ժիւ յարեց:

— Ե՛րբ պիտի կրնամ վերստին տեսնել զքեզ:

— Ճրանսուազ պիտի իմացնէ քեզի յարմար
ժամանակը. բայց մինչեւ որ ինձմէ հրաւէր
մը չընդունիս մի գար հոս:

Ահա այս տեղ կը վերջանար այն նենգա-
ւոր տեսակցութիւնը, և էթիէն կը մեկնէր
Անժէլիքի տունէն՝ այն վայրկենիին ինքզինքը
մարդոց ամենէն երջանիկը համարելով:

Իսկ Պէրթիէի սիրուհին՝ առանձին մնա-
ցած ատեն մատնուած էր այն խորին մտա-
տանջութեան, որ վերջնական որոշման մը կը
մղէ զմարդ փրկութեան կամ կորստեան ու-
ղիներէն մին ընտրելու՝ անդառնալի կերպիւ:

Աւա՛ղ, արդէն կանացի փառասիրութիւ-
նը, վերջին յաղթութեան նուազ կարեւոր
գիրքերը գրաւած էր՝ մարդկային կենաց
այն ահեղ պատերազմին մէջ, որուն շատ ան-
գամ ճակատագիր անունը կուտանք՝ նոյն
իսկ մեր տկարութիւնը արդարացնելու և
զմեզ անբասիր հանելու համար:

Ե .

Վ Զ Ո Ի Կ Ը

Պէթիոյ մայրաքաղաքին մէջ մի քանի ամիսէ ի վեր հաստատուած էր Իրլանտացի վհուկ մը .

Խիստ գեղանի Անգլուհի մ'էր այն .

Գրեթէ դեռատի աղջիկ մը տակաւին հազիւ ասանեւ վեց կամ տասնեւեօթն տարեկան .

Կենաց ապագան գուշակող այս դեռատի օրիորդին համար , այն մի քանի ամիսները բաւական եղած էին իր հուշակը այն ատիճան տարածելու , որ նոյն իսկ Բարիզէն և Լոնտօնէն անգամ բարձրատիճան անձինք իրենց ապագային վճիռը իմանալու համար Պրիւքսէլ կը փութային .

Անժէլիք՝ էթիէնի հետ ունեցած տեսակցութեան հետեւեալ կիւրակէն ինդրեց Պէթիէ , յէ որ անգամ մը այն վհուկին երթային իմանալու թէ այն գեղանի Անգլուհին ի՞նչ կը գուշակէ իրենց ապագային համար .

Պէթիէ՛ որ թէպէտ այս տեսակ պարագաներու մէջ դիւրահաւատ երիտասարդ մը չէր , իր սիրուհոյն հաճելի ըլլալու բողձանօք ընդունեց անոր առաջարկութիւնը , և

երկուքը մէկանց կառք մը նստելով , վհուկին բնակարանը՝ կամ եթէ կողքէք ուրիշ կերպ ըսելնիս , գեղեցիկ Անգլուհոյն խորհրդարանը գացին .

Զիրենք գիմաւորողը պառաւ կին մ'էր .

Սա ալ Իրլանտացի մ'էր , վերջին աստիճան նիհար և ահարկու կերպիւ տգեղ , որ անուանի վհուկին դռնապանի պաշտօնը կը վարէր .

Անժէլիք և Պէթիէ իրենց այցելութեան առաջին բախտը կը վայելէին .

Վհուկը՝ ուրիշ այցելու մը չունէր այն պահուն .

Բան մը որ խիստ հազուադէպ էր .

Տգեղ պառաւուհին զիրենք զարդարուն սենեակ մը առաջնորդեց , և ինքը գնաց անոնց այցելութեան նպատակը իր տիրուհոյն իմացնելու .

Տարբ վայրկեան յետոյ Անժէլիք և Պէթիէ ուրիշ մութ սենեակ մը կ'առաջնորդուէին .

Միայն մէկ պատուհան մը ունեցող փոքրիկ սենեակ մ'էր այդ , և այդ մէկ պատուհանն ալ հաստ վարագոյրներով գոցուած ըլլալով , գործաւորապետը և իր սիրուհին գիշերառյին մութին մօտ խաւարի մէջ գտան ինքզինքնին .

Սակայն սենեկին մէկ անկիւնը գտնուած

բազմացին վրայ՝ մարդկային էակի պէս բան մը բազմած ըլլալը կրնար տեսնուիլ, ինչպէս նաեւ երկու աթոռներ, որոնց վրայ նստելու հրաւիրուեցան այցելուն և այցելուհին՝ պառաւ կնոջ և ձեռաց մէկ նշանին վրայ:

Պառաւուհին անմիջապէս մեկնեցաւ: Կատարեալ լուրթիւն մը կը տիրէր այն միջոցին:

Անժէլիք և Պէրթիէ՝ պարապ տեղը սպասեցին որ իրենց «բարի եկաք» մը ըսուէր, կամ թէ այցելութեան բուն նպատակներն իրենց հարցուէր:

Ուստի իրենք ալ կատարեալ լուրթեամբ՝ գործին վախճանին կ'սպասէին:

Հազիւ երկու վայրկեանի չափ անցեր էր այս կերպիւ, և կամաց կամաց սարսուռ մը պատել սկսեց էր Անժէլիքի ամբողջ մարմինը, ահա տարօրինակ երեւոյթ մը բոլորովին ըսթափեցուց զինքը և զարմացման աղաղակ մը հանեց իր բերնէն:

Սենեակը մէկէն ի մէկ լուսաւորուեր էր կարմիր լոյսով մը, որուն՝ ուրկէ թափանցելուն խելք հասցնել կարելի չէր կրնար ըլլալ:

Անժէլիք և Պէրթիէ՝ այն վայրկեանին ինքզինքնին դիւթական աշխարհի մէջ կարծեցին:

Ըսինք նաեւ թէ դժուարահաւատ Պէրթիէ

իսկ զգալ սկսաւ որ մէկէն ի մէկ գործերը լուրջ կերպարանք մը կառնէին:

Այն ատեն կարելի եղաւ նաեւս հաստատապէս հաւատալ որ իլանտացի վհուկին գեղեցկութեանը վրայ պտտած խօսքերուն մէջ չափազանցութեան նշոյլն անգամ չի կար:

Ս'հ, վերջապէս վհուկին բերանը բացուեցաւ:

Իւր գեղանի ու սեւ աչերը Անժէլիքի երեսին ուղղուած ատեն այնպիսի այրիչ զօրութիւն մը կար անոնց մէջ, որուն՝ ապահով եղաւ Պէրթիէի սիրուհին որ և ոչ մի այր մարդ պիտի կարենար վայրկեան մը իսկ դիմանալ:

— Օրիորդ, սե՛ւ էք թէ ճերմակ, հարցուց գեղանի վհուկը, ծանր ծանր չեչտեչով իր արտասանած այդ հինգ բառերուն վրայ զատ զատ:

Անժէլիք մտածեց թէ ինչ պատասխան տայ: Ահա հարցում մը որուն երբէք պատրաստուած չէր ինքը, և որուն սակայն պատասխանել պէտք էր:

Արդեօք սե՛ւ ըսեր աղէկ պիտի ըլլար թէ ճերմակ:

Բայց վերջապէս բան մը ըսելու էր:

Է՛հ, ճերմակը գէշ չէ, մտածեց Պէրթիէի սիրուհին, սեւը՝ սեւ գուշակութիւններ յառաջ պիտի բերէր:

— Ճերմակ, պատասխանեց այցելուհին՝ մը-
տածելու համար կորսնցուցած ժամանակը
պատասխանի շուտութեամբ փոխարինելու
արագ ձեւով մը:

Այն ատեն գեղեցիկ վհուկը զանգակ մը
հնչեցուց:

Այս երաժշտական հրամանին վրայ իսկոյն
քովնտի դուռ մը բացուեցաւ, ուրկէ ներս
կը մտնէր հազիւ տասներկու տարեկան ըս-
պիտակազգեստ աղջիկ մը, ոչ նուազ գեղե-
ցիկ քան իր տիրուհին կարծուած վհուկը:

— Ճերմակ աղաւնին բեր, ըսաւ դեղանի
վհուկը այդ դեռատի աղջկան:

Աղջիկը խոնարհական յարգանք մը մա-
տուցանելով նորէն դուրս ելաւ այն միւկնոյն
դռնէն, ուրկէ ներս մտած էր:

Սենեկին կարմիր լոյսը աւելի եւս զօրա-
ցած էր այն վայրկենին, և ամեն բան՝ կա-
տարելապէս մոգական կերպարան մը առած
էին. անանկ որ Անժէլիք և Պէրթիէ ինք-
զինքնին բոլորովին վերացեալ աշխարհի մը
մէջ կը կարծէին:

Պէրթիէ բոլորովին լուռ կեցած էր, և այս
տարօրինակ տեսարանին իր վրայ ըրած խո-
րէն ազդեցութեան վրայ կը մտածէր:

Անժէլիք եւս լուռ կը կենար:

Իրեն ալ խորին մտածմանց մէջ դանուած
ըլլալը երեսէն յայտնի կ'երեւէր:

Բայց ի՞նչ բան էր իր մտածման գլխաւոր
առարկան:

Միթէ սեւի և ձերմակի խնդրը, թէ ու-
րիշ բան:

Վերջապէս խորհրդաւոր դուռը նորէն
բացուեցաւ, և նոյն գեղեցիկ և երիտասարդ-
աղջիկը անկէց ներս կը մտնէր, իւր ձեռացը
մէջ ունենալով սպիտակ աղաւնի մը, զոր իր
տիրուհւոյն նշանացի մէկ հրամանին վրայ
Անժէլիքի կը մատուցանէր:

— Առէք այդ սիրուն աղաւնեակը, կուրծ-
քերնիդ բացէք և հինգ վայրկեան հոն պա-
հեցէք զանի, օրի՛նք, ըսաւ վհուկը դարձ-
եալ ամեն մէկ բառերը զատ զատ յշտեւով:

Անժէլիք, իրեն տրուած հրամանը կատա-
րել վստօթաց. քակեց իր կուրծքի զգեստը
և մերկ մարմնոյն վրայ դրաւ այն սպիտակ
աղաւնին, որուն ամբողջ փետուրներուն վը-
րայ չէր տեսնուեր մընչիւ իսկ ամենափոքրիկ
մուշ կէտ մը:

Արդեալ հինգ վայրկեանը ամենայն լուռ-
ութեամբ անցաւ:

Անժէլիք իր կուրծքին վրայ կ'զգար անմեղ
կենդանւոյն սրտի տրոփները՝ սր անոր զգա-
ցած տեսակ մը սարսափէն, քիչ մը եւելկէկ
յուզուած ու սաստկացած էին:

Աղաւնին բերող աղջիկը մէկ կողմ կանած

էր և անանկ կերեւէր թէ իր շրջագրեստին
ետեւի կողմը բան մը պահած էր :

— Բաւական է, դուրս հանէ աղաւնին,
ըսաւ վհուկը :

Անժէլիք իրեն հրամայուածին պէս ըրաւ :
Խեղճ կենդանին կարծես թէ գլուխը դա-
լիքը հասկցած էր, և տեսակ մը աղերսաբ-
կու նայուածքով Անժէլիքի երեսը կը նայէր,
որ կարմիր լոյսին գոյնէն և զգացած ներքին
յուզմունքէն բոլորովին կարմրած ըլլալով
այն միջոցին գեղեցկութեամբ կը հաւասա-
րէր Անգլուհւոյն չքնաղ դէմքին :

— Մօտեցիր իրեն և դանակը ու գաւաթը
ձեռքը տուր, կրկնեց վհուկը, իր խօսքը
դեռատի աղջկան ուղղելով :

— Ո՛հ, ի՞նչ պիտի ընեմ, հարցուց Անժէ-
լիք մէկէն ի մէկ սարսափելով :

— Գուն քու ձեռքովդ պիտի մորթես այդ
սպիտակ աղաւնի, քանի որ քու կամօքդ
ընտրեցիր ձերմակը : Բայց զգուշացիր որ ա-
նոր արիւնէն կաթիլ մը իսկ դուրս չի ցայ-
տէ գաւաթէն, պատասխանեց գեղանի վը-
հուկը, բոլորովին անտարբեր կերպիւ :

— Բայց չեմ կրնար, կարող չեմ այդ բանը
ընելու : Ո՛հ, անմեղ աղաւնի մը իմ ձեռօքս
մորթեմ, որ այնչափ աղերսարկու կերպիւ
երևոյ կը նայի :

— Պիտի մորթէք զայն, օրիորդ, պէտք է որ
արեան վարժուիք, որովհետեւ ձեր ապագան
ալ արիւն կը ցուցնէ :

Վհուկին այս խօսքերուն վրայ, Անժէլիք
և Պէրթիէ սարսափահար իրարու երեսնա-
յեցան, և դրեթէ երկուքն ալ հաւասար
կերպիւ դողալ սկսեցին :

— Ընելիքնիդ շուտով որոշեցէք, Օրիորդ,
ըսաւ վհուկը հաստատական ձայնով մը և
վայրկեան մը սպասելէ ետեւ,

— Ո՛հ, կաղաչեմ ուրիշ փորձ մը հրամայե-
ցէք :

— Ուրիշ կերպ ընել կարելի չէ :

— Բայց այդ ըսածնիդ չի պիտի կարենամ
ընել : Ո՛չ, ո՛չ, ես բոլոր կենսացս մէջ կենդա-
նի մը մորթած չեմ :

— Ուրեմն պարապ տեղը ձանձրութիւն ըս-
տանձնած էք հոս գալով :

Անժէլիք կրկին անգամ նայեցաւ Պէրթիէի
երեսը՝ անկից որոշում մը մտաբալու ձեւով :

Բայց Պէրթիէ երթալով այնչափ մտածմանց
խորերը կը թափանցէր որ ուշադրութիւն
անգամ չի կրցաւ ընել իր սիրուհւոյն նայ-
ուածքին :

Այս վերջինը իսկոյն մտաբերեց որ իր ձեռ-
քի աղաւնին նորէն ետ դարձնէ և իր սիրա-
հարին հետ մեկնի անկից :

Բայց վհուկը՝ ապագային համար արեան
խօսք ըրած էր :

Ի՞նչպէս մեկնիլ անկից առանց այդ ամե-
նածանր գուշակութիւնը տեղն ի տեղօք ի-
մանալու :

Եւ ի՞նչ կըլլար այսպիսի ամենակարեւոր
նպատակի մը համար աղաւնի մը մորթելէ :

Առ առաւելն վայրկեանի մը խնդիր :

Անժէլիք երկար բարակ մտածելու ալ կը
վախնար, որպէս զի վհուկին համբերութիւ-
նը հասանելով զերենք իր ներկայութենէն բո-
լորովին չի վռնտէ :

— Լա՛ւ, օրիորդ, պիտի մորթեմ այս անմեղ
արարածը, որպէս զի գուշակութիւննիդ
ծայրէ ի ծայր խնայամ, ըստ Պէրթիէի սի-
րուհին բոլորովին յուզեալ ձայնի :

Վհուկը չի պատասխանեց :

Բայց իր կերպէն այնպէս կերեւեք որ ըլ-
լալիք գործողութիւնը չուտով կատարուելուն
անհամբեր էր :

Իե՞տասի ազջիկը իր ձեռքին դանակը յանձ-
նեց Անժէլիքի, և ոսկեղօծ դաւաթը անոր
առջին պատրաստ բռնեց, որպէս զի խեղճ
կենդանւոյն կոկորդէն ելնելիք արիւնը անոր
մէջ վազէ՝ առանց դուրս թափելու :

Անժէլիք իր ձեռքի կենդանւոյն գիրքը
փոխելով զանի գլխիվայր դարձուց, 4 լուսիք

դէպի ետեւ քաշեց, և անոր կոկորդը դա-
ւաթին կեղբունին վրայ բռնելով դանակը
դարցուց այն հազիւ տեսանելի փափուկ կետին :

Ահա ձեռաց շարժում մ'ալ և ամեն բան
պիտի լիննար :

Բայց ճիշդ այդ միջոցին խեղճ կենդանին
վերջնական ճիգ մը կընէ, կը սարսէ իր լծե-
ւերը, և դանակը դետին կիցնայ Անժէլիքին
ձեռքէն :

— Ո՛հ, սոսկալի բան է այդ, կաղաղակէ
Անժէլիք, և վհուկին գութը շարժելու ձե-
ւով մը անոր երեսը կը նայի, առանց սովայն
մահուան դատապարտեալ խեղճ աղաւնին ա-
զատ թողելու :

Բայց վհուկը անողորք է :

Պարզապէս նեղացած կերպով շարժում մը
կընէ :

Ուստի պէտք է որ կամ իր արտասանած
վճիռը անյապաղ գործադրուի, և կամ իր
այցելուները մեկնին առանց իրենց նպատա-
կին հասած ըլլալու :

Ալ վարանման տեղի չիկայ ամենեւին :

Անժէլիք հառաչ մը արձակելով ծռեցաւ
և դանակը վերցուց դեմնէն :

Ձեռքի աղաւնին ճիշդ առաջուան պէս
մորթելու դիրքին վերածեց, և այս անգամ
աւելի քաջութեամբ վարուելով կոխեց դա-

նակը անմեղ կենդանւոյն կոկորդին :

Արիւնը ցայտեց գաւաթին մէջ , զոր դեռ առտի աղջիկը պատշաճ դիրքի մը մէջ բռնած էր Անժէլիքի առջեւ :

Այլ մահուան տաղնա՞պը ինչ ընելու էր :

Անժէլիք վարժուած չլլալուն՝ գէշ կերպով մորթած էր կենդանին՝ որ չարաչար կը տանջուէր անոր ձեռացը մէջ և իր ամեն մէկ ցնցումովը մէկ մէկ քրտինքի կաթիլ կը վազցնէր անոր ճակտէն :

Այլ եղածը եղած էր :

Պէտք էր ցոյտին մըուր քամել գառնութեան բաժակը , միայն ուշագործ ըլլալով որ արեան կաթիլ մը դուրս չի ցայտէ և բոլորն ալ գաւաթին մէջ վազէ :

Վերջապէս խեղճ աղաւնոյն շարժումները դադրեցան :

Այլ ամեն բան լմնցած էր , և անոր՝ կիսով կտրուած գլուխը բոլորովին վար կախուած :

— Լմնցաւ , օրիորդ , հիմա ուրիշ ի՞նչ հրաման ունիք , հարցուց Անժէլիք դողդոջուն ձայնով մը և իւր նայուածքը , ահարկու և գեղանի վհուկին ուղղելով :

— Սիրտը ճեղքէ և բաց , ըսաւ Անդլուհին :

Ասիկայ՝ մարթելու գործողութեան չափ ծանր և սոսկալի բան մը չէր :

Մէկ վայրկենի մէջ աղաւնոյն սիրտը բաց-

ուեցաւ , ուրկէ տաք շոգի մը կենէր :

— Հիմա ինձ բեր զանի աղջիկս , յարեց վրհուկը , իր հրամանը պղտիկ աղջկան ուղղելով :

Անժէլիք և Պէրթիէ մեծ հետաքրքրութեամբ կը նայէին թէ վհուկը ի՞նչ պիտի ընէր սպանեալ կենդանւոյն սիրտը :

Ասիկա , առանց իր տեղէն շարժելու , մորթուած աղաւնին ձեռքը առաւ , ինչպէս նաեւ անոր արիւնը ընդունող ոսկեղօժ գաւաթը . մի քանի կաթիլ սրսկեց բացուած սրտին վրայ այն արիւնէն որ գաւաթին մէջ կը գտնուէր . յետոյ մի քանի անիմանալի բառեր արտասանեց , որուն վրայ գաւաթին մէջի արեան եռալու ձայնը լսուիլ սկսաւ :

Մթութիւնը նորէն պատեց չորս կողմը , որովհետեւ կարմիր լոյսը յանկարծ բոլորովին աներեւութացած էր :

Այն ատեն մութին մէջ սրտաման նմանող ձայներ լսուիլ սկսան :

Անժէլիք բռնած էր Պէրթիէի թեւէն , մինչդեռ երկուքն ալ յայտնապէս կը դողային :

Իրենց անանկ եկաւ որ եթէ ոչ ամբողջ սենեակը՝ գոնէ իրենց տակ գտնուած աթոռները կը ցնցուէին :

Գրեթէ ամբողջ մէկ քառորդ ժամ տեւեց

այս ահարկու վիճակը, երբ սենեակը նորէն լուսաւորեցաւ մէկէն ի մէկ այն միւսնոյն կարմիր լոյսով, և վհուկը կը տեսնուէր նոտած դարձեալ այն միւսնոյն տեղը, սակայն իր երեսները բոլորովին քրտինքէ թրջած:

Մորթուած աղանին և արեան դաւաթը իր առջեւը կը կենային սեղանին վրայ:

Քայք գաւաթին մէջի արեան եռալը բոլորովին դադրած էր, ինչպէս նաեւ պահ մը առաջ իմացուած որոտման պէս ձայները:

Անդլուհին ծանր ծանր խօսելով սա հետեւեալ բառերը արտասանել սկսաւ.

— Օրիորդ, դուք ձեր ամենատիրելին պիտի սպաննէք. պիտի ամուսնանաք. խիտ ճոխ կեանք մը պիտի վարէք. յետոյ պիտի մուրաք և թշուառ մեռնիք:

Անժելիք զդաց որ պաղ քրտինք մը կիջնէր կոնակէն վար:

Իսկ Պէրթիէ ցնցուելով, նստած տեղէն կէս մը վեր ցատկեց:

— Օրիորդին վրայ եղած փորձը վերջացաւ. կարծեմ կուզէք որ ձերը սկսինք, պարոն, ըսաւ վհուկը այն միջոցին տիրած ահաբեկութեանը խօսելով:

— Ս,յո, ազնիւ օրիորդ, ինձ համար ըլլալիք փորձին սկսինք և թէ կը հաճիք:

— Խիտ լաւ. հայելի՞ն կը նորէք թէ տուփը:

— Հայելին կը նորեմ, պատասխանեցր Պէթիէ առանց երկար բարակ մտածելու, որով կը կարծէր թէ իր ներքին տագնապը սքողելու և թէ իր սիրուհւոյն և թէ վհուկին առջեւ իր քաջասրտութեան մի փորձը տալու կարող պիտի ըլլար:

— Հայելին բեր, աղջիկս, ըսաւ վհուկը տասներկու տարեկան գեղանի և սպիտադղեատ աղջկան:

Խորհրդաւոր դուռը նորէն բացուելով դոցուեցաւ և վայրկեան մը յետոյ կը վերադառնար այն իր ձեռքը ունենալով ոսկեզօծ շրջանակով արծաթապատ փոքրիկ հայելի մը:

Աղջիկը իր առած կրկին հրամանին վրայ գետինը ծնդան վրայ ինկաւ, սկսաւ հայելին մէջ նայիլ, և յետոյ աչերը առանց հայելին մէջէն զատելու սպասեց:

— Տեսարանը սկսա՞ւ, աղջիկս, հարցուց վհուկը:

— Քրոնիլ սկսայ, օրիորդ. կարծեմ թէ տեսարանը բացուելու վրայ է:

— Լաւ ուշադրութիւն ըրէ:

— Ս,յո, կընեմ. ահա, ահա, կսկսի. այո, կսկսի, յարեց աղջիկը յուզուելու սկսելով ինքը:

— Ի՞նչ կը տեսնես:

— Կը տեսնեմ որ ժողովրդեան մէջ իրարանցում մը կայ և կը վազվզեն :

— Դէպի մէկ կողմ կը վազեն թէ խառնիխուռն :

— Ոչ, միշտ դէպի մէկ կողմ կը վազեն :

— Հետեւէ իրենց :

— Այո, կը հետեւիմ. ընդարձակ փողոց մը հասանք :

— Կը ճանչեմ այդ փողոցը :

— Պիտի ճանչես. այո, այո, Սակարանին փողոցն է :

— Ո՞ւր տեղի Սակարանին :

— Բարիզու. ահա՛, ահա՛ Սակարանն ալ :

— Ներս մտիր :

— Մտայ. ամեն ոք կը գնէ. գիները հետոզհետէ կը բարձրանան տարապայման կերպիւ :

— Ի՞նչ է գնածնին :

— Նոր հաստատուած ընկերութեան մը բաժնեթուղթերը :

— Լաւ ուշադրութիւն ըրէ :

— Պարոն մը, երիտասարդ և գեղեցիկ պարոն մը միշտ կը գնէ. ամեն ոք կըսէ թէ սաստիկ հարստացած է ինքը :

— Ուրիշ ի՞նչ կը տեսնես :

— Սակարանէն դուրս ելանք. փառաւոր պարտէզի մը մէջ ենք :

— Հասարակաց պարտէզ թէ մասնաւոր :

— Հասարակաց պարտէզ է, չքեղ կառքեր կանցնին իրարու ետեւէ :

— Մէջինները ճանչեցի՞ր :

— Այո, այդ չքեղ կառքերէն մէկուն մէջ նստած է Սակարանին մէջ միշտ նոր ընկերութեան արժեթուղթերէն գնող այն երիտասարդ պարոնը, որուն քով բազմած է խիստ գեղանի կին մը, դիմացնին ունենալով երկու հատ սիրուն տղայք :

— Հետեւէ՛ իրենց :

— Տեսարանը նորէն փոխուեցաւ. սաստիկ ձիւն կուգայ. ապարանի մը առջեւն ենք. բազմաթիւ հրաւիրելոց կառքեր կը հասնին :

— Նե՛րս մտիր ապարանէն :

— Մտայ, ո՛հ, ո՛րչափ գեղեցիկ և փառաւոր ապարան. չքեղ ճաշի սեղան մը, բազմաթիւ սպասաւորներ, ազամանդազարդ տիկիներ. ահա ապարանին տէրը և իր գեղանի տիկինը որ ելող հիւրերը կը դիմաւորեն :

— Ճանչեցի՞ր այն մեծահարուստ պարոնը և իր տիկինը :

— Այո, ճանչեցի պարոնը, Սակարանին մէջ շատ մը արժեթուղթ գնող երիտասարդն է :

— Իսկ տիկինը :

— Տիկինն ալ կառքին մէջ անոր քով բազմած տեսածս գեղանի կինն է :

— Ուրիշ ի՞նչ կը տեսնես :

— Կը տեսնեմ որ պարոն և տիկինը պատուհանին առջև կերթան, որպէս զի զանի բանան և ցաւագին հետաքրքրութեամբ մը դուրսնային :

— Տես թէ ի՞նչ բանի կը նային :

— Ապարանին մարմարեայ սանդուղներուն վրայ խեղճ կին մը նստած է, ցրտէն գրեթէ սառած, և իր բազկացը մէջ մանկիկ մը կայ :

— Պարոնը և տիկինը զայն տեսնելով ի՞նչ կընեն :

— Մի քանի սպասաւորաց հրաման կը սրբուի : խեղճ կինը ու մանկիկը ներս կաննեն... Ո՛հ, Աստուած իմ, ազբատ կինը պարոնին ոտիցը տակ ինկաւ, իր մանկիկը անոր յանձնելով... մեռած է խեղճ կինը :

— Ուրիշ ի՞նչ կը տեսնես :

— Ուրիշ բան մը չիմ տեսներ : բոլոր տեսարանները անյայտ եղան : և հիմա միմիայն իմ պատկերս կերեւի հաւելիին մէջ :

— Լա՛ւ, կը բաւէ այդչափը, հայելին ինձ բեր, աղջիկս :

— Պատմուած տեսարանները հայելին մէջ գիտող երկօտասանամեայ աղջիկը գեանին վրայէն սոք ելնելով, այն հայելին աարաւ և գեղանի վհուկին յանձնեց, մինչդեռ ինքը՝ յոգնութենէ գրեթէ նուազած և քրտինք-

ներու մէջ լողալու վիճակին հասած ինկաւ նորէն աթոռի մը վրայ :

Սենեկին լոյսը մէկէն ի մէկ նորէն աներեւոյթ եղաւ :

Վերստին լսուիլ սկսան այն որոտման նրման սարսափելի ձայները :

Գեղանի վհուկը, այն կէս մութին մէջ նորէն անհասկանալի բառեր կարտատանէր, և կրնար տեսնուիլ որ ծռած էր և միշտ այն խորհրդաւոր հայելոյն մէջ կը նայէր :

Անժէլիք և Պէրթիէ սարսափներնուն կէս մը մեռեալ վիճակի մէջ կը գտնուէին, և բերներնուն բառ մ'իսկ դուրս չէր ելներ :

Թէ որչափ ատեն մնացին այս անորոշ և տագնապալի վիճակին մէջ, ատիկա իրենք ալ չէին գիտեր :

Միայն այն ատեն սթափեցան, երբ սենեակը մէկէն ի մէկ նորէն լուսաւորեցաւ՝ առաջուանէն աւելի զօրաւոր : բայց այս անգամ բոլորովին գեղին գոյնով վհուկ օրիորդը առանց իր տեղէն շարժելու իւր գեղեցիկ աչերը Պէրթիէն դարձուց, և հետեւեալ խօսքերը դուրս ելան իր հիանալի բերնէն, խիստ ծանր ծանր :

— Պարոն, դուք պիտի ամուսնանաք գեղանի օրիորդի մը հետ : նոր հաստատուելիք ընկերութեան մը բաժնեթուղթերէն գնելով

մեծ հարստութեան մը տէր պիտի ըլլաք, նախանձելի վիճակ մը կ'սպասէ ձեզ. իսկ զձեզ մասնող կին մը վերջին աստիճան թըշուառութեան մէջ իր հողին պիտի աւանդէ նոյն իսկ ձեր առաջը և ձեր ոտից տակ: Ուրիշ ըսելիք մը չունիմ, պարոն. կրնաք երկուքնիդ ալ մեկնիլ:

Մութը վերստին կոխեց:

Դեղին լոյսը բոլորովին անհետացեր էր:

Անժէլիք և Պէրթիէ մեքենաբար և առաջուց խօսք մէկ ըրածի պէս ոտքի ելան:

Խօնարհութիւն մը ըրին մութին մէջ դրեթէ անտեսանելի եղող դեղանի վհուկին, և յետոյ սենեկին դռնէն դուրս ելան:

Նիհար և տգեղ պառաւուհին դուրսի սրբահը կ'սպասէր զիրենք ընդունելու:

Երբ Անժէլիք և Պէրթիէ վար իջան իրենց կառքը նստելու, այս վերջինը հարցուց պառաւ կնոջ.

— Ի՞նչ պիտի վճարենք, տիկին:

— Խորհրդակցութեան համար երեսուն ֆրանք, հինգ ֆրանք ալ ճերմակ աղաւնւոյն համար, ընդ ամենը երեսուն և հինգ ֆրանք, պարոն:

Պէրթիէ իր գրպանէն քառասուն ֆրանք հանելով զանի պառաւուհին ներկայացուց:

— Ուրեմն հինգ ֆրանք ետ պիտի տամ ձեզի:

— Ս,ն հինգ ֆրանքն ալ ձեզի պահեցէք, բարի տիկին, ըսաւ Պէրթիէ անտարբեր կերպիւ, և իր սիրուհւոյն հետ դռնէն դուրս ելաւ:

Պահ մը խորին լուութիւն տերեց կառքին մէջ:

Անժէլիք բոլորովին դեղնած էր:

Կը մտածէր թէ վհուկը ի՞նչպէս ճշմարիտ կերպիւ թափանցեր էր տախալին իր դիւստն մէջ անորոշ մնացած մէկ սոսկալի խորհրդին:

«Միրելիդ քու ձեռքդ պիտի սպաննես» ըսած էր այն դեղանի վհուկը:

Բայց յետոյ ուրիշ բան մ'ալ մտածեց:

Իր սիրելին՝ Պէրթիէն էր. և քանի որ ինքը պիտի սպաննէր զանի, ուրեմն սպաննուած մարդը ի՞նչպէս պիտի հարստանար մեռնելէն ետեւ:

Յաջորդ մտածումը՝ իր նախորդը կը ժրխտէր այս կերպիւ:

Ուստի այս ամենատրամաբանական եղրակացութենէն քաջալերուելով,

— Ի՞նչ կ'ըսես, Պէրթիէ, վհուկին գուշակութիւնները կատարելապէս տղայական և բոլորովին հակասական բաներ չէի՞ն, հարցուց:

Եւ իր հարցման աւելի զօրութիւն մը տա-

լու համար բարձրաձայն քրքիջ մ'ալ արձա-
կեց, որուն բռնի ըլլալը սակայն խիստ լաւ
կերեւէր:

— Անշուշտ ասկից աւելի տղայական և հա-
կասական խօսքեր չէին ըլլար, պատասխանեց
Պէրթիէ, իր սիրուհւոյն այս հարցման վրայ
ջանալով զուարթ դէմք մը ցուցնելու և ի
բաց վանելու այն չարաշուք խորհուրդները՝
որ հակառակ իր կամաց և հակառակ իր զօ-
րաւոր դատմանց՝ յաջողեր էին պաշարել իր
միտքը:

— Բայց զարմանալի բան չէ՞, սիրելի Պէր-
թիէս: Ո՛հ, ես իմ սիրահարս իմ ձեռքս պի-
տի մորթեմ եղեր ճիշդ այն խեղճ աղանձա-
կին պէս զոր մորթել ստիպեց զիս այդ գե-
ղանի վհուկը, և որուն իմ ձեռացս մէջ տան-
ջուելով հոգի տալը զգացի:

Անժէլիք այս խօսքերը ըսած ատեն խորին
հառաչք մը արձակեց իր սրտին խորէն:

— Ո՛հ, ատոր վրայ այնչափ մի մտածեր, սի-
րելիս: խեղճ կենդանին քանի որ անգամ մը
այս տունը մտցուեր էր, նմանօրինակ պա-
րագայի մը մէջ սպաննուելու համար մըտ-
ցուած էր հսն. եթէ դուն չի մորթէիր զա-
նի, ուրիշ մը պիտի մորթէր. իսկ դաւրով իմ
անձիս, որ քու միակ սիրահարդ ըլլալու
փառքն ու երջանկութիւնը ունիմ, եթէ այն

գեղանի վհուկին րսածին պէս ճիշդ քու ձեռ-
քովդ պիտի մորթուիմ, ինչպէս որ մորթուե-
ցաւ այն խեղճ աղանձակը, այն ատեն գու-
ցէ ինքզինքս աւելի երջանիկ համարելու
պատճառ մ'ալ պիտի ունենամ:

Եւ Պէրթիէ, իր ըրած այն կէս մը կատա-
կաբանական յայտարարութեան վրայ բարձ-
րաձայն խնդալ սկսեր էր, երբ Անժէլիք իր
գեղեցիկ ձեռքը անոր բերնին դնելով խըն-
դուքին շարունակութիւնը արգիլեց:

Երկու հատ խոշոր արտասուաց կաթիլներ
ալ իր գեղեցիկ այտերուն վրայ ինկան այն
միջ ցին:

Արդեօք Պէրթիէի վրայ զգացած սիրոյն
սասակութենէ՞ն էր որ իր գեղանի աչերը
թրջեր էին, թէ վհուկին գուշակութեանը
ճշմարտութենէն զգացած ներքին սարսա-
փէն...

Սակայն անմեղ Պէրթիէ այդ յուզմունքը
առաջին երջանիկ պատճառին տուաւ, և
խեղճ երիտասարդը հրճուելով իր բերնին վը-
րայ դրուած այն փափուկ և գեղեցիկ ձեռ-
քը խանդաղատանօք համբուրեց, վար առա-
ջանի իր ձեռացը մէջ և իր աչերը իր սի-
րուհւոյն խոնարհ աչացը մէջ յառելով:

— Եթէ այնպէս կը փափագիս, մտնանք
այլ եւս գեղեցիկ վհուկը և վերջացնենք այլ
եւս այս խօսքերը, որոնք սակայն ախորժիլի
ձեւ մը առած էին ինձ համար. — ըսաւ:

ԴԱԻԱՃԱՆՈՒԹԻՒՆԸ

Առաւօտ մը Պրիւքսէլ քաղաքին մէջ մեծ իրարանցում մը կար :

Մահագոյժ իրարանցում մը :

Յուզարկաւորութեան մեծ հանդէս մը պիտի կաարուէր այն օրը :

Ննջեցեալն էր բազմահաշակ երկաթի գործարանի տէր պարոն Էմիլ Տըլապուշ :

Բարի ծերունուն մահը գրեթէ յանկարծական եղած էր, Պրիւքսէլի մեղուաշան բընակիչներն ալ յանկարծակիի բերելով :

Հանգուցեալը՝ աղքատասէր, անձնուէր, և խիստ ժողովրդական մարդ մը եղած ըլլալուն, իր դագաղին հանդէպ արտասուելու չըպատրաստուած աչք չէր մնացած :

Այս ժողովրդական մեծահարուստ մարդուն մահուան յանկարծական եղանակն ալ ընդհանուր ցաւակցութեան վրայ գրեթէ վայրի յուզում մ'եւս առեցուցած ըլլալով, շատերու բերնին իսկ ամենուն մտքին մէջ ծանր մեկնութիւններ յառաջ բերելու պատճառ տուած էր :

Անշուշտ խեղճ ծերունին թունաւոր-

ուած ըլլալու է՝ կըսէին շատ մը թոյլ բերաններ :

Իսկ անոնք որ հաստատուն հիմ մը չունեցող այս ենթադրութիւնը բերաննին առնելը խոհեմութեան դէմ կը համարէին, մտքով և սրտով այն թոյլ բերաններուն համամիտ և համախորհուրդ չըլլալնուն վրայօք ալ բան մը չէին ըսեր :

Էմիլ Տըլապուշի միակ օրդին երիտասարդ էթիէն Տըլապուշը մտիթարելը անկարելի բաներուն կարգը անցած էր :

Միով բանիւ, անոր յուսահատութեան աստիճանին չափ չէր կրնար դրուիլ :

Այս ցաւալի դէպքը կը պատահէր էթիէնի՝ Անժէլիքի հետ ունեցած այն խորհրդաւոր տեսակցութենէ գրեթէ չորս ամիս յետոյ, զոր ասկից առաջ նկարագրեցինք :

Պէտք է յիշեն ընթերցողք որ այն խօսակցութեան միջոցին էթիէն հաստատապէս խոստացած էր Անժէլիքի՝ թէ իր հօրը մահուանէ ետեւ անոր հետ պիտի ամուսնանար, և մինչև իսկ ըսած էր որ եթէ հարկ ըլլայ իր հայրը պիտի սպաննէ :

Ինչպէս նաև պէտք է յիշուի որ Անժէլիք խոհեմութիւն պատուիրելով ըսած էր անոր թէ մէկ ամբողջ մէջ շատ բաներ կրնային պատահիլ, ուստի դէպքերու ընթացքին պէտք էր սպասել :

եւ ահա այդ մէկ տարուան միջոցին հազիւ մէկ երրորդ մասը լրացած ատենին էր որ էթիէն Տըլապուշի հայրը կը մեռնէր, գոնէ յայտ հասարակութեան՝ կասկածելի ձեւի մը տակ, իր սրգին բոլորովին ազատ թողելով որ բազմաժամանակեայ աշխատութեամբ և հազուադիւտ հանճարով մը այն փառաւոր վիճակին բերուած մեծահոշակ երկաթի գործարանը, և անոր շնորհիւ դիպուած ահագին հարստութիւնը ուղածին պէս գործածելու կարող ըլլայ:

Երբունին էմիլ Տըլապուշի մարմինը հողը դրուելէն չաբաթներ յետոյ տակաւին կը խօսուէր անոր բարեմասնութեանցը և մահուան կասկածելի եղանակին վրայ:

Բայց պէտք է ըսել որ ոչ ոք էթիէնի նըկատմամբ չար խորհուրդ մը մտքէն կանցընէր՝ գոնէ որոշակի կերպով:

Բայց անոր թոյլ ու շուայլ ապրելու եղանակը դիտողները քիչ վախ չէին զգար Տըլապուշ գործարանին ապագային վրայօք:

Մի քանի ամիսներ անցան այս կերպով, որոյ միջոցին էթիէն մի քանի գաղտնի տեսակցութիւններ կրցաւ ունենալ Անտէլիքի հետ, շնորհիւ տիկին Ֆրանսուազի կարգադրութեանց:

Իսկ Պէրթիէ բոլորովին անպէտ գտնուելով

անցած դարձած բաներուն, անայլայլ վստահութեամբ կը գիտէր միշտ իր սիրուհւոյն գեղանի դէմքը, և յուսով կսպասէր այն օրուան երբ ինքը վերատեսուչ պիտի անուանուէր Տըլապուշ գործարանին, տարին 20000 ֆրանք թոշակով, ինչպէս որ հանգուցեալ ծերունին խոստացած էր իրեն:

Խոստում մը՝ զոր էթիէն եւս կրկնած ու հաստատած էր իր հօրը մահուանէն ետեւ:

Անտէլիք այն մի քանի ամսուան շրջանին մէջ սրտի մեծ տաղանապներ կրեց:

Չէր կրնար վերջին որոշում մը տալ, հակառակ տիկին Ֆրանսուազի և երիտասարդ էթիէնի թախանձանացը:

Բայց իր կանացի փառասիրութիւնը միշտ ի նպաստ անոնց կը փաստարանէր, և ինքն ալ կզգար որ Պէրթիէն զոհելու քաղաքականութիւնը յաղթող պիտի հանդիսանար ի վերջոյ:

Մէկ կողմանէ Պէրթիէի պարկեշտութիւնը, իր վրայ ունեցած անհուն սէրը, հաւատարիմ ոգին, նա մանաւանդ անոր՝ իր միակ որդւոյն հայրը գտնուած ըլլալը իրեն խրատ կուտային որ ուղիղ ճամբէն չի խոտորի:

Հապա գեղանի վհուկին գուշակութիւնը ինչ ընելու էր որ իր սիրահարին քով յայտնապէս ըսած էր իրեն թէ անոր սպանիչը

պիտի ըլլայ . . . և յետոյ, . . . յետոյ վերջին
աստիճան թշուառութեան մէջ պիտի մեռ-
նի :

Բայց միւս կողմանէ էթիէն կը ներկայանար
իր դիմացը, Պէրթիէի եթէ ոչ պարկեշտու-
թեան՝ գոնէ անոր երիտասարդութեան և
գեղեցկութեան հաւասար :

Իսկ կենաց ասպարէզին մէջ, ամենեւին
համեմատութիւն չի վերցնելու կերպով բար-
ձրը աստիճանի մը մէջ էր :

Վերջապէս ի՞նչ էր Պէրթիէ :

էթիէնի ծառան, ինչպէս որ տիկին մը-
րանսուազ միշտ կը կրկնէր անոր կանացի
ականջին :

Իսկ էթիէն :

Ո՛հ, անիկայ տէր մը էր, և նոյն իսկ Պէր-
թիէի տէրը :

Զոյգ մը փառաւոր կառքեր և վեց հաս-
ընտիր ձիեր միշտ պատրաստ կ'սպասէին ա-
նոր ախոռներուն մէջ, տիկին Տըլլայուչ կոչ-
ուելու սահմանեալ երջանիկ կնոջ ծառայե-
լու համար :

Իսկ Տըլլայուչի ապարանին մէջ գտնուած
ծանրագին և խիստ չքեղ կարասիքը, բազ-
մաթիւ սպասաւորները, կառապանները, խո-
հարարները, պարտիզպանները, և նոյն իսկ
ապարանը, ինքը իր հիանալի գիրքովն ու

միմիայն անոր պիտի ըլլար որ էթիէնի հետ
ամուսնանալու չնաշխարհիկ փառքին ար-
ժանի պիտի գտնուէր :

Եւ ահա ճիշդ այս բաներն էին որ էթիէն
իր ոտիցը առջեւ կը գնէր անոր սիրտը շա-
հելու և բուրբովին իրեն սեպհականելու հա-
մար :

Եւ այս նպատակաւ, մարդասպան մը և
գուցէ հայրասպան մ'իսկ ըլլալու պատրաստ
գտնուած ըլլալը ապացուցած էր :

Վհո՛ւկը . . . միշտ վհուկի՛ն ըսածները :

Բայց ի՞նչ էին վհուկի ըսածները, եթէ ոչ՝
հակասական մարդարէութիւններ :

Ըսեր էր իրեն թէ իր սիրահարը՝ այսինքն
Պէրթիէն պիտի սպաննէր :

Լա՛ւ, Պէրթիէի ալ ըսած էր թէ նոր հաս-
տատուելիք ընկերութեան մը բաժնեթուղ-
թերը գնելով տարապայման կերպիւ պիտի
հարստանար, գեղանի կնոջ մը ամուսինը,
և զաւակներու, ապարաններու և շատ մը
ուրիշ բաներու տէր պիտի ըլլար :

Արդ քանի որ ինքը պիտի սպաննէր զՊէր-
թիէ, ուրեմն մեռած մարդ մը ի՞նչպէս ետ-
քէն պիտի կարենար նոր հաստատուելիք ըն-
կերութեան մը բաժնեթղթերէն գնելով հա-
րստանալ, գեղանի կնոջ մը ամուսինը՝ և զա-
ւակներու, ապարաններու և շատ մը ուրիշ
բաներու տէր ըլլալ :



Միթէ ասկից աւելի հակասական և արտառուց գուշակութիւն մը կրնա՞ր ըլլալ :

Որչա՛փ դիւրահաւատ և տղայամիտ գըտնուած էր Պէրթիէի սիրուհին հաւատալով այն թատերական տեսարաններուն և դերասանական խօսքերուն , որոնք ստակ կորզելու համար հնարուած խարէական բայց խիստ վարպետ ձեւեր էին միայն :

Սակայն ինչո՞ւ համար այդ խարէական և վարպետ ձեւերը , այն թատերական տեսարանները և դերասանական խօսքերը , ա՛յնչափ խորին կերպիւ ազդեր էին Անժէլիքի հոգւոյն իսկ :

Բայց վերջապէս ինչ որ ալ ըլլար , սոսկ տըղայական բաներ էին անոնք , և ինքն ալ ճիշդ տղու մը պէս տկարամտութեամբ անոնց հաւատացած :

Ահա այս մտածումներով դիչեր մը մինչեւ լոյս անքուն անցուցած էր Անժէլիք :

Հետեւեալ օրը բան մը չի կրցաւ ուտել , Բայց իր սրտումը տուած էր :

Վերջնական և անդառնալի սրտում մը :

Անժէլիք , երկար խորհրդակցութիւն մը ունեցաւ նոյն օրը տիկին Ֆրանսուազի հետ , որ էթիէնի գործակատարը ու խորհրդակա-նը եղած օրէն ի վեր դադրած էր ուրիշներու կարերը կարելէ :

Մինչեւ այն ատեն իրեն անծանօթ եղած տեսակ տեսակ գլխու ցաւեր ու պտոյտներ , սրտի խառնուքներ , յօդացաւեր և չեմ գիտեր տակաւին ուրիշ ինչ բաներ մէկէն ի մէկ երեւան ելած և զինքը՝ գործելէ արգելած էին :

Սակայն ատոնց և ոչ մին կը պատահէր երբ տիկինը իր օրական հացը և նստած տան վարձքը հոգալու համար խղճի մտօք և համբերութեամբ՝ ինչպէս նաեւ բնականաբար զուարթութեամբ ու կատարեալ առողջութեամբ աշխատելու ստիպուած էր :

Աւելի զարմանալի բանն ալ այն էր որ իր այնչափ նորածին հիւանդութեանց մէջ ստամոքսը բնաւին ապստամբութեան նշան մը չի ցուցնելէ ի զատ , կարծես թէ աւելի համեղ կերակուրներ մարսելու համար նոր զօրութիւն մ'ալ ստացած էր :

Անժէլիքի հետ ունեցած յիշեալ տեսակցութիւնը , կարծես թէ հարիւր բժշկական այցելութիւնէ և տասը օդափոխութեանէ աւելի օգուտ բերին իր նազելի անձին , թէպէտ իրօք բնաւին պէտք մը չունէր ուէ այս տեսակ օգուտներու շնորհին :

Ինչ որ է , տիկին Ֆրանսուազ այնպիսի երջանիկ հովէ մը մղուելով իր բնակարանէն դուրս ելաւ , որ բոլոր նախորդները կը դերազանցէր :

Նոյն գիշերը ժամը ութին, (այսինքն կէս գիշերէն չորս ժամ առաջ), երկուսսարդ և երջանիկ դործարանատէրը առանձին սենեկէ մը մէջ կը գտնուէր տիկին Յրանսուազի տունը, և Անժէլիքի հետ դուրս գլխու:

Էթիէն, երբէք այն աստիճան զուարթ տեսած չէր այն գեղանի կինը՝ որուն ժպիտ ներուն բացարձակ տէրը ըլլալու համար մարդասպան մը՝ և հայրասպան իսկ ըլլալու խօսք տուած էր:

Իսկ այն վայրկենին, նենդաւոր տիկին Յրանսուազ, Անժէլիքի հետ ըրած սատանայական կարգադրութեան համեմատ Պէրթիէի բնակարանը կերթար անոր դռնապանին յանձնելու համար բանալի մը և փոքրիկ սոմնակ մը:

Պէրթիէ տակաւին հանուած չէր, և տան դռնապանը գալով իրեն տուաւ այն բանալին և սոմնակը, ըսելով որ իրեն անձանօթ կին մը յանձնած էր զանոնք:

Թէ Պէրթիէ ի՛նչ մեծ հետաքրքրութեամբ և քիչ մ'ալ սրտի տաղնապէ յուզուելով առաւ այն բանալին և պատուեց սոմնակին պահարանը, ասի գիւրաւ կրնայ հասկցուիլ:

Ահա ինչ որ գրուած էր այդ փոքրիկ սոմնակին մէջ.

«Այս գիշեր ժամը ութ ու կէսին դրան

բանալին ձեզի զրկած եմ քրոջդ հետ անպատճառ մեր տունը եկէք:

«Ձիս հոն չի պիտի դանէք, այլ իմ տեղս երկուսսարդ մարդ մը որ ձեր Անժէլիքին քով կը գտնուի առանձին:

«Տունէս դուրս ելայ՝ ներկայ չի գտնուելու համար այն դալթակղական տեսարանին, որ անշուշտ տեղի պիտի ունենայ ձեր հոն գալովը:

«Եթէ ձեր պատուոյն նկատմամբ ունեցած նախանձախնդրութեանս համար զիս զղջացնել չէք ուզեր, կը խնդրեմ որ անզէն գաք իմ տունս:

«Բաւական է որ ճանչէք ձեր հակառակորդը ձեր աջօք իսկ տեսնելով զանի:

«Եթէ անոր հետ հաշիւ մը պիտի ունենաք, կրնաք կարգադրել զայն ուրիշ տեղ մը, և այս մասին բարորդին ձեր պատուասիրութեան կը վստահի:

«Միշտ անձնուէրդ
«ՊՐԱՆՍՈՒԱԶ»:

Թողունք ինչ՞ Պէրթիէն այս սարսափելի գեկուցման վրայ զգայած տարապայման յազման և այլայլութեան մէջ, որ աւելի դիւրին է երեւակայել քան թէ նկարագրել, և դառնանք Անժէլիքի և Էթիէնի մտնորոնք՝ ինչպէս որ ըսինք՝ գիշերուան այն ժա-

մուն մէջ առանձին կը գտնուէին գլուխ գըլէ խի, տիկին Յրանսուազի տան առանձին մի սենեկին մէջ :

— Ո՛հ, ո՛րչափ ուրախ եմ զձեզ այսչափ զը- ուարթ տեսնելուս, Անժէլիք. ո՛րչափ շնորհա- պարտ եմ ձեզ այն հրաւէրին համար որով հաճեցաք պատուել զիս այս գիշեր :

— Միթէ ճշմարիտ կը խօսիք, էթիէն :

— Ձեր վրայ ունեցած սիրոյս համար արդեօք չի տուի՞ ձեզի մինչեւ իսկ այն ծանրագոյն ա- պացոյցները, որոնց առջեւ շատ մարդիկ պի- տի վարանէին :

— Ուրեմն իմ վրայ զգացած սէրերնիդ կա- տարելապէս ճշմարիտ է :

— Միթէ տակաւին ատոր վրայ մտածելու տեղ մնացած է :

— Կը հաւատամ խօսքերնուդ, պարօն է- թիէն. բայց Պէրթիէն միշտ մտածել կուտայ : Ի՞նչ պիտի ընենք զանի :

— Սիրելի Անժէլիքս, ինչ որ խոստացած էր Պէրթիէն ձեզի, այն բանը կը խոստանայի ես ալ. միթէ ազատ չէ՞ք ուղած անձերնիդ ձե- զի ամուսին ընտրելու :

— Բայց Պէրթիէն նախապէս կը սիրէր զիս, և ես ալ իրեն յաւիտենական սէր երդմնացած էի :

Անժէլիք չէր կրնար ըսել որ զաւակ մ'ալ

ունեցած էր, որուն հայրն էր Պէրթիէն, և մինչեւ վերջը պիտի աշխատէր այս մեծ գաղտ- նիքը էթիէնէն պահելու :

— Եթէ կուզես իրեն նամակ մը պիտի գը- րեմ, Անժէլիք :

— Ի՞նչ բանի վրայօք :

— Քեզի հետ ունեցած յարաբերութեանս վրայօք :

— Բայց այն ատեն պիտի զայրանայ :

— Իրեն մեծ հարստութիւն մ'առաջարկե- րով բերանը պիտի գոցեմ :

— Ըսի քեզի արդէն որ անիկա փառասէր չէ և ամէն բան պիտի զոհէ ինձ համար :

— Բայց եթէ համոզուի թէ ոչ եւս չես կրնար իրը ըլլալ :

— Այն ատեն... այն ատեն... չեմ գիտեր թէ ինչ պիտի ընէ :

— Բայց պիտեմ թէ ինչ պէտք է ընել :

— Ո՛հ, չեմ ուզեր որ կեանքդ վտանգի դնես ինձ համար, կը հասկնամ, էթիէն :

— Է՛հ, եթէ մեռնիմ իսկ քեզի համար, ա- տիկա ալ երջանկութիւն մ'է :

— Սակայն չես ուղեր մտածել թէ քու մեռնելէդ ետեւ իմ վիճակս ի՞նչ կըլլայ :

— Ատիկա ստոյգ է. յիրաւի եթէ ես մեռ- նիմ Պէրթիէի հետ մենամարտի մը մէջ, այ- նուհետեւ թէ ես և թէ իմ հակառակորդս,

երկու քս ալյաւիտենական կերպիւ կորսուած կըլլանք քեզի համար, ճշմարիտ է ըսածդ:

— Եւ բոլորովին կը վստահացնեմ զքեզ որ թէ Պէրթիէի իմանայ ամեն բան, անպատճառ պիտի մենամարտի քեզի հետ:

— Եւ դուցէ զիս սպաննել տայ:

— Ո՛չ, այդ կողմանէ ապահով եղիք: Ես Պէրթիէն լաւ կը ճանչեմ: Երբէք այդպիսի նենգաւոր գործ մը ընելու չի պիտի զիջանի:

— Բայց, սիրելիս, դուք հաստատուն կերպիւ ըսէք ինձ թէ իմս ըլլալու որոշում տրւած ես: Պէրթիէի ձեռքէն ազատելու գործին վրայ վերջը կը մտածենք:

— Ա՛հ, միթէ չե՞ս հասկնար թէ ինչո՞ւ համար գիշեր ատեն զքեզ իմ տունս հրաւիրեցի:

— Ուրեմն վերջնական որոշումդ տուած ես արդէն, ո՛հ, ո՛րչափ երջանիկ եմ հիմա:

— Եւ խոստմանդ վրայ ալ հաստատա կեցած ես, այնպէս չէ՞:

— Անժէլի՛ք, յոնուն պատուոյս կերպնում որ, Պէրթիէի ձեռքէն ազատելէս ետեւ երբք ամիս չանցած իմ կինս պիտի ըլլաս: գ՛ո՛հ ես հիմա:

— Ոչ թէ միայն գ՛ո՛հ այլ երջանիկ իսկ եմ: կը տեսնե՞ս թէ կին մը ըլլալովս հանգերձ ո՛րչափ առաջները կերթամ: Բայց նոյն իսկ

իմ ամուսինս ըլլալու որոշմանդ համար է որ չես կրնար ձեռքովդ մենամարտի մը մէջ ըսպաննել իմ նախորդ նշանածս: Իսկ եթէ այնպիսի մենամարտի մը ատեն դուն սպաննուիս արդէն խօսեցանք թէ ի՛նչպէս կը կնակի կերպիւ աղետալի պիտի ըլլայ ինձ այդ բանը:

— Ուրեմն կը մտածենք թէ ինչպէս ընելու է այդ գործը:

— Մինչեւ հիմա բան մը մտածած չե՞ս:

— Ճշմարիտը խօսելու համար, քու սիրոյդ վրայ մտածելով ա՛յնչափ զբաղած էի, որ չէի կրնար այդ երկրորդական գործին վրայ ալ ուշադրութիւն դարձնելու:

— Բայց դուն երկրորդական կը կոչես այն բանը որ իրօք առաջին մտածուելիքն է:

— Հիմա կը հասկնամ որ այնպէս է. կամ թէ աւելի ճիշդը խօսելով քանի որ հիմա քու դեղանի բերնէդ կը լսեմ թէ զքեզ յաւիտենապէս սիրելուս թոյլտուութիւն պիտի ընես, ուստի ինձ համար առաջին մեծ խնդիրը լուծուած է, ուստի հիմա կրնանք առաջնութեան իրաւունքը Պէրթիէի գործին փոխանցելու:

— Բայց ես այդ կերպով չէի մտածեր, պարսն էթիէն. ինձ համար առաջինն էր միշտ Պէրթիէի գործը, և մինչեւ հիմա քեզի վերջնական խոստում մը տալու արգելքը միմիայն այդ բանն էր:

— Ուրեմն մտածած և որոշած ալ ըլլալու ես թէ ի՞նչ պիտի ընենք Պէրթիէն :

— Կարծեմ անոր մահը անխուսափելի է մեր երջանկութեան ապահովութեանը համար :

— Քանի որ հարստանալով քենէ հրաժարել չի պիտի ուզէ, ինձ ալ այնպէս կ'երեւի որ իրեն համար մահուանէ աւելի նախամեծար բան մը չի մնար :

— Բայց առանց քու ալ սպանմանցը վտանդին :

— Այդ մասին գեղեցիկ խորհուրդ մը ունիս ուրեմն :

— Ինձ մտիկ ըրէք, պարոն էթիէն . Պէրթիէն անշուշտ պիտի իմանայ ամեն բան քիչ ատենէն . և քանի որ ասոր հետեւանքը անխուսափելի մենամարտ մը պիտի ըլլայ, առանց վկայի առանձին մենամարտի գացած ատենըդ, ուրիշ մը քու տեղը պէտք է որ ըսպաննէ հակառակորդդ :

— Այդ ի՞նչպէս կարելի է որ ըլլայ :

— Անոր հոգը իմ վրայ թող :

— Շատ լաւ . ամենայն յօժարութեամբ կը համակերպիմ այդ խորհուրդիդ, բայց յետոյ մարդասպանը չի՞ կրնար մեզ դէմ մշտնջենական սպառնալիք մ'ըլլալ :

— Քսան հազար ֆրանքի գումար մը բաւական կրնայ ըլլալ յաւիտենապէս ամեն կա-

րելի սպառնալեաց դռները դոցելու :

— Գտած ես այնպիսի խորհրդապահ մէկը :

— Այս մասին տիկին Ֆրանսուազ ամեն բան իր վրայ կառնու :

— Խոտացա՞ւ այդ բանը :

— Այո՛, խոտացաւ :

— Էթիէն այլ եւս երկար բարակ հարցաքննութիւններու պէտք չի տեսաւ :

Անմիջապէս ստքի ելնելով իր թղթապանակը հանեց, և անոր մէջէն հինգ հատ հազար ֆրանքնոց դրամատոմս դուրս հանելով սեղանին վրայ դրաւ :

— Հիմակու հիմա քովս պատրաստ գտնուածը այս է, սիրելի Անժէլիքս . մնացեալ տասն և հինգ հազար ֆրանքն ալ վաղն աւաւտողի ընդունիս քեզի ուղղած նամակովս :

— Շնորհակալ եմ, էթիէն . մնացեալը մեզի վստահէ և անհոգ եղիր, հիմա կրնաս ալ եւս ապարանդ վերագառնալ . արդ ամեն բան կարգի մտած է :

— Բայց սիրելի Անժէլիքս, չի՞ պիտի չնորհ ընես ինձ գոնէ ձեռքդ համբուրելով մեկնելու :

Անժէլիք քիչ մը ատեն մտածեց :

Դէմքը խոժոռ կերպարանք մը առաւ :

Մինչդեռ յուսալից և երջանկութեան գազաթնակէտը հասած էթիէն, աղերսարկու

ձեւով մը ոտքի վրայ կեցած անոր չքնաղ դէմքը կը դիտէր :

Վերջապէս դեղանի կնոջ դէմքը մէկէն ի մէկ իր խոժոռութիւնը մերկանալով, անոր յաջորդեց հրապուրիչ ժպիտ մը :

— Էթիէն, այլ եւս իմ խօսեցեալս ես իրաւունք ունիս ձեռքս համբուրելու, այդ շնորհը չեմ կրնար զլանալ քեզի :

Երիտասարդ գործարանապետը մէկ ժուճուրդը գետին դրաւ գեղեցկուհւոյն առջեւ, իր ձեռացը մէջ առաւ անոր շնորհալի կերպիւ երկնցուցած ձիւնի պէս ճերմակ բայց մարմարիտի չափ պաղ ձեռքը, և խանդաղատանօք իր չրթներուն տարաւ զայն :

Էթիէնի ընդունած առաջին շնորհն էր այս :

Անժէլիք տեսնելով որ իր սիրահարը՝ պատշաճից ներածէն աւելի երկարել կուզէր իր երջանկութիւնը, չի ներեց անոր :

Քաշեց ու ազատեց իր ձեռքը անոր հրատապ չրթներէն, և նազելի խոնարհութիւն մը ընելով ետ քաշուեցաւ :

Էթիէն կ'զգար որ իր մեկնելուն համար տրուած բացարձակ հրաման մ'էր այն :

Այլ եւս կարելի չէր վայրկեան մը աւելի հոն կենալ, առանց գէշ գաղափար մը տալու Անժէլիքին իր բարեկրթութեան և նուրբ ձեւերուն վրայ :

Ուստի ինքն ալ փոխադարձաբար խոնարհութիւն մը ըրաւ իր սիրուհւոյն և սենեկի դռնէն դուրս ելաւ :

Անժէլիք, անոր մեկնելը տեսնելէ ետեւ սեղանին քով փութաց, և Պէրթիէի արեան գնոյն մէկ մասն եղող հինգ հատ հազար ֆրանքնոց դրամատոմսերը ժողվելով, իր շըրջազգեստին գրպանը տեղաւորեց զանոնք :

Բայց ճիշդ այդ միջոցին ձայներ հասան իր ականջին, և ոտքին մատներուն վրայ կոխելով դէպի սենեկին դուռը յառաջացաւ, դրսէն լսած ձայները լաւ մը մտիկ ընելու համար :

Նենգաւոր մանկամարդուհին՝ սեղանին վրայի մոմն ալ մարած էր, և իր ձեւերէն յայտնի կերեւէին որ լսած ձայներուն վրայ շատ գոհ և ուրախ իսկ էր :

Արդարեւ Անժէլիք իր ձեռքը Էթիէնի չրթներէն մէկդի քաշած ատեն իմացեր էր որ փողոցի դուռը մեղմիւ բացուած էր, և գիտէր թէ եկողն ո՛վ էր :

Միայն Էթիէն բոլորովին անտեղեակ կը գտնուէր Անժէլիքի և տիկին Պրանսուազի ձեռօք պատրաստուած թակարդին, և առաջուց բան մը գիտնալով պատրաստուած չըլլալուն՝ ամենեւին ուշադրութիւն չէր ըրած փողոցի դրան բացուելու մեղմ ձայնին :

Ահա ինչ որ պատահած էր դուքսը :

Էթիէն՝ անմիջապէս իր լապտերիկը վառելով սանդուղէն վար կիջնէր :

Երբ առաջին յարկը հասաւ և սանդուղ մ'եւս վար իջնելով փողոցին դուռը պիտի հասնէր, ճիշդ վարի սանդուղին գլուխը ըստուներ մը տեսաւ որ իր ճամբուն վրայ կանդնած էր :

Մարդ մ'էր այն :

Եւ երբ էթիէն իր լապտերիկը վերօք բռնեց անոր դէմքը տեսնելու համար, ճանչեց Պէրթիէն : որ բոլորովին գունաթափ կանդնած էր հոն սպառնական եղանակաւ :

Էթիէն՝

Պէրթիէն՝

Ասոնք եղան երկու կողմանէ առաջին անգամ արձակուած բառերը :

Երկու ոտիւք զարմացմամբ մէկ մէկ քայլ ետ գացին :

Էթիէնի մէկ ձեռքը մեքենարար դէպի այն գրպանը դնաց ուր անմուռանալի կերպիւ պատրաստ կը գտնուէր միշտ իւր ատըրճանակը երբ ինքը գիշերային ուղեւորութեան մը կեցնէր :

Պէրթիէն կը հակառակորդին այս շարժումը տեսաւ և անոր միտքը կատարելապէս հասկցաւ :

— Պարոն էթիէն, այդ նախազդու շութիւննիդ աւելորդ բան է, ըստ խաբուած սիրահարը :

— Ներեցէ՛ք, կարծեցի թէ սպաննել պիտի ուզէիք զիս :

— Այդ իրաւունքէս երբէք չեմ հրաժարիր, պարոն :

— Ուրեմն անպատճառ պիտի սպաննէք զիս :

— Ես մարդասպան մը չեմ, պարոն էթիէն : Թէպէտեւ ձեր բարձր դիրքը չունիմ, բայց վստահ եղիք որ ձեռնէ աւելի պատուասէր մարդ մ'եմ :

— Ուրեմն կանոնաւոր մենամարտ մը կառաջարկէք ինձ :

— Բայց ոչ այս տեղ :

— Կը հասկնամ ձեր նրբութեան նպատակը : չէք ուզեր մեր երկուքնուս մէկուն արեամբը պղծել այն յարկը, ուր կը բնակի երկուքնուս ալ սիրած անձը :

— Թէպէտեւ դիրքերնիս հաւասար չէ, պարոն : դուք մեծահարուստ մէկն էք, բայց բացարձակ դող մը, քանի որ գիշեր ատեն կը գտնեմ զձեզ իմ կնոջս տան մէջ ուր առանձին կը գտնուի ինքը :

— Բայց պարոն Պէրթիէն :

— Ներեցէ՛ք որ խօսքս շարունակեմ : ես աղքատ մէկն եմ և ձեր ծառայութեանը տակ :

բայց ձեր վրայ սա առաւելութիւնն ունիմ որ երբէք անպարկեշտ դործ մը ըրած չեմ:

Էթիէն՝ բարկութենէն պրկունքը խածնել սկսաւ և ձեռքի լապտերը վար դնելով ինքն ալ սպառնալի դիրք մը առաւ Պէրթիէի դիմացը:

— Բայց դուք կ'անարգէք զիս, պարո՛ն Պէրթիէ:

— Հոգ չէ. պէտք եղած հատուցումը տալու պատրաստ եմ. բայց այս անհաճոյ տեսակցութիւննիս արդէն պէտք եղածէն աւելի երկարեցաւ, ուստի կը խնդրեմ որ վերջնական յայտարարութիւնս մտիկ ընելու բարեհաճիք առանց զիս ընդմիջելու, որովհետեւ կրկին անգամ ձեզի հետ տեսնուելու պատիւն ունեցած ատենս, առանց աւելորդ խօսքերով ժամավաճառ ըլլալու, միայն գործելու պիտի զբաղինք:

— Լաւ ուրեմն, ըսէք ինչ որ կուզէք ըսել վերջնական կերպիւ:

— Հոս եկած ատենս երբէք միտքէս չէի կրնար անցունել որ ուրիշ մարդու մը տեղ դուք պիտի ելնէք իմ դէմս. բայց գործուած խայտառակութեան ետեւ ինձ համար փոյթ չէ մտածել թէ իմ պատուոյս դաւաճանը բուն իսկ իմ տէ՛րս է թէ ուրիշ մը: Յայտնի բան է որ այս վայրկենիս ամեն կապեր խզուած

են մեր երկուքին միջեւ, և կը յուսամ որ դրամական աշխարհի մէջ ձեռնէ լատ վատ եղող մէկու մը հետ օրինաւոր կերպիւ մենամարտելու հրաւերը մերժելը միտքերնուդ անգամ չէք անցուներ այսպիսի պատուոյ խնդրոյ մը մէջ:

— Ոչ, չեմ մերժեր հրաւերնիդ:

— Միմիայն երկու շնորհ ունիմ ձեռնէ խընդրելիք:

— Հրամայեցէք, պարոն:

— Խնդրած առաջին շնորհս այն է որ մենամարտութիւննիս առանց վկայի կատարուի, զիչեր ատեն և գերեզմանատան պատին տակ. որովհետեւ եթէ դուք սպանուիք, չեմ ուզեր որ ուրիշները ըսեն թէ տիրասպան մը եղած եմ. իսկ եթէ ես մեռնիմ, ձեզի ազատ թողած կըլլամ Անժէլիքի հետ ամուսնանալու՝ եթէ այդչափ պատուաճանաչութիւն ունիք դոնէ:

— Ձձեզ ապահովելու համար պարտիմ կրրկնել որ այդ ըսած ամուսնութիւններնուդ համար երդում իսկ ըրած եմ, իրաւունք ունիք այս մասին. եթէ գիտցուի որ ես սպաննած եմ ձեզի, չեմ կրնար յետոյ ամուսնանալ իմ սպաննած մարդու սիրուհւոյն հետ. այս կէտին մէջ կատարելապէս համակերպեցայ ձեզի, պարո՛ն Էթիէն. հիմա կուզեմ

գիտնալ այն երկրորդ շնորհը որ կը խնդրէ & ինձմէ :

— Ահ, երկրորդ շնորհնիդ ալ այն պիտի ըլլայ որ ճիշդ շաբաթ մը վերջը մենամարտիք, որովհետեւ կարգադրելիք գործեր ունիմ մինչեւ այն ատեն :

— Լա՛ւ, այդ առաջարկութիւննիդ ալ սիրով կ'ընդունիմ. բայց դուք հաստատապէս խօսք կուտաք ինձ թէ այս գիշերուան դէպքը ուրիշ ոչ ոք պիտի իմանայ, այնպէս չէ՞ :

— Ես իմ մասիս պատուոյս վրայ խօսք կուտամ ձեզի :

— Իմ վրայ ալ կատարելապէս կրնաք վրտահիլ, պարոն Պէրթիէ . ուրեմն շաբաթէ մը :

— Այո, գալ շաբթու ճիշդ այս օրը և գիշերուան ճիշդ այս ժամուն :

— Գերեզմանատան պատին առջեւ ըսիք, այնպէս չէ՞ :

— Այո, այսինքն մօտի գերեզմանատան պատին առջեւ, գլխաւոր դռնէն քսան քայլ անդին դէպի հիւսիս :

— Շատ լաւ, պարոն Պէրթիէ . հիմա ամեն բանի մէջ համաձայն ենք մէկմէկու, ուրեմն մեկնինք այլ եւս եթէ կը հաճիք :

— Բայց միտտեղ պիտի մեկնինք :

Այն ատեն Պէրթիէ իր գրպանէն հանելով այն բանալին, որով փողոցի դուռը բացած

ու դարտնի կերպիւ ներս մտած էր, զանի սրահին մէջ տեղը նետեց, ու էթիէնի դառնալով,

— Ես երբէք այս տունէն ներս ոտք չի պիտի կոխեմ և Անժէլիքի երեսը անգամ մ'ալ չի պիտի տեսնեմ, ողջ մնամ թէ մեռնիմ . յանուն Ամենայն Սրբոց երդում կ'ընեմ այս բանին վրայ . դուք ալ պէտք է որ գոնէ խօսք տաք որ մինչեւ մեր մենամարտի հետեւեալ օրը չի պիտի գաք այս տունը :

— Պատուոյս վրայ խօսք կուտամ պարոն Պէրթիէ . հիմա գո՞հ էք ինձմէ :

— Մեկնինք ուրեմն :

Էթիէն առջեւէն և Պէրթիէ անոր ետեւէն, երկու երիտասարդք մէկանց վարի սանդուղն ալ իջան, և անմիջապէս յետոյ, փողոցի դռան անոնց վրայէն գոցուելու ձայնը կ'իմացուէր :

Անժէլիք, որ ամեն բան իմացած էր սենեկի դռնէն քիչ մ'առաջ երթալով, փողոցի դռան գոցուելուն ձայնը առածին սէս, ուրախութենէ ձեռները շփելով իր սենեակը վերադարձաւ և մտքը նորէն վառեց :

Քիչ մը յետոյ փողոցի դուռը նորէն բացուեցաւ :

Այս անգամ աղմկալի կերպով :

Ներս մտնողը տիկին Պրանսուաֆն էր :

վայրկենէ մը յետոյ, երկու մատնիչ կա- նայք իրարու գրկացը մէջ էին:

—Ո՛հ, ս'ըչափ վախցայ, տիկին Փրանսուազ, թէ էթիէն և Պէրթիէ գիրար սպաննելու պի- տի ելնէին անմիջապէս, և մեր խորհուրդնե- րը պիտի վիժէին:

—Այդ մասին պէտք էր որ ապահով ըլլա- յիր, Անժէլիք. ես իմ գրած նամակիս մէջ ա- զաչած էի Պէրթիէի որ անգէն գայ հոս. և պէտք էր գիտնայիր որ այն խեղճ երիտա- սարդը, անդամ մը իր այնչափ սիրած կնոջը տան մէջ խայտառակութիւն հանելու կարող յարդերէն չէ. ինչ և է, հիմա ամեն բան մեր ուզածին պէս կարգադրուած է. այնպէս չէ՞, Անժէլիք:

—Այո, ճիշդ շաբաթ մը յետոյ պիտի մե- նամարտին:

—Շաբաթ մը յետոյ, ս'հ, ս'ըչափ երջանիկ խորհուրդ: Ասիկայ մեր մտածածն անգամ կը գերազանցէ. շաբաթ մը՝ ամբողջ շա- բաթ մը. ա՛հ, այն մէկ շաբթուան երկար միջոցին ս'ըչափ բաներ կրնան կարգադրուիլ: Բայց, սիրելիս, 20000 ֆրանքի գո՞րծը ինչ ըրեր:

—Ահա անոր մէկ չորսորդ մասը, ըսաւ Ան- ժէլիք յաղթանակաւ իր գրպանէն դուրս հա- նելով էթիէնի տուած հինգ հազար ֆրան-

քը, և զանի տիկին Փրանսուազի շահասէր աչացը ներկայացնելով:

—Բայց մնացեալ տասն և հինգ հազար ֆը- րանքը:

—Չանոնք եւս վարն առաւօտ ձեռքերնիս պիտի ունենանք:

է.

Թ Ի Ա Ր Ա Ն Ի Ն Մ Է Ձ

Տամիէն յիսնապետին հնդեւտասնամեայ բանտարկութեան պայմանաժամը լրացած, և թիարանէն արձակուած էր անի:

Խեղճ նախկին ոստիկանը իր կռնակը և աջ թեւին վրայօք կը կրէր 156 թիւը, որ տաք- ցած երկաթով գրոշմուած էր հոն իբր յաւի տենական նշան իր ոճրագործութեան և թիա- րանի աշակերտութեան:

Ծոցն ալ նոյն տասնեւհինգամեայ աշակեր- տութեան պաշտօնական վկայագիրը կը կը- րէր:

Վկայագիր մը որ իր ծերութեան օրերուն մէջ պատուաւոր կերպիւ իր հացը ճարելու յանձնարարագիր մը ըլլալու օգուտ չունե- նալէն զատ, որ դուռն որ ձեռք առնուր, իր ընդունելութեանը բացարձակ արգելք մը

ըլլալու պիտի ծառայէր միայն :

Այդ վկայագրին պարունակութիւնն էր հետեւեալը .

« Էմիլ Տամիէն նախկին յիսնապետ Պրիւքսէլի ոստիկանութեան .

« 1700 տարւոյ յունիս 16 ին թիարան մրտած ըլլալով, 1717 յունիս 16ին կը մեկնի անկից իր հնգետանամեայ բանտարկութիւնը լրացնելով .

« Իր թիարանի թիւն է 156 .

« Տարիքն է յիսուն և եօթն .

« Բարձրահասակ, նիհար, մազերն, մօրուքը և պեխերը կատարելապէս ճերմակ .

« Բարեձեւ դէմք մը ունի, որուն վրայ սչինչ կայ բացառիկ նշանակութեան արժանի .

« Թիարանի մէջ անընդհատ և հնազանդ աշխատող մը եղած է ինք, և արձանագրութեան մէջ բնաւին գէշ դիտողութիւն մը նըշանակուած չէ իր նկատմամբ .

« Միշտ աշխատասիրութեան, ուղղութեան, և հլութեան օրինակ մը եղած է իր դատապարտեալ ընկերակցաց . ինչպէս նաեւ անոնց սիրելիին՝ հանգստեան ժամերու մէջ իր նախկին ոստիկանութեան ատենի պատահարները անոնց պատմելով և զանոնք զբօսցնելով .

« Բայց միշտ մտախոհ զանուած է և եր-

բեմն ալ տարօրինակ մտայուղութեանց են թակայ .

« Ասոր համար չարամիտ դատապարտեալներէն ոմանք իրեն ՅԻՄՄՐ ՅԻՄՆԱՊԵՏ անունը տուած են, և այս անուամբ յորջորջուած է միշտ թիարանին մէջ » .

Տամիէն, թիարանէն մեկնած օրը, աշխարհի վրայ պարծենալու համար միայն այս երկու հարստութիւնները իրեն հետ կը տանէր .

Այսինքն թիարանի 156 թիւը, և ՅԻՄՄՐ ՅԻՄՆԱՊԵՏ պատուանունը .

Աղջիկ մը ունէր նա .

Իրեն բուն հպարտութիւնը և իսկական հարստութիւնը այն էր .

Տամիէն՝ թիարանի մէջ, իր ընկերակիցներուն հաճելի ըլլալու համար շատ բաներ պատմած և զբօսուցած էր զանոնք .

Բայց քանի անգամ որ իր անհաւատարիմ կնոջ և խեղճ աղջկանը վրայ խօսք բանալու փորձ ըլլուած էր, ամեն անգամուն ալ այնպիսի խոժոռ դէմք մը ցուցուցած և այն աստիճան յուզմանց ենթակայ երեւցած էր, որ ամենէն չարամիտները ու վայրագներն իսկ պարտաւորած էին լռելու . Անոր թիարան մտնելէն մի քանի տարի վերջերը, այս անսպուտ հետաքրքրութեան փորձերը բոլորու-

վին մէկդի թողուած ըլլալով, այլ եւս ոչ Տամիէնի կնոջ և ոչ ալ անոր զաւակին խօսքը կըլլար:

Բայց ոստիկանութեան նախկին յիսնապետը, երբէք իր մտքէն հանած չէր փոքրիկ Լուիզը:

Ամեն ատեն անոր վրայ կը մտածէր և այս մտածումները՝ միշտ ցաւագին ներգործութիւն մը կունենային իր մտաց վրայ:

Փոքրիկ ու սիրուն աղջիկ մ'էր այն:

Անոր ապագայ գեղեցկութեանը վրայօք խորհիլն իսկ աւելորդ բան էր:

Իր մօրը մանրանկար պատկերն էր այն՝ մանկութեան ատենը:

Բնաւին տարակոյս չի կար որ եթէ ապրեր և կատարելութեան հասնէր, երկրին ամենէն գեղանի կիներէն մին պիտի ըլլար:

Բայց ինքը՝ որ անոր հայրն էր, ի՞նչ տեսակ օժիտ պատրաստած էր իր միածին զաւակին...

Մարդասպանի մը աղջիկն եղած ըլլալուն կործանիչ օժիտը միայն...

Տամիէն քանի որ այս բանին վրայ կը մըտածէր, իր գլուխը թխարանին պատերուն զարնելով ջախջախել կուղէր, որպէս զի իր աղջիկը գոնէ կենդանի կնասպան հայր մը ունեցած չըլլայ:

Բայց յետոյ կը մտածէր թէ աշխարհի արկածից մէջ անոր պաշտպան մը պէտք էր, և իրմէ զատ ընական պաշտպան մը չունէր անմեղ աղջիկը:

Ուրեմն պէտք էր որ ապրէր անոր համար:

Իր բնատարկութեան պայմանաժամը լրացած ատեն, Լուիզ՝ ճիշդ տասնեւվեց տարեկան եղած պիտի ըլլար:

Այսինքն իր տղայական հասակին վերջնա կանապէս հրաժեշտ տալով, իրական աշխարհի սեւավին վրայ պիտի երեւէր:

Ծնողական պաշտպանութեան ամենէն աւելի պէտք ունենալիք հասակն էր այն. և ո՞րչափ մեծ անխղճութիւն մը պիտի ըլլար այդ վտանգաւոր հասակին մէջ աշխարհի վերայ զինքը մինակ թողուլ:

«Քու աղջկանդ համար ապրելու պարտաւոր ես, Տամիէն բարեկամս», կըսէր նա ինքնիրեն:

— Բայց մարդասպան մը, կնասպան մ'եմ ես. նոյն իսկ իր մայրը սպաննած և զինքը որք թողած եմ:

— Եթէ գործին ճշտութիւնը իմանալու ըլլայ, պիտի ներէ քեզ. թեպէտև մարդկային օրէնքը դատապարտեց զքեզ:

— Բայց մարդասպանի մը զաւակն եղած ըլլալը իր երեսին չի՞ պիտի տան, և այս վի-

ճակին մէջ ո՞ր պատուաւոր մարդը զինքը կնութեան պիտի ընդունի :

— Բայց դուն նախ ապրելու նայէ , Տա՛միէն , բարեկա՛մն . որովհետեւ զաւակդ պէտք ունի քու հսկողութեանդ . բայց զգուշացիր որ ոչ ինքը և ոչ ուրիշ մը կարենայ գիտնալ որ իր հայրն ես դուն . բաց ի քենէ , թիարանի տեսուչէն , և բանտակից ընկերներէդ , ոչ ոք թող գիտնայ թէ Տամիէն յիսնապետը տակաւին ողջ է . թող ամեն մարդ այնպէս հաւատայ թէ դուն մեռած ես . նոյնպէս զաւակդ ալ պէտք է աշխարհի վրայ հայր մը ունեցած ըլլալը չը գիտնայ . բայց դուն վերստին ազատ աշխարհի մէջ ոտք կոխած օրըդ , կարելի եղածին չափ անոր մօտը գըտնուելու և իր վրայ հսկելու աշխատելու ես առանց ինքզինքդ մատնելու :

Այս վերջին եզրակացութեան յանգած էր Տամիէն իր երկար խորհրդածութիւններէն ետեւ :

Այնուհետեւ մինչեւ իր արձակման օրը , նախորդ յիսնապետը ուրիշ խորհուրդ մը չուներ իր միտքը տանջելու :

Տարիներ անցած էին այս կերպիւ . և այս երկար տարիներու միջոցին Տամիէն քիչ սատանութիւններ բանեցուցած չէր պատահական աղբիւրներէ ստուգելու որ սպանեալ

կնկան մը և կնասպան զինուորականի մը որբ աղջիկը ի՛նչ վիճակի մէջ կը գտնուէր :

Թիարանէն արձակուելուն գրեթէ տարի մը մնացեր էր , երբ ծերունի քաղաքացի մը , մարդասէր և հարուստ փիլիսոփայ մը , դատապարտելոց այցելութիւն կուտար և զանոնք մխիթարելու համար դրամական պարգեւներ կը նուիրէր անոնց , Արդարութեան պաշտօնէին յատուկ մի աբտօնագրին շնորհիւ :

Ի՛նչ բարեպատնէ առիթ մ'էր այս նախկին ոստիկանութեան յիսնապետին համար :

Երբ երկուքը մէկանց առանձին սենեակ մը գտնուեցան , բարեսիրտ այցելուն հարցուց Տամիէնի .

— Երկա՞ր ժամանակ է որ հոս բանտարկեալ կը գտնուիք :

— Գրեթէ տասնեւչորս տարի կըլլայ , պարոն , և արձակմանս հազիւ տարի մը մնացած է . բայց ներեցէք , միայն « պարոն » ըսի ձեզ , գուցէ կոմս մը , մարքիզ մը . . .

— Զէ՛ , չէ՛ , միշտ « պարոն » կոչեցէք զիս այս տեղ . հիմա խնդիրը ադոր վրայ չէ :

— Զեզ մտիկ կընեմ , պարոն :

— Տեսուչը ըսաւ որ թէ 156ը . . . դուք թիւ 156ը չէ՞ք :

— Այո՛ , պարոն , բայց կը յուսամ որ կունա-

կըս նայելու նուաճողութենէն զիս փրկելու չափ ազնիւ էք :

— Այդ մասին հոգ մի ընէք , բարեկամս . կը տեսնէք , զձեզ բարեկամս կը կոչեմ . և ասկից կընաք հասկնալ որ ձեզի համար աննըպատ տեղեկութիւն մը տրուած չէ ինձ :

— Թէ պարոն տեսուչը և թէ Ձեր Մեծապատուութիւնը շատ ազնուասիրտ մարդիկ էք , տէ՛ր իմ :

— Եւ այս տեղեկութիւնը իրաւունք կուտայ ինձ յուսալու որ թիարանէն մեկնելէդ ետեւ , ձեր օրերուն մնացորդը պատուաւոր կերպիւ անցունելու հոգ պիտի տանիք :

— Կը հաւատամ զձեզ , պարո՛ն , որ ի բնէ չար մէկը չեմ ես :

— Այդպէս ըլլալուն ես ալ կը հաւատամ :

— Ո՛հ , շատ բարեսիրտ էք , պարոն :

— Ձիս վստահացուցին որ ձեր դատապարտութեան տեղի տուող ցաւալի դէպքէն առաջ , միշտ ձեր բարի վարքովը օրինակելի կեանք մը ունեցած էք :

— Ա՛հ , ուրեմն , այն ցաւալի դէպքը ձեզի պատմեցի՞ն , պարո՛ն :

— Այո , կատարեալ տեղեկութիւն ունէի արդէն . ինձ ժամանակակից դէպք մ'է այն :

— Ո՛հ , անշուշտ դուք ալ դատապարտած էք իմ արարքս , պարո՛ն :

— Կը ցաւիմ այն բանին վրայ . բայց չեմ գիտեր թէ , եթէ ես ձեր տեղն ըլլայի՞ ուրիշ կերպ կիտի կարենայի՞ դործել . մարդկային տկարութիւնը այնչափ խստիւ դատողներէն չեմ . ինչ որ է , անցածը անցած է . մեւնողը գերեզմանէն հանելու հրաշքը չենք կրնար դործել . բայց կ'զգամ որ այս նուատացուցիչ տեղէն ելնելէդ ետեւ , եթէ ոչ մարդկութեան օգտակար՝ գոնէ պարկեշտ մարդ մը պիտի ըլլաք :

— Ապահով եղիք այդ մասին , պարոն :

— Ուրեմն եթէ ինձ ըսելիք մասնաւոր բան մը չունիք , պէտք է որ մեկնիմ :

— Վարկեան մը կենալու շնորհն չէ՞ք կորնար ընել ինձ :

— Եթէ ուրիշ ըսելիք մը ունիք պատրաստ եմ ձեզի մտիկ ընելու , պատասխանեց բարեսիրտ օտարականը . նորէն իր տեղը նստելով , մինչդեռ մեկնելու համար արդէն ոտքի ելած էր :

— Դուք խիտտ պատուաւոր մէկն ըլլալ կերելիք ինձ , պարոն :

— Դոնէ կաշխատիմ այնպէս ըլլալու :

— Ձեզի գաղտնիք մը պիտի վստահիմ :

— Ապահով եղիք որ դաղտնադահութեանս վրայ զղջալու պատճառ մը չի պիտի ունենայ . բայց կը խնդրեմ ըսելիքնիդ շուտ և

համառօտ կերպիւ ըսէք, որովհետեւ միւս մնացած բանտարկեալներն այցելելու մտադիր եմ:

— Պարոն, կարելի է գիտէք որ Տամիէն յիսնապետը իր ոճրագործութեան ատեն մանկիկ մ'ալ ունէր:

— Ա՛հ, օրիորդ Լուի՞՞ղը ըսել կուզէք. հիմա այն ձեր մանկիկը գեղանի օրիորդ մը եղած է:

— Ուրեմն կը ճանչէք զինքը, պարոն. իմ Լուիզս, իմ սիրասուն զաւակս. ա՛հ միթէ պիտի կարենամ անգամ մը սրտիս վրայ սեղմել զինքը... տասնեւհինգ տարիէ յետոյ... տասնեւհինգ տարի թիարանի դատապարտեալ մը ըլլալէս ետեւ... ո՛հ, գեղեցիկ օրիորդ մը եղած է հիմա կըսէք հէ՛... այո՛, այնպէս ըսիք, և ձեր խօսքը չէք ուրանար, պարոն... այնպէս չէ՞... ո՛հ, դուք շատ բարեսիրտ էք. խօսքերնիդ ետ չի պիտի առնուք, և պիտի կրկնէք վերստին թէ հիմա գեղեցիկ օրիորդ մը եղած է այն... իմ Լուի՞՞ղըս, իմ զաւակս... որ օրօրոցի մէջ մանկիկ մ'էր երբ զիս ձերբակալեցին հոս բերելու համար... բայց ի՞նչ կըսեմ, միթէ իմ արիւնայի թեւերս արժանի՞ են իր անմեղ անձը գրկելու... ո՛հ, մարդասպան մը, կնասպան մ'եմ ես. իր մայրը սպաննած եմ... պէտք

չէ որ երբէք գիտնայ թէ իր մայրը սպաննողը ես եղած եմ... ոճրագործի թեւերովս երբէք չի պիտի յանդգնիմ իմ զաւակս գրկելու... բայց... բայց... հեռուէն պիտի տեսնեմ իմ զաւակս... անարժան աչերս անգամ մը իր գեղանի դէմքին պիտի յառեմ... հաւատարիմ շան մը պէս պիտի հսկեմ իր վրայ... և եթէ պէտք ըլլայ՝ իր երջանկութեանը համար պիտի մեռնիմ, առանց իրեն գիտցնելու որ իրեն համար մեռնողը իր հայրը եղած է:

Տամիէնի աչերը բոլորովին լեցած էին արդէն երբ այս խօսքերը կընէր, և շատ անգամ իր հեծկլտուքը կընդմիջէին անոնց կանոնաւոր շարունակութիւնը:

Իսկ զանոնք վերջացուցած ատեն տղու մը պէս յորդահոս արտասուք թափել սկսած էր:

Բարեսիրտ այցելուն ալ բոլորովին յուզուեցաւ այս տեսարանէն:

Ինքն ալ սկսեր էր Տամիէնի հետ միատեղ լալու...

— Պէտք է որ ապրիք դուք, պարոն Տամիէն, ըսաւ ծերունի այցելուն, գրպանէն թաշկինակ մը հանելով և իր աչերը սրբելով:

— Այո, պիտի ապրիմ զաւկիս համար:

— Եւ ճշմարիտ է ըսածդ, աղջիկնիդ զձեզ չի ճանչելու է երբեք:

— Ա՛հ, պիտի աշխատիս որ այդպէս ըլլայ . . . բայց Աստուած իմ, ի՛նչ սոսկալի տանջանք մ'է հօր մը համար իբր զաւակը կեանքէն աւելի սիրել, անոր երջանկութեանը համար մեռնելու ամենայն հաճութեամբ պատրաստ գտնուիլ, և . . . և իր անունը պահել անկից . . . իրեն հայրը ըլլալը պահել իրմէ . . . օտարականի մը պէս հեռուէն անոր երեսը նայելով գոհ ըլլալու ստիպուիլ . . . և այն քաղցրիկ «հայր իմ» բառերը երբեք չի կարենալ լսել անոր գեղեցիկ բերնէն . . . բայց պէտք է որ այնպէս ըլլայ. ես մարդասպան մ'եմ, կնասպան մ'եմ, իւր մայրը սպաննած եմ, պէտք չէ որ երբեք այս սոսկալի դաղսնիքը գիտնայ .

Տամիէն վերստին լալ սկսաւ .

— Հանդարտէ, բարեկամ, հանդարտէ .

— Բայց ազնիւ պարոն, միթէ ուրիշները չի՞ պիտի ըսեն աղջկանս թէ իր մարդասպան հայրն եմ ես .

— Այդ մասին ապահով եղիք, պարոն Տամիէն. աղջկանդ բոլորտիքը ձեզի ճանչող մէկը չի պիտի գտնուի, և դուք ալ պէտք եղած խնամքը պիտի տանիք որ զձեզ չի ճանչեն .

— Հիմա ի՛նչ կընէ աղջիկս, ի՛նչպէս կ'ապրի, և որո՞նք քովն է .

— Աղջիկնիդ՝ կար կը կարէ և անով կ'ապրի ու պառաւ կնոջ մը հետ կը բնակի գերեզմանատան մօտերը. երբ դուք բոլորովին ազատ ըլլաք, եկէք զիս գտէք, և պէտք եղածը կը կարգադրենք .

Այցելու ծեր պարոնը իրեն հասցէն յանձնեց Տամիէնի, յուզմամբ անոր ձեռքը սեղմեց, և մեկնեցաւ անոր քովէն ուրիշ դըժբախտներ այցելելու համար .

ԹԻՍՐԱՆԿՆ ՎԵՐՋԸ

Տիկին Ֆրանսուազի տունը էթիէնի և Պէրթիէի միջեւ տեղի ունեցած դէպքին, և անոր հետեւանքն եղող մենամարտի որոշման ատեն, ՅԻՄԱՐ ՅԻՄՆԱՊԵՏԸ, գերեզմանատան պահապանի օգնականն եղած էր .

Հիմա իր անունը Տամիէն չէր, այլ Մերունի Հայրը .

Թիարանին մէջ իրեն այցելութեան եկող ազնուասիրտ պարոնին որոշումն այսպէս եղած էր, երբ անոր յանձնարարութեան վը-

րայ՝ թիարանէն արձակուելուն պէս անոր տունը գացեր, գիշերը հոն ընթրեր, և դարձեալ անոր շնորհիւը, գերեզմանատան պահապանի օգնականութեան խոնարհ՝ այլ ժըպտելու շատ յարմար պաշտօնին մէջ հաստատուեր էր:

Տամիէն յիսնապետը, կամ այժմու Ծերունի Հայրը, իր այս խոնարհ և բնաւ նախանձելի կողմ մը չունեցող դիրքէն այնչափ գոհ եղած էր, որ եթէ Պրանսայի ամենէն մեծ պանքային ընդհանուր տնօրէն կամ Անգլիոյ նաւատորմիղին վերին հրամանատար կարգուած ըլլար, ոչ թէ անկից աւելի՝ այլ անոր չափ ալ գոհ չի պիտի ըլլար:

— Որովհետեւ այս ամենախոնարհ և ամենաաղքատ դիրքը, զինքը իր զաւկին ամենէն մօտ բերող միջոցներուն ամենէն գերազանցն էր:

Ասկից աւելի մեծ երջանկութիւն մը չէր կրնար ըլլալ Լուիզի խեղճ հօրը համար:

Այն բարեսիրտ ու ծերունի աղնուականը շատ ստիպեր էր զինքը որ դրամական օգնութիւն մը ընդունի իրմէն, գոնէ իր զաւց կին համար:

Բայց Տամիէն ամեն օգնութիւն քաղաքավարապէս մերժած ըլլալով, եթէ երբեմն երբեմն փոքրիկ նուէրներ կրնար ընել կարուհի

աղջկան, անոնք ալ իր ամենահամետ եկամուտէն աւելցուցած փոքրիկ գումարներուն արդիւնքն էին:

Տամիէն՝ այդ փոքրիկ գումարները խնայողութեամբ չէր աւելցներ, այլ պարզապէս շատ անգամ Անժի մնալով, և երբ իր անօթի մնալուն շնորհիւ այնպիսի փոքրիկ նուէր մը ընելու կը յաջողէր գեղանի Լուիզին, անոր քաղցրիկ ժպիտները՝ բաւականէն շատ աւելի կը լլային իրեն զօրութիւն տալու, որպէս զի շաքածներ անցունէ առանց իր բերանը ուրիշ բան մը դնելու, այլ միայն պարզապէս իր կեանքը պահելու չափ չոր հաց՝ առանց իսկ պանիրի:

Թէ Լուիզ և թէ իր պաշտպանուհին եղող պառաւ կինը չէին գիտեր թէ Ծերունի Հայրը ո՞վ էր, իր կենսագրութիւնը ի՞նչ էր, և ինչո՞ւ համար իրենց՝ և մասնաւորաբար գեղեցիկ Լուիզին վրայ այնչափ խնամք և սէր կը ցուցնէր:

Բայց բարեմիտ անձանց համար ի՞նչ պէտք կար անկարեւոր հետաքրքրութեան:

Ծերունի հայրը խիստ բարեսիրտ մարդ մ'էր:

Լուիզը գորովանօք կը սիրէր:

Երբեմն երբեմն պզտիկ պտոյտի մը համար անոր դուրս ելած, իրեն բարեւ մը տուած

և իր երեսին ժպտած, և մանաւանդ իրեն մի քանի բարեկամական խօսքեր ուղղած ատեն, Ծերունի Հօր զգացած արտաքոյ կարգի երջանկութիւնը՝ ակնյայտ կը տեսնուէր իր դիմաց և շարժումներուն վրայ:

Այդ հազուադէպ պարագաներուն մէջ խիստ ուրախ կ'երեւէր գերեզմանատան պահնորդի օգնականը:

Գուցէ Լուիզի պէս աղջիկ մը ունեցած ըլլաար, որ հիմա մեռած էր. և խեղճ ծերունին Լուիզը տեսնելով իր կարօտը կ'առնուր անկից:

Լուիզ և պառաւուհին՝ ցաւալի յիշատակներ չարթնցնելու բարեմտութեամբ միշտ զգուշացած էին իրենց մտքէն անցած բանը Ծերունի Հօր առջեւ պարզելէ:

Խեղճ մարդը անհուն կերպիւ կը սիրէր Լուիզը, և Լուիզ եւս իր ներսի դին բան մը կըզար որ միշտ հաճելի կընէր իրեն ծերունւոյն կողմանէ սիրուիլը և անոր մասնաւոր հոգածութեան առարկայ ըլլալը:

Ահա այսչափը բաւական էր:

Եթէ Լուիզի և իր պառաւ պաշտպանուհին համար ցաւալի բան մը կար, ան ալ սա էր որ Ծերունի Հայրը միշտ մերժած էր իրեն համեստ ճաշ մը տրուելու առաջարկութիւնը և փոխադարձ նուիրատուութիւնը:

Արդարեւ նախկին ոստիկանութեան յիսնապետը երբեք ոտք չէր ուղած կոխել Լուիզի բնակարանին ներսի կողմը. թէպէտեւ քանի անգամ որ դեռատի աղջիկը պտոյտ մը ընելու համար դուրս ելներ, Ծերունի Հայրը միշտ վերադարձին անոր կընկերանար մինչեւ տանը դուռը:

Բան մ'ալ կար որ թէ Լուիզ և թէ իր պաշտպանուհին երբեք չէին գիտցած:

Տամիէն շատ անգամ հաւատարիմ պահապան շան մը պէս անոնց դռան խիստ մօտը պառկելով անցուցած էր իրեն կասկածելի երեւցած գիշերները:

Գալով փոխադարձ նուիրատուութեան, միմիայն մէկ անգամ մը իրեն բան մը ընդունել տալու յաջողութիւնը տեսնուած էր:

Բանուած թաշկինակ մ'էր այն, Լուիզի ձեռօք բանուած:

Բայց երկու շաբաթ չանցած եթէ այն թաշկինակը նորէն ներկայացուէր կարուհի աղջրկան, չի պիտի կարենար հաստատապէս վճռել թէ անիկա նոյն իսկ իր ձեռօք բանած և Ծերունի Հօր նուիրած թաշկինակն էր:

Տամիէն, իւր աղջկան ձեռագործին աէր եղած ժամէն ի վեր, այն երկու ֆրանքնոց լաթի կտորին այն աստիճան սիրահարած էր որ, Չինաստանի կայսրութեան գաւազանին հետ չի պիտի փոխէր զայն:

իր աչերէն ելած արտասուաց կաթիլ մը
չէր մնացած որ անոր վրայ չի թափեր :

Ուրիշ ատեններ , միշտ իր սրտին վրայ պահ-
ուած էր այն , երբ կաթոգին համբոյրի մը հա-
մար դուրս չէր ելներ անկից :

Տամիէն մեռած ատեն ալ այս պատմական
լաթի կտորը անոր սրտին վրայէն ելաւ , թէ-
պէտեւ անոր սկզբնական վիճակը՝ անդադար
արտասուաց կաթիլներէ և տեսակ մը սիրա-
հարական համբոյրներէ բոլորովին կերպարա-
նափոխ եղած էր :

Ամիսներ անցեր էին այս կերպով :

Լուիզ երբէք իր բնակարանին շրջականե-
րէն դուրս չէր ելներ :

Թէ իրեն և թէ պառաւուհիին հացը ճա-
րող կարերը իրենց տեղը տանողը պառաւ-
կինն էր , որ միշտ նորեր բեռնաւորուած
ետ կը դառնար :

Միայն Պէրթիէ մի քանի անգամ Լուիզի
տունը եկած և կարուելու համար ճերմակե-
ղէններ բերած էր :

Բայց միշտ ցերեկ ատեն :

Այսու ամենայնիւ այս ամենապարզ և ան-
մեղ այցելութիւնք Մերունի Հօր գէմքը
խոտոտցուցին :

Պէրթիէի երկրորդ այցելութեան վրայ
յիսնապետին Յիմար Ուրիշի նորէն արթըն-
ցաւ :

Առիթ մը կը փնտռէր պառաւուհիէն բա-
ցատրութիւն խնդրելու :

Վերջապէս որ մը առանձին գտաւ զայն
երբ պառաւ կինը՝ լմնցած կարեր իրենց տե-
ղը յանձնելու համար դուրս ելած էր :

Տամիէն անոր ընկերացաւ մինչեւ դերեզ-
մանատան ծայրը :

Օգնական պահնորդը իր առած տեղե-
կութենէն գոհ չեղաւ :

Պէրթիէ , Լուիզի պաշտպանուհիին մէկ ազ-
գականը և խիստ պարկեշտ անձ մ'է եղեր :

Ուրիշ :

Ուրիշ ինչ ըլլայ , տէ՛ր Աստուած . Լուիզն
ալ իր քրոջը կամ աղջկանը պէս կը սիրէ ե-
ղեր :

Այս վերջին բացատրութիւնը ամենեւին
յիմար յիսնապետին գործին չեկաւ :

Բայց իր ուղեկցուհիին ուրիշ բան չի հար-
ցուց :

Բաժնուեցաւ անկից :

Գնաց այն աղնուատիրոս ծերունին գտաւ ,
որ թիարանի մէջ զինքը այցելած , այն եր-
ջանիկ պահնորդի օգնականութեան պաշտո-
նը իրեն գտած , և կոմս մը կամ մարքիզ մը
ըլլալը իրմէ պահելով , միայն պարոն կոչուի-
լը իրեն բաւական համարած էր :

— Շատ ուրախ եմ զքեզ վերստին տեսնե-

լուս, պարոն գերեզմանապետ, ըսաւ բարե-
սիրտ պարոնը զՏամիէն նստելու հրաւիրե-
լով:

— Ո՛հ, տակաւին պետ ըլլալու փառքին
արժանացած չեմ, պարոն, և իմ օգնականի
պաշտօնէս շատ գոհ ըլլալուս, զանի փոխելու
կարծիք ալ չունիմ:

— Բայց դուք բան մը խնդրելու համար
ինձ եկած ըլլալու էք:

— Այո՛ պարոն, ինձ մեծ բարեկամութիւն
մը պիտի ընէք. Պէրթիէ ըսուած երիտասարդ
մը կայ, կը ճանչէ՞ք զինքը:

— Շատ Պէրթիէներ կրնան գտնուիլ սա-
կայն. ըսած անձերնուդ մականունը գիտէ՞ք:

— Բայց այս ըսածս շատ Պէրթիէներէն չէ.
ասիկա մինակ Պէրթիէ մը ըլլալու է:

— Այսու ամենայնիւ այդ միակ Պէրթիէն
որոշիչ բան մը ունեցած ըլլալու է:

— Այո, ունի որոշիչ բան մը. երիտասարդ
մարդ մ'է ինքը:

— Է՛հ, Պէրթիէներու շատերը երիտասարդ
կրնան ըլլալ:

— Ասիկա բարձրահասակ ալ է:

— Այդչափը բաւական չէ, սիրելի՛ս:

— Բայց ի՞նչպէս հասկցնեմ, պետեր ալ ու-
նի:

— Այդչափն ալ բաւական չէ:

— Տէր Աստուած, ի՞նչ կուզէք որ ըլլայ:

— Որոշիչ բան մը, որոշիչ յատկութիւն մը:

— Որոշիչ բան մը՛, որոշիչ յատկութիւն մը՛:

— Այո, և որոնց ամենէն լաւն է մականուն
մը:

— Մականունը կրնամ հասկնալ:

— Ուրեմն նախ հասկցէք և ապա անոր
վրայօք տեղեկութիւն ուզեցէք ինձմէ:

— Բայց գործը ստիպողական է, պարոն.
Թշուառականը կրնայ ըլլալ որ վաղը և ա-
սօր իսկ նորէն գայ:

— Ո՞ւր:

— Ո՛հ, չի հասկցա՞ք միթէ:

— Հանելուկներով մի խօսիք, բարեկամս:

— Լաւ. կուզէք որ ամեն բան ըսել տաք
ինձ, պարոն:

— Բայց ամեն բան չի լսած ի՞նչպէս կրնամ
տեղեկութիւն տալ ձեզ՝ իմանալ ուղած բա-
ներնուդ վրայ:

— Որոշիչ բան մը, որոշիչ յատկութիւն մը
կը փնտռէք, այնպէս չէ՞:

— Ուրիշ կերպ ի՞նչպէս կարելի կրնայ ըլ-
լալ:

— Շատ լաւ. ըսեմ ուրեմն. դուք պատ-
ուաւոր մարդ մ'էք:
Յետոյ իր խօսակցին ականջն ի վար ծը-
ռելով, իբրեւ թէ ուրիշներ ներկայ գտնը-

ուած ըլլային հոն իր մեծ գաղտնիքը իմանալու համար, խիստ կամաց ձայնով մը յարեց :

— Լուիզի բնակարանը եկած է երկու անգամ . ահա ձեզի այնպիսի որոշիչ յատկութիւն մը, որուն դէմ այլ եւս ամենեւին առարկութիւն մը չէք կրնար գտնել :

Սակայն ազնուասիրտ ծերունին, այս մասին Տամիէնի գաղափարակից գտնուելու անկարող ըլլալով, այնպիսի անտարբեր ձեւով մը յիմար իմնապետին երեսը նայեցաւ, որ բացարձակապէս « յիրաւի դուն յիմար ես եղեր . ասկից բան մը կրնա՞յ հասկցուիլ » ըսելու պէս բան մ'էր :

Տամիէն, աչերը խոշոր խոշոր բանալով անոր երեսը նայեցաւ, և կէս մը զայրացած կերպով յարեց .

— Ի՞նչ ըսել կուզէք, միթէ այս ըսածս ալ բաւական չեղաւ այն ապիրատ Պէրթիէին ով ըլլալը հասկնալու :

Այս անգամ ծերունի պարոնը այլ եւս ինքզինքը թռնելու անկարող ըլլալով, բարձրաձայն խնդալու սկսաւ, և իր խնդալը այնչափ շարունակեց որ Տամիէն քիչ մը ատեն յուսահատօրէն համբերելէն ետեւ, վերջապէս ինքըն ալ խնդալու սկսաւ :

Այս բանը շատ աղէկ մտածեր էր Տամիէն իմնապետը :

Տանտիրոջ խնդալուն մնացորդը այս կերպիւ երկուքի բաժնուած ըլլալուն, կէս առ կէս գեղջուած եղաւ :

— Բայց ուրիշ բան մ'ալ չէ՞ք կրնար ըսել ինձ, սիրելիդ իմ Տամիէն :

— Հա՛ . կեցիք որ ըսեմ . այդ անեգաւոր Պէրթիէն՝ Լուիզիս պաշտպան պառաւուհիին ազգականն է եղեր :

— Է՛հ, ատիկա ինչո՞ւ չէիք ըսեր հիմա . հասկցայ, հասկցայ, մեծանուն Տըլապուշ գործարանի գործաւորապետ Պէրթիէն ըլլալու է :

— Ահա հիմա գտաք, ճիշդ այն է :

— Ուրեմն դուք գիտէի՞ք որ այնպէս էր . ինչո՞ւ առաջուց չըսիք :

— Ի՞նչը :

— Ի՞նչը պիտի ըլլայ, Տըլապուշ գործարանին մարդոցմէն ըլլալը :

— Բայց այդ բանը առաջին անգամն է որ ձեռնէ կը լսեմ :

— Հասա դուք « հիմա գտաք, ճիշդ այն է » կազաղակէիք :

— Դուք այնպէս ըսիք, ես ալ ձեր ըսածը հաստատեցի որ խօսքը չերկարի :

— Ուրեմն ձեր Պէրթիէին, Տըլապուշ գործարանին գործաւորապետը ըլլալը չէիք գիտեր :

— Բայց հիմա քանի որ դուք այն է կրսէք, առարկութիւն մը ընել չեմ ուզեր ձեր գիտցածին դէմ, ինչո՞ւս պէտք, ինձ Պէրթիէ մը պէտք է. որն որ կուզէ թող ան ըլլայ. բաւական է որ Պէրթիէ մը ըլլայ այն, իրեն դըլուխը պիտի ջախջախեմ:

— Այո՛ւ ամենայնիւ, պարո՛ն Տամիէն, զձեզ կատարելապէս կը վստահեցնեմ որ իմ ըսած Պէրթիէիս գըլուխը՝ ջախջախուելու գըլուխներէն չէ:

— Միթէ այդչափ կա՞րծը է:

— Ոչ, կարծը չէ, բայց խիստ պարկեշտ գըլուխ մըն է:

— Այդ ձեր Պէրթիէի՞ն գըլուխը:

— Այո, պատուաւոր, խիստ պատուաւոր երիտասարդ մ'է պարոն Պէրթիէն. զինքը լաւ ճանչեւուս կրնամ իրեն համար երաշխաւորել ձեզ:

Ինձ կերաշխաւորէք թէ այլ եւս իմ աղջկանս տունը ոտք չի՞ պիտի կոխէ:

— Ատիկա ըսել չեմ ուզեր. զինքը արգիլելու իշխանութիւն չունիմ որպէս զի ձեր աղջկանը տունը ոտք չի կոխէ. իմ երաշխաւորութիւնս իր պարկեշտութեանը համար է միայն. ասկից զատ Անտէլիք անունով օրիորդի մը նշանածն է այն և զանի այնչափ կը սիրէ որ միտքէն անգամ չանցնեք թէ աչ

խարհի մէջ սիրուելու արժանի ուրիշ կիներ ալ կրնան գտնուիլ. ուստի ձեր Լուիզին համար կրնաք ամենայն հանդարտութեամբ քընանալ եթէ ինդիրը Պէրթիէի վրայ է:

— Բայց վերջապէս մարդ մ'է այն մանաւանդ երիտասարդ մը. չեմ ուզեր որ Լուիզիս բնակարանին սեմէն ներս ոտք կոխէ:

— Սակայն, պարո՛ն Տամիէն...

— Սակայններէ չեմ ախորժիր ես, պարոն. այն սարկայններէն որոնք միշտ վտանգաւոր վախճանի մը կ'առաջնորդեն զմարդ. գիտէք որ կնոջս՝ Լակէռիէրի ունեցած յարաբերութիւնն ալ այսպէս սկսած էր. և գիտէք նաև որ ո՛ւր յանգեցաւ այն:

— Աղէկ ըսիք, պարո՛ն Տամիէն, ի՞նչ եղաւ այն վատ մարդը:

— Ա՛հ. հիմա թափառաշրջիկին մէկն է. այն սինլըորը որուն նամակ մը գրեցի թիարանէն ելածիս հետեւեալ օրը:

— Ի՞նչ ըսիք ձեր նամակին մէջ:

— Ձինքը պարզապէս մենամարտի հրաւիրեցի առանց իմ գտնուած տեղս իմացնելու:

— Պատասխան գրե՞ց:

— Այո, գրեց:

— Ի՞նչ կրսէր իր նամակովը:

— Դրսէր թէ թիապարտ մ'ըլլալուս համար չէր կրնար մենամարտիլ ինձ հետ:

— Ա՛հ, վատ մարդ. սակայն թիարան մըտ-
նելուդ պատճառը ինք եղած էր :

— Հոգ չէ, թող մենամարտը սերժէ. բայց
վերջապէս զինքը ձեռք պիտի ձգեմ օր մը,
և Աստուած սիայն գիտէ թէ ի՞նչ սոսկալի
օր մը պիտի ըլլայ այն օրը իրեն համար :

— Խոհեմութունը ձեռքէ մի ձգէք, պարոն
Տամիէն. մեռնելէ կամ թէ կրկին անգամ
թիարան մտնելէ զգուշացէք. գիտէք որ նո-
րահագս աղջիկ մը ունիք հիմա որուն կը պար-
տիք ձեր կենաց մնացեալ մասը :

— Իրաւունք ունիք, տէր իմ. բաց անանկ
վայրկեաններ կան ուր մարդս տէր չի կրնար
ըլլալ իր բանականութեանը :

Խօսակցութիւնը, այս տեղ կը վերջանար,
և յիմար յիսնապետը կը մեկնէր իր աղնուա-
սիբրտ և ծերունի բարեկամին փոքրիկ այլ շը-
քեղ տնէն առանց վերջնական սրոյման թէ
Պէրթիէի և թէ Լակէտիէրի նկատմամբ բըռ-
նելիք ուղղութեանը մասին :

Միւս կողմանէ տան սպասաւորներն այ կը
զարմանային և իրենց զարմանքը իրարու կը
հաղորդէին թէ ի՞նչպէս իրենց տէրը այսպի-
սի մարդ մը իր տունը ընդունելու կը հա-
ճէր :

Նոյն իրիկունը Տամիէն հիւանդ ինկաւ :

Սակայն իր հիւանդութիւնը շարաթէ սը
աւելի չի տեւեց :

Միայն թէ իր խեղճուկ հիւղակին մէջ զին-
քը դարմանող գերեզմանապետին աղաչած
էր որ իր հիւանդութեանը վրայօք ոչ ոք բան
մը չիմանայ Լուիզի բնակարանին մէջ, և վար-
պետ դարձուածքներով անոր բերնէն առեր
էր սա տեղեկութիւնը թէ երիտասարդ մարդ
մը երկու անգամ այցելած էր Լուիզի բնա-
կարանը այն ձախող շաբթուն մէջ :

Բայց դարձեալ ցորեկ ատեն :

Գերեզմանատան պահնորդը խորունկ կեր-
պիւ հարցաքննուած ատեն սա ալ աղէկ մը
կրնար հաստատուիլ որ այն երիտասարդը՝
Պէրթիէն ըլլալու էր :

Շաբթուն վերջերը պառաւ կինն ալ հի-
ւանդանալով մեռաւ, Լուիզը բոլորովին ա-
ռանձին թողելով :

Տամիէնի մտատանջութիւնները՝ չափը կան-
ցունէին :

Ճիշդ այնպիսի ատեն մը երբ Լուիզ ամեն
ժամանակէ աւելի հսկողութեան պէտք ու-
նէր, որովհետեւ մարդ մը կուգար կերթար
անոր բնակարանը, այն սլաշտպանուհի կինն
ալ կը մեռնէր, խորին թախծութեան և ա-
ռանձնութեան մէջ թողելով դժբախտ աղ-
ջիկը :

Բայց Տամիէն հոն էր :

Թէ յուղարկաւորութեան գիշերը և թէ

հետեւեալ գիշերը, անոր բնակարանին աւելի մօտը պառկած և հոն լուսցուցած էր:

Ոչ թէ քնանալու, այլ իր աղջկան հանգստեանը վրայ հսկելու համար:

Երրորդ օրը իր ազնուասիրտ ծերունի բարեկամին տունը երթալ մտադրած էր, որպէս զի Լուիզի նոր պաշտպանուհի մը գըտնելու ամենակարեւոր գործին վրայօք անոր հետ խորհրդակցի:

Գիշերուան մութը բաւական ժամանակէ ի վեր կոխած և ամենայն ինչ կատարեալ հանդարտութեան մէջ մտած էր, բաց ի Տամիէնէ, որ անքուն կը հսկէր իր աղջկանը բնակարանին մօտ, անկից գրեթէ յիսուն քայլ հեռուն մացառի մը ետին:

Յիմար յիսնապետը մէկէն ի մէկ պառկած տեղէն վեր ցատկեց:

Իրեն այնպէս երեւցաւ որ մէկը՝ Լուիզի բնակարանին կը մերձենար:

Տամիէն աչերը և ականջները տնկեց:

Սխալած չէր:

Յիրաւի մարդ մը մօտեցեր էր Լուիզի բնակարանը, և անոր դրանը առջեւ կայներ էր:

Ահա սոսկալի վայրկեան մը:

Լուիզի դուռը բախեցաւ:

Ներսէն և դրսէն փսփսուքի պէս ցած ձայներ լսուեցան:

Քիչ մը յետոյ լոյս մը վառեցաւ բնակարանին ներսի կողմը:

Դուռը մեղմիւ բացուեցաւ... և մարդը ներս մտաւ:

Տամիէնի քունքերը պալ քրտինքով մը թրջած էին:

Ոտքի վրայ ելած ատեն զգաց որ իր դողացող ոտները հաղիւ հազ կրնային զինքը կանգուն բռնել:

Մարդ մը, գիշեր ատեն մարդ մը մտած էր իր աղջկանը բնակարանը ուր մինակ կը գտնուէր այն...

Եւ փողոցին դուռը բացողն ալ Լուիզ ինքն էր...

Յիսնապետը կրցեր էր մտին կարճատեւ ցոլացման միջոցին Պէրթիէի դէմքը որոյնք...

— 129 —

Թ.

ՊԱՇՏՊԱՆԷ ԻՆՔՉԻՆՔԴ, ՊԱՐՈՆ

Պատմենք ի՞նչ որ անցեր էր Էթիէնի և Պէրթիէի միջեւ գաղտնի մենամարտը որոշուելէ ետեւ, և թէ որո՞նք էին այն դէպքերը որ Պէրթիէն՝ գիշերուան այն ժամուն,

Լուիզի առանձին գտնուած բնակարանը կը բերէին :

Պէրթիէ, Անժէլիքին չարաչար մատնութեան ականատես եղած վայրկենին, զգաց որ յանկարծական մահուամբ կը մեռնէր անոր վրայ սենեցած ամենասաստիկ սէրը, որուն՝ ամեն աշխարհային արկածից մէջ անմահ ըլլալը կարծելու և հաւատալու տկարութիւնն ունեցած էր :

Միայն մէկ վայրկեան մը բաւական եղած էր այն յաւիտենական կարծուած սիրոյ ցընորքը՝ տախտակի տաշուքի մուխին պէս՝ սոսկալի իրականութեան անողոք հովին առջեւ իսպառ անհետացնելու համար :

Պերթիէ՝ Անժէլիքի բնակարանին փողոցի դրան դուրսի կողմը էթիէնի խոնարհ յարգանք մը մատուցանելով լռելեայն անկէ բաժնուելէ ետեւ՝ այլեւս միայն իր զաւկին վրայ մտածել սկսաւ զոր Անժէլիքի քմահաճոյքին չէր կրնար յանձնել :

Այն անմեղ մանկիկը Բարիզ կը գտնուէր ստնտուրի մը քով, և թէպէտ Անժէլիք անոր գտնուած տեղին հասցէն չէր գիտեր, բայց կրնար գտնել զանի . և թերեւս սպաննել իսկ տար, անոր գոյութիւնը էթիէնէն ծածկելու համար :

Քալով մենամարտի գործին, Պէրթիէ այդ

վտանգաւոր արհեստին մէջ յաջողակ մէկը չէր :

Շատ հուանական էր որ մենամարտին մէջ ինքը պիտի սպաննուէր, և ի՞նչ պիտի ըլլար այն ատեն խեղճ և անմեղ մանկիկին վիճակը, եթէ իւր նենգաւոր մայրը զանի սպաննել չիտար իսկ :

Սիրախար երիտասարդը այս մաշեցուցիչ խորհրդածութիւններով իր բնակարանը վերադարձաւ, ուղղակի պառկելու սենեակը մտաւ, և առանց հանուելու իր անկողնոյն մէջ տարածուեցաւ քիչ մը քնանալու և իր մտքին հանդարտութիւնը գտնելու յուսով :

Այլ պարապ տեղը իր արտեւանուէրը կը գոցէր :

Վայրկեան մը իսկ քնանալու անկարող եղած էր մինչեւ այն ատեն, երբ առաւօտեան առաջին լսօր իւր սենեկի աւարկաները որոշապէս ցուցնելու սկսան իր ապստամբ աչացը :

Այն ատեն Պէրթիէ յանկարծական որոշում մը տուող մարդու մը պէս անկողնէն դուրս ցատկեց, գրասեղանը բանալով քիչ մը ստակ առաւ անկից և իր գրպանը մըսցուց :

Յետոյ իր սենեկին դուռը դրսէն կղպելով հանդարտօրէն վար իջնել սկսաւ՝ ոլորապրտոյս սանդուղէն :

Քիչ մը վերջը Բարեղի ճամբուն վրայ էր
ինքը :

Իւր զաւակին գտնուած տեղը կասկածելի
երեւցեք էր իրին :

Չանի պիտի առնուր Բարեղի սանտուին
ձեռքէն , և գաղտնապէս Պրիւքսէլ պիտի բե-
րէր :

— Ի՞նչ ընելու համար :

Այն ալ պիտի հասկնանք ճիշդ հիմա :

Աւելորդ է րսել որ ծանուցեալ դէպքէն
ի վեր Պէրթիէն երբէք չէր գացած այլ եւս
Տըլապուշ գործարանը :

Նոյնպէս էթիէնի երեսն ալ տեսած չէր
մինչեւ մենամարտի օրուան համար որոշուած
ժամէն տասն և չորս ժամ առաջ :

Էթիէն՝ իր տանը մէջ ընդունեց Պէրթիէի
այցելութիւնը :

— Պարո՞ն , այս գիշեր որոշեալ ժամանակ-
նիս պիտի ըլլայ , այնպէս չէ՞ , հարցուց Պէր-
թիէ , բոլորովին անայլայլ ձայնով մը , իբրեւ
թէ խնդիրը սովորական պարզ երեկոյթի մը
վրայ եղած ըլլար :

— Այո , որոշումնիս այդպէս է , պարոն
Պէրթիէ :

— Բայց չէինք որոշած թէ ինչ զէնքով պի-
տի կռուինք :

— Ինչ զէնքով որ կռուիլ կը հաճիք , պատ-

րաստ եմ այն զէնքը ընդունելու . նախա-
եալ կողմը դուք էք , պարոն Պէրթիէ , ուստի
զէնքի ընտրութիւնը ձեր իրաւունքն է :

— Ա՛հ , ինձ համար կարեւորութիւն մը չու-
նի այդ . կրնամ այդ ընտրութիւնը բոլորովին
ձեզ թողուլ :

— Ուրեմն , սուրով կռուինք եթէ կը հա-
ճիք . ատրճանակը շատ ձայն կը հանէ , և
քանի որ որոշուած է թէ մեր մենամարտը
բոլորովին գաղտնի պիտի մնայ , անձայն կեր-
պիւ սրով կռուելնիս աւելի լաւ կըլլայ կար-
ծեմ :

— Ես ալ ձեր կարծիքէն ես , պարոն էթի-
էն . բաւական է որ . . .

— Այո , բաւական է որ երկուքնէս մէկն
այն եւս մենամարտի տեղէն վերադառնալու
անկարող ըլլայ :

— Այսինքն բացարձակ կերպիւ սպաննուի
վերջնականապէս , առանց վերջէն յարութիւն
առնելուն ամենավտրբ հաւանականութիւն
մը թողելու :

— Ադոր համար ալ ամենէն ապահով միջոց
մը կայ , պարոն Պէրթիէ :

— Աւելի լաւ :

— Եթէ դուք զիս սպաննելու յաջողիք ,
գետինը տարածուելէս ետեւ բոլորովին գը-
լուխս կը կտրէք : դուք սպաննուած ատեն-

նիդ ալ ճիշդ նոյնը կընեմ ես ձեզի :

— Խիստ յարմար խորհուրդ մ'է այդ , պարոն էթիէն . որովհետեւ գլուխը բաժնուելէ ետեւ մարմնոյն վերստին յարութիւն առնելը բոլորովին անկարելի կըլլայ . միայն թէ մարդասպանութեան կասկած մը չը յարուցանէ այն հետաքրքիրներու մտաց մէջ :

— Ատոր առաջքն առնելու ալ ճար մը կայ :

— Ի՞նչպէս :

— Երկուքնիս ալ գրպաններնուս մէջ մէկ մէկ տոմսակ կուսնեանք մեր ձեռագրովը , և այդ տոմսակին մէջ բացայայտ կերպիւ կը գրենք որ դէպքը պարզ մենամարտ մ'է առանց վկայի , և երկու կողմանէ այնպիսի հաճոյք մը զգացած ենք որ սպաննուած կողմին գլուխը իր մարմինէն պիտի բաժնուի . ահա այս կերպով ամեն հաւանական կասկածներու առաջքը առած կըլլանք վերջնական կերպիւ . ի՞նչ կըսէք այս խորհրդիս :

— Քաջ է . սակայն անշուշտ երկուքնիս ալ պիտի զգուշանանք հակառակորդ կողմին անունը նշանակելէ այն տոմսակին մէջ :

— Անշուշտ այդպէս պիտի ըլլայ , պարոն Պէրթիէ . ուրեմն այս կէտին վրայ ալ համաձայնած ենք . ուրիշ փափաք մը ունի՞ք յայտնելիք :

— Միայն սա պիտի խնդրէի ձերնէ որ պէտք

եղած սուրերը դուք հետերնիդ բերէք մենամարտի վայրը , որովհետեւ իմ քովս երկու սուր չունիմ ես , և չեմ ուզեր ուրիշէ ճարելով կամ նորէն ծախու առնելով վրաս կասկած հրաւիրել :

— Շա՛տ լաւ , պարոն Պէրթիէ , քանի որ այդպէս կը փափաքիք , չեմ ուզեր ձեզի անհաճոյ երեւիլ . ճիշդ որոշեալ ժամուն որոշեալ տեղը պիտի գտնուիմ , երկու սուրերս հետս բերելով . ապահով եղի՛ք այս մասին :

Ահա այս կերպիւ երկու երիտասարդք բաժնուեցան իրարմէ , և Պէրթիէ նորէն իր բնակավայրը դառնալով , այս անգամ հանդարտօրէն ննջեց մի քանի ժամ :

Կէսօրը անցեր էր երբ Պէրթիէ անկողնէն ելաւ :

Մօտակայ ճաշարանը երթալով , հարսանիքի պատրաստութիւն տեսնող սպասաւորի մը պէս լաւ կերպիւ ճաշեց , մի քանի դաւաթ ալ ընտիր զինի պարպեց :

Իրիկուն ըլլալու տակաւին բաւական ժամանակ կար :

Ուստի մէկ երկու ժամ ալ քաղաքին գրու խաւոր պարտէզին մէջ ժուռ եկաւ :

Յետոյ դարձեալ իր տեղը վերադարձաւ , և խցիկին մէջ գոցուելով գրերու զբաղել սկսաւ :

Վերջապէս մութը կոխեր էր :

Պէրթիէ նորէն ճաշարան գիմելով իր երեկոյեան ընթրիքն ալ ըրաւ , առատ նուէր մ'ալ տուաւ սպասարկու տղուն , և բաւական երկար ատեն լրագիր կարդալով ժամանակ անցնելէ և քիչ մը ատեն ալ փողոցները ժուռ գալէ ետեւ , դէպի գերեզմաննոցին կողմը երթալ սկսաւ ծանր քայլերով :

Այն ատեն կէս գիշերին տակաւին չար ժամ կար մինչդեռ մենամարտի համար որոշուած ժամանակն էր ժամը տասը , այսինքն կէս գիշերէն երկու ժամ առաջ :

Պէրթիէի գրպաններն ալ քիչ մը ուռեցած էին :

Այդպիսի տարաբախտ երիտասարդը , այդպիսի ուռուցիկ գրպաններով , և մենամարտին համար որոշեալ ժամանակէն երկու ժամ առաջ ո՞ւր կերթար :

Լուիզի տունը կերթար :

Գիտենք արդէն որ Տամիէն յիսնապետը , գիշերուան այն ժամուն Պէրթիէի իր աղջկան տունը գալը տեսնելով և զանի ճանչելով ի՞նչ աստիճանի այլալլած և բորբոքած էր :

Ինչ որ է . քանի որ հիմա խնդիրը իր երիտասարդ և գեղանի աղջկան վրայ է , անչուշտ մեր ընթերցողաց ալ շատ հաճելի պի-

տի ըլլայ աւելի այն գեղանի անձին վրայ խօսիլ , քան թէ իր յիմար և զառամեալ հօրը վրայ :

Երբ առաջին անգամ դեռատի աղջկան դուռը բախեցաւ , Լուիզ , որ նոր քնացած էր , ընդոտտ արթնցաւ և մտիկ ընել սկսաւ :

Առաջին անգամուն այնպէս կարծած էր թէ երազ մը կը տեսներ :

Բայց փողոցի դրան կրկին բախումը ամեն տարակոյս ցրեց :

Լուիզ՝ առանձին կը գտնուէր իր տանը մէջ . Պառաւուհի պաշտպանին մահը արդէն տեսակ մը երկիւղ ազդած էր իրեն , և գիշերուան մթութիւնը այս երկիւղին աստիճանը կը բարձրացնէր :

Ասկից կրնայ հասկցուիլ որ ի՞նչ սոսկում զգաց խեղճ աղջիկը , գիշերուան այն ժամուն մէջ իրեն մենարանին դուռը երկու անգամ զարնուած ըլլալու ձայնը առնելով :

Ա՛յնչափ շփոթեր էր Լուիզ , որ իր վրայ գիշերային ճերմակ և երկար շապիկէ մը ուրիշ բան մը ունեցած ըլլալն իսկ խելք չը կարենալով ընել , անկողնէն վար ցատկեց , խկոյն մոմը վառեց , և սանդուղէն վար իջնել սկսաւ :

Իր բոպիկ և ձիւնի պէս ճերմակ ու փոքրիկ ոտներուն վրայէն հողաթափ մը անցնելն իսկ չէր մտարերած :

Սակայն ո՛րչափ աւելի եւս գեղանի կերե-
ւէր նորահաս աղջիկը՝ իր այն վայրենի վի-
ճակին մէջ :

— Ո՞վ էք, պարոն, և ի՞նչ կուզէք այս ժա-
մուս, հարցուց նազելի աղջիկը՝ դրանք ե-
տեւի կողմէն :

— Բացէք, Լուիզ. ես եմ. այսինքն ձեր
Պէրթիէն :

— Բայց, պարոն, տան մէջ առանձին եմ,
և ճիշդ այս ժամանակ չեմ կրնար ներս ըն-
դունիլ զձեզ :

— Գործը ստիպողական է, աղջիկս :

— Առաւօտեան շատ բան մը մնացած չէ,
պարոն Պէրթիէ. վաղը Ծերունի Հօր հետ
կրնաք հոս գալ և ըսելիքնիդ ըսել ինձ :

— Բայց վաղուան մնալու դործ չէ, Լուիզ.
միթէ կը վախնա՞ք ինձմէ որ պատուաւոր
մարդ մ'եմ. և Աստուած գիտէ որ եթէ
գործը այնչափ ստիպողական չըլլար, գի-
շերուան այս ժամուս մէջ զքեզ անհանդիստ
ընելը մտքէս անդամ չպիտի անցընէի :

— Ուրեմն այնչափ ստիպողակա՞ն բան է
ըսելիքնիդ :

— Ինձ համար գրեթէ մահու և կենաց
խնդիր մ'է ըսեմ, այն ատեն ստիպողակա-
նութեան աստիճանը կրնաք որոշել :

Գեղանի աղջիկը համոզելու համար ասկից

աւելի կտրուկ փաստ մը չէր կրնար ըլլալ :

Պէրթիէ խիստ պարկեշտ և պատուաւոր
մարդ մ'էր այն գեղանի աղջկան համար, որ
սուսն ու մեղքն ինչ ըլլալը տակաւին չէր
գիտեր ճշդապէս :

Հիմա, ասանկ երիտասարդ մը մահու և
կենաց պայքարին ենթակայ եղած է և իրմէ
ընդունելութիւն կը խնդրէ :

Է՛հ, ի՞նչ պիտի ընես. Տամիէնի պէս հար-
իւր յիսնապետներու գովամահութեան և
սպառնալի աչաց հակառակ իսկ այն գեղա-
նի կոյսին մենարանի դուռը պիտի բացուէր
Պէրթիէի համար, քանի որ անոր կեանքը
փրկելու խնդիրը կար մէջ տեղը :

Ահա այսպէս եղած էր որ Լուիզ, գիշեր
ուան այն ժամուն կը բանար իր այն տան
դուռը որուն մէջ առանձինն կը գտնուէր ին-
քը, և որուն համար Տամիէնի խռոր աչերը
գոմէջի մը աչաց պէս կատաղութենէ և սար-
սափէ՝ գրեթէ բոլորովին դուրս կիյնային,
թէպէտեւ Լուիզ չէր կրնար գիտնալ անոր՝
իր տանը մօտերը գտնուած և պահապան
չան մը պէս իւր վրայ հաւատարմաբար հըս-
կելու համար՝ մացառներու ետին գարանի
մտած ու հոն պառկած ըլլալը :

Երբ Պէրթիէ այն չքնաղ աղջկան տանը
դունէն ներս մանելով գուռը գոցեց ետեւէն,

անոր այն շլացուցիչ և կիսամերկ վիճակը տեսնելով, առջի բերան գրեթէ ինքզինքը կորսնցուց:

Բայց շուտով խելաբերելով և իր պաշտօնին դառնութիւնը միտք բերելով, իր զգացումները լիովին սանձեց, և Լուիզի առջեւն իյնալով սանդուղէն վեր ելնել սկսաւ:

Երբ այն փոքրիկ սենեակը մտան, ուր պառաւուհի կինը իր վերջին շունչն աւանդած էր, Պէրթիէ՝ իր գրպաններուն մէջ պահած երկու հատ թղթի ծրարները և երկու մեծ նամակներ հանելով սեղանին վրայ դրաւ:

Լուիզ քաղաքավարաբար խնդրեր էր իրմէ որ աթոռի մը վրայ նստի:

Բայց Պէրթիէ այդ հրաւէրը մերժելով ոտքի վրայ կեցաւ:

— Աղջիկս, ահա այս գիրերը քեզի յանձնելու և դադտնիքս քեզի յայտնելու եկայ. այս վայրկենիս քենէ աւելի վստահելու մէկը չունիմ:

— Մեծ պատիւ կընէք ինձ, պարոն:

— Ինձ հետ եզակի խօսէ, օրիորդ:

— Եթէ յոքնակի խօսելէս կը վշտանաք, ուզածնուդ պէս պիտի ընեմ, պարոն:

— Շնորհակալ եմ. հիմա ամենայն լրջութեամբ ինձ մտիկ ըրէ. թէ պէտեւ ըսելիքներս քու անմեղ ականջներուդ համար ան-

պատեհ բաներ պիտի նկատուին, բայց վերջէն զիս դատելով պիտի հասկնաս թէ ցաւալի պարտականութիւն մ'է որ կը կատարեմ:

— Խօսէ, պարոն Պէրթիէ, աղատ կերպով խօսէ կ'աղաչեմ. քու պարկեշտ չրթներէդ դուրս ելնելիք խօսքերը չեն կրնար դժկամակութիւն մը ազդել ինձ:

— Ո՛հ, ո՛րչափ կը քաջայերես զիս. Լուիզ, աղջիկս, առաւօտեան դէմ քեզի մանկիկ մը պիտի բերեն. սիրուն մանչ մը, որուն պիտի ընկերանայ պառաւ կին մը. այն տղեկը անպատճառ քու քովդ պահելու և մեծցնելու ես. եթէ գործիդ գայ, այն պառաւ կինն ալ թող հոս կենայ քու քովդ իբրեւ պաշտպանուհի. սա ծրարին մէջ հինգ հազար ֆլորանք կայ, որոնք իննայողութեամբ աւելցուցած հարստութիւնս կը կազմեն. գոնէ հինգ տարուան համար կը բաւէ այդ համեստ գումարը, թէ այն փոքրիկ մանկիկը և թէ պառաւ կինը քեզի բեռ մը չընելու համար. կ'ընդունի՞ս այս առաջարկութիւնս:

— Պարոն Պէրթիէ, եթէ այդպիսի գումար մը չի յանձնէիր, դարձեալ ամենայն սիրով պիտի ընդունէի առաջարկութիւնդ:

— Շատ բարեսիրտ ես, օրիորդ:

— Բայց չէ. արդէն գիտես որ կնոջ մը

պաշտպանութեանը պէտք ունիմ:

— Բայց այն փոքրիկ տղա՛ն,

— Ո՛հ, անիկա իմ փոքրիկ եղբայրս պիտի ըլլայ և շատ պիտի սիրեմ զինքը որնոր անշուշտ շատ քաղցրիկ մանկիկ մը ըլլալու է, քանի որ դուն կը յանձնարարես զայն ինծի:

— Լուիզս, խնդիրը մինակ զանի պահելու և մեծցնելու վրայ չէ. իր գոյութիւնն ալ կատարելապէս գաղտնի պիտի պահես. և ինչ որ ալ պատահի, զանի և ոչ մէկուն չի պիտի յանձնես:

— Այդ մասին կատարելապէս վստահ կըրնաս ըլլալ ինձ, պարոն Պէրթիէ. բայց... բայց կը յուսամ թէ պիտի հաճիս ինձ ըսել:

— Մանկիկին որինը ըլլա՛ր:

— Այո, պարոն Պէրթիէ:

— Իմ զաւակս է այն:

— Քու զաւակդ:

Լուիզ այս վերջին բառերն արտասանած առն, իր գեղեցիկ յոնքերը ա՛հա չափ վեր բարձրացան որ, դեռատի աղջկան այս յայտնութենէ զգացած սյլալուծիւնը ակնյայտ կը տեսնուէր:

— Քու զաւակդ, բայց չէի գիտեր որ ա մուսնացած ես դուն, պարոն Պէրթիէ:

— Հանդարտութեամբ մտիկ ըրէ ինձ, աղ-

ջիկս. գաղտնիքներ կան որոնց քիչ ատենէն տեղեակ պիտի ըլլաս, և այդ գաղտնիքները քեզի պահելով երբեք ուրիշի մը չի պիտի հաղորդես. հիմա ժամը իննին մօտ է. եթէ մինչեւ տասնեւմէկը հոս չի վերադառնամ, այն ատեն այս թղթի ծրարները բանալով անոնց պարունակութիւնը պիտի կարդաս և ամեն բանի տեղեկանաս. հիմակու հիմա ուրիշ ըսելիք մը չունիմ քեզ, զաւակս. ժամը տասնեւմէկը աղէկ միտքդ պահէ. այն ատեն ամեն բան պիտի պարզուի քու անմեղ աչացըդ առջեւ:

— Հիմա կերթա՞նք, պարոն Պէրթիէ:

— Այո, պէտք է որ մեկնիմ. խիստ անպատեհ բան է այցելութիւնս երկարել քանի որ ուրիշ կարեւոր մէկ ըսելիքս չի մնաց... բայց Լուիզս, խեղճ աղջիկ, չես գիտեր որ ո՛րչափ կը սիրեմ զքեզ իբրեւ բուն իմ զաւակըս... գուցէ այս բաժանումնիս խիստ երկար պիտի ըլլայ եթէ մինչեւ ժամը տասնեւմէկ հոս չի վերադառնամ. ուստի սա անմեղ ճակտեղ բաժանման անմեղ և որդիական համբոյր մը տալու շնորհն ընելով մեծ երջանակութիւն մը պարգեւած պիտի ըլլաս ինձ:

Պէրթիէի աչերը լեցած էին և անոնց մէջ մէկ մէկ խոշոր արտասուաց կաթիլներ կը շողային մոմին լոյսէն:

Լուիզ եւս սաստիկ վրդոված և բաժա-
նում բառէն այլայլած էր :

Ինքն ալ չի կրցաւ իր լացը բռնել, ինկաւ
Պէրթիէի պարկեշտ բազկացը մէջ, և իր հը-
րաշագեղ ճակատը անոր շրթներուն մատոյց :

Ճիշդ այս վայրկենին էր որ պարտէզին վը-
րայ նայող պատուհանին ապակիները բուռն
շառաչմամբ խորտակելով վար ինկան, և յի-
մար յիսնապետը, որուն մազերը ցցուած և
աչերը սարսափելի վայրագութիւն մը առած
էին, ատրճանակ ի ձեռին սենեկին մէջ տե-
ղը նետուեցաւ :

Լուիզ այն կիսամերկ վիճակին մէջ, սար-
սափէն և յուսահատութենէն Պէրթիէնի փա-
րած էր :

Եւ ահա այսպիսի նենգաւոր վայրկենի մը
մէջ ներս կը յարձակէր Տամիէն՝ իր յիմա-
րութեան նորոգուելը ստոյգ և անվիճելի :

— Նենգաւոր վատ, գոչեց Յիմար Յիսնա
պետը զայրագին . իմ կինս ալ ահա ճիշդ այս-
պէս գլխէ հաներ էր քու անարգ արուես-
տակիցդ եղող Լըկէռիէ, և ես փոխանակ
ոճրագործը սպաննելու՝ անոր զոհն սպաննե-
ցի . բայց այս անգամ այնպէս չի պիտի ըլ-
լայ . զիս նորէն թի . . .

— Թիարան պիտի ըսէր իր զայրոյթէն յի-
րաւի յիմարացած յիսնապետը և ինքզինքը

պիտի մատնէր . բայց ցաւագին դէպք մը այն
չարաշուք բառը գամեց իր շրթերուն վը-
րայ :

Լուիզ մարեր էր Պէրթիէի բազկացը մէջ,
և ասով կրկին շփոթութեան մատնած էր
դժբախտ սիրահարը :

Պէրթիէ, թերեւս այն վայրկենին խիստ
բարեպատեհ երեւցող այս դէպքէն օգուտ
քաղել ուզելով, դեռատի օրիորդին նազելի
մարմինը անկողնոյն վրայ տարածեց, և Տա-
միէնի սոսկալի ներկայութեանը անոր գեղե-
ցիկ ճակտէն վերջին համբոյր մ'ալ առնելու
համարձակութիւնը չունենալով, զարհուրելի
յիսնապետին դէմը եկաւ կանգնեցաւ, հան-
դարտօրէն իր թեւերը խաչաձեւ ծալելով
իր կուրծքին վրայ :

— Պաշտպանէ ինքզինքդ, պարոն Պէրթիէ,
չեմ ուզեր կրկին անգամ մարդասպան ըլ-
լալ, թէ և ամեն իրաւունք ունիմ շան մը
պէս սատկեցնելու զքեզ այս տեղ :

— Նոյն իսկ Լուիզի մարած գտնուած սե-
նեկի՞ն մէջ :

— Փախուստի ձեւեր մտիկ ընելու ժամա-
նակ չունիմ . պաշտպանէ՛ ինքզինքդ կըսեմ
քեզի :

— Բայց ես չեմ կրնար քեզի հետ մենա-
մարտիլ, Ծերունի՛ Հայր :

— Ա՛հ, ա՛հ, մենք մեր երիտասարդութեան ատեն այսպիսի հրաւէր մը կրկնել չէինք տար սակայն. դուք վատ էք. միայն անմեղ կիներ գլխէ հանելու ցած քաջասրտութիւնը ունիք, առանց՝ շատ անգամ անոնց ետեւի կողմը պահուած կրակին երեսը նայելու քաջութիւնն ալ ունենալու. և... և ծերունի բազումներու առջեւ խոյս տալու վատութիւնը ձեզի ամթ չէք համարեր:

— Կասկածներնիդ անիրաւ են իմ ծերունի պարոնս:

— Այս կերպի՞նք խոյս տալ կուզէք պատուաւոր մենամարտէ մը:

— Մենամարտէ խոյս տուող մէկը չըլլալ քիչ ատենէն պիտի հասկնաք:

— Ուրեմն քիչ մը վերջը պիտի մենամարտիք ինձ հետ:

— Ձեզի հետ չի պիտի մենամարտիմ, պարոն:

— Բայց պատճառը:

— Պատճառը չեմ կրնար ըսել ձեզ:

— Բայց գնտակս պիտի կորզէ ձեր բերնէն այն պատճառարանութիւն զոր վատօրէն կը յանդգնիք պահել գերեզմանատան պահնորդի փոխանորդէ մը:

Տամիէն ասոնք ըսելով, սպառնալի եղանակաւ իր ատրճանակին բերանը Պէրթիէի գլխուն ուղղեց:

— Ձիս կրնաք սպաննել, պարոն. բայց չի պիտի կրնաք բռնադատել զիս ձեզի դէմ կուռելու:

— Ա՛հ, գիտէի որ ձեր կարգէն եղող անձինք սոսկ վատեր են. բայց ըսէ գոնէ թէ գիշերուան այս ժամուն մէջ ի՞նչ ունէիր ըսելիք անմեղ Լուիզիս, որուն տունը մտած ես գողի մը պէս գաղտնաբար, մինչդեռ անիկա մինակ կը գտնուէր:

— Այդ եւս չեմ կրնար ըսել քեզ, պարոն. բայց դէպքերը գուցէ քիչ ատենէն ամեն բան պիտի յայտնեն քեզ, և այն ատեն...

Պէրթիէի խօսքին մնացորդը, որ գուցէ ամենէն համոզիչը պիտի ըլլար, իւր բերնին մէջ մնաց:

Ըսինք թէ զայրոյթը յիմարացուցած և կուրդուցած էր արդէն յիմար պատուանունին արժանի դատուած յիսնապետը:

Երբ Պէրթիէ գիշերուան այն ժամուն Լուիզ մի տան մէջ և անոր հետ մեղապարտ կարծուած դիրքի մէջ գտնուած ըլլալուն բացատրութիւն մը գոնէ մնղմացուցիչ արդարացում մը կեղծելն ալ մերժեց, այլ եւս Տամիէն իր գործոց տէրը չէր:

Իր ծերունի բայց հուժկու թեւը ելեքտրական արագութեամբ նորէն վեր ելաւ:

Կայծակի մը պէս գրեթէ աննշմարելի շարժում մը տեղի ունեցաւ:

Սենեկին մէջ ահագին որոտում մը լսուեցաւ :

Տամիէնի ատրճանակը պարպուած և բոցին հետ միատեղ դուրս ժայթքող ծուխը վայրկեան մը բոլոր առարկաները սքողած էր :

Երբոր այդ խիտ մուխը ցրուել և սենեկին մէջի առարկաները որոշուել սկսան, Պէրթիէ ոտքի վրայ կանգուն կերեւէր, տակաւին իր թեւերը հանդարտօրէն խաչաձեւ ծալուած իր կուրծքին վրայ :

Բայց երեսն ի վար արեան մեծկակ կաթիլներ կը հոսէին :

Թեթեւ վէրք մը :

Տամիէնի գնտակը անոր երեսը սկըթելով անցեր գացեր էր, քունքին վրայի կարճ մազին մէկ մասը հետը տանելով :

Իսկ Յիմար Յիսնապետը, գրեթէ բոլորովին խելակորոյս, և իր արտաքոյ կարգի մեծցած և աչերը Պէրթիէի երեսին սեւեւած, անդգայ գետինն իյնալու հակամէտ վիճակի մը մէջ կը գտնուէր. իր ատրճանակին որոտալի ձայնը տակաւին կը հնչէր ականջին և աղօտ կերպիւ զգայնել կուտար իրեն որ գէշ բան մը ըրած էր :

Բայց այդ միեւնոյն որոտումը Լուիզի զգացմանց վերածնելուն ալ ամենազօրաւոր պատճառ մը եղած էր :

Խեղճ աղջիկը կամաց կամաց իր գլուխը վեր առնուլ սկսած ատեն, Պէրթիէ՝ որ երբեք իր աչերը չէր բաժնած անոր վրայէն, իր արձանի պէս կանգուն և անշարժ դիրքը մէկէն ի մէկ թողլով անոր քով վազեց, և սարսափահար աղջկան գլուխը անոր մէկ ծնդան վրայ հանգչեցաւ նորէն :

Պէրթիէ ծնդան վրայ եկած էր այն նազելի աղջկան առջեւ, և ճշմարիտ հօր մը գորովանօք անոր ճակատը կը շփէր :

Լուիզ՝ իր խօսքը, Յիմար Յիսնապետին ուղղելով, ծանր ծանր ե տկար ձայնիւ ըսաւ :

— Պարոն Պէրթիէ, միայն իմ հաճութեամբս մտաւ տունս այնպիսի արդար պատճառներով, որոնք չեմ կրնար ըսել. բայց կատարելապէս կը վստահացնեմ զձեզ որ այդ պատճառները ձեր անիրաւ կասկածներէն այնչափ հեռու են՝ որքան պարկեշտ են անոնք. բայց պարոն, դուք որ այսպիսի արդարացուցիչ բացատրութեանց իրաւունք մը չունիք, առանց իմ հաճութեանս, բռնութեամբ, և սենեկիս պատուհանը կտարելով ներս մտաք, և տակաւին ձեռքերնուդ մէջ միացող ատրճանակը և Պէրթիէի երեսէն վազած արիւնը կապացուցանեն թէ ինչ վայրագ նրպատակով մը մտած էիք իմ բնակարանս :

— Լուիզ, աղջիկս, նե նե ներէին յիմար մը եմ ես :

— Եւ այնպիսի մէկը հոս իմ ներկայութեանըս սպաննել փորձեցիք, որուն մինչեւ հիմա ուրիշ աչքով մը նայած չեմ, այլ մի միայն քրոջ մը աչքով:

— Ներէ՛ յանցանքիս. ո՛հ, յերաւի թշուառ մ'եմ ես:

— Լաւ, կը ներեմ ձեզի, Մերունի Հայր, գիտնալով որ ինչ որ ըրիք, իմ բարոյս համար ընել կը կարծէիք:

— Ո՛հ, հրեշտակ մը ասկից ասելի գեղեցիկ խօսքով չէ՛ր կրնար ներել ինձ:

— Նաեւ պարոն Պէրթիէի ալ կողաչեմ որ իմ վրայ ունեցած եղբայրական սիրոյն շնորհիւ ներէ ձեզ:

Տամիէն՝ ձեռքի ատրճանակը մէկ կողմ նետելով վաղեց, և իր կարգին՝ Պէրթիէի առջեւ ծնգան վրայ եկաւ:

— Դուք ալ պիտի ներէք ինձ, պարոն Պէրթիէ. դուք ալ պիտի ներէք խելակորոյս ծերունոյ մը, այնպէս չէ՞:

— Ոտքի ելէք հայրիկ, ձեզի դէմ եթէ ոխ մը ունենայի իսկ, յօժարակամ պիտի ներէի այն միևնոյն պատճառաւ որով մերժեցի ձեզի դէմ մենամարտիլը:

Պէրթիէ, քիչ փնաց որ պիտի ըսէր թէ Լուիզի հայրն ըլլալուն համար ոչ իրեն դէմ մենամարտիլ կուզէր և ոչ ալ իր ներումը զըլանալ:

Բայց մէկ ժամէն ստուգիւ մահուան դուռը դիմելու եղող երիտասարդը ուզեց մինչեւ ցմահ գաղտնի պահել թէ ինքը գիտէր անոր՝ խեղճ Լուիզի հայրն եղած ըլլալը:

Տամիէն ոտքի ելաւ, չէր գիտեր թէ իր աղջկանը և թէ այն պարկեշտ երիտասարդին ներմանցը համար ի՛նչ բառերով և ի՛նչ ձեւերով իր երախտագիտութիւնը յայտնէ, որոնց երկուքին ալ բոլորովին անմեղ և իր կասկածանացը անարժան ըլլալնին հիմա լիովին կ'զգար:

Թողունք յիմար յիանապետը, որ այդ երախտագիտութեան բառերը և անոնց յարմար ձեւերը գտնելու համար զուր տեղը իր ուղեղը և բազուկները շարժման մէջ դնելու աշխատանօք ինքզինքը արտասովոր կերպիւ յոգնեցնէ և ճակատէն վար քրտինքներ հոսեցնէ:

Լուիզ, մէկ խօսքով դանի այդ դժնդակ այլալուծենէ ազատեց:

— Հիմա, քանի որ ես իմ տանս տիրուհին եմ, այն իրաւամբ կը հրամայեմ ձեզ, Մերունի Հայր, որ անմիջապէս մեկնիք ասկից. պարոն Պէրթիէի վէրքը դարմանելու համար ձեզի պէտք մը չունիմ:

Տամիէն՝ աճապարանօք այդ հրամանը գործադրելու վրայ էր, և արդէն քայլ մը առած

էր դէպի սենեկին դուռը, երբ Պէրթիէ կե-
ցուց զինքը:

— Կը ներես, ազնիւ Լուիզս. ընդհակառակն
պէտք է որ ես մեկնիմ ասկից և Մերունի
Հարը քովդ թողում, որովհետեւ դուն ինք-
նին խնամքի, և... պաշտպանութեան պէտք
ունիս այս գիշեր. իմ վէրքս այնչափ թեթեւ
բան մ'է, որուն վրայ խորհելն իսկ չարժեք,
և ստիպողական պէտք մը ճիշտ այս վարկե-
նին զիս ուրիշ տեղ մը կը կոչէ:

Լուիզ՝ իր գեղեցիկ բերանը բանալով խօ-
սելու վրայ էր այդ անդուծ և քիչ մ'ալ
կասկածելի, կամ ըստ իր որոշ բնազդման
վտանգալի որոշման դէմ առարկութիւններ
յարուցանելու համար:

Բայց Պէրթիէ իրեն ժամանակ չի թո-
ղուց, և ականջն ի վար ծռելով, «Սեղանին
վրայի թղթերը պահէ, ու ժամը տասնեւմէկը
միտքէդ մի հաներ—», ըսաւ:

Լուիզ՝ չիպիտի թողուր Պէրթիէի որ այս
կերպիւ մեկնի. բայց էթիէնի սուրին տակ
մեռնելու ժամադիր երիտասարդը, իր զաւ-
կին ապագայ պաշտպանուհւոյն ճակտէն վե-
րստին երկար համբոյր մը առնելով և անոր
ձեռքը սաստիկ սեղմելով, Տամիէնի խոնար-
հութիւն մը ըրաւ, և աճապարանօք սենե-
կին դռնէն դուրս ելաւ:

Մերունի յիսնապետը՝ և անոր աղջիկն ըլ-
լալը չը գիտցող Լուիզ յուսահատօրէն գը-
լուխնին վար կախելով մտածել սկսան:

Բայց փողօցի դրան գոցուելու մեղմ ձայնը
բաւական եղաւ զիրենք սթափեցնելու:

— Ս'հ, գնաց, գնաց, ազաղակեց Լուիզ
այնպիսի յուզեալ կերպիւ, որ խեղճ Տամիէ-
նը՝ կեցած տեղէն վեր ցատկեցուց:

— Բայց հանդարտէ, աղջիկս, կ'աղաչեմ,
յուզուելու ի՞նչ կայ, պարոն Պէրթիէ...

— Ո՛հ, վաղէ իր ետեւէն, քիչ մը առաջ զին-
քը պիտի սպաննէիր, հիմա գուցէ իր կեան-
քը կրնաս ազատել:

— Ի՞նչ կըսես, աղջիկս. միթէ պարոն Պէր-
թիէի կեանքը վտանգի մէջ է. եթէ բան մը
գիտես...

— Բայց հասի՛ր, իր ետեւէն, հասի՛ր կըսեմ
կոր: ստոյգ բան մը չեմ գիտեր, սակայն բը-
նազգումս կիմացնէ ինձ որ այս գիշեր աղի-
տալի դէպք մը պիտի պատահի... ո՛հ, խեղճ
Պէրթիէ, գուցէ մէկ մ'ալ չ'պիտի տեսնենք
երեսը:

Շուարած ժերունին այլ եւս ուրիշ բան
չի հարցուց իր աղջկանը:

Ս, յն վայրկենին ուրիշ ամեն բան մոռցած
էր:

Միայն Պէրթիէն մտածելու սկսեք էր:

Պէտք էր որ այն խեղճ երիտասարդին կեանքը փրկէր, մինչդեռ մի քանի վայրկեան առաջ ինքն էր որ զանի սպաննելու համար իր աղջկանը ներկայութենէն իսկ չէր ակնածեր:

Ինքզինքը ճշմարիտ խենթի սը պէս սանդուղէն վար նետեց:

Իր ատրճանակն հետն առնուլն իսկ միտք չէր ըրած:

Բայց գրեթէ լեռան գլուխը կեանք անցնելու վարժուած ըլլալուն, իր քովը դանակ մ'ալ կը գտնուէր:

Թողունք որ նախագգուշութիւնը ամենեւին Տամիէնի հետ գործ մը չունէր այդ վայրկեանիս:

Պէրթիէի թշնամիքը, որոնք ալ ըլլային, եթէ առազակաց ջոլիւր մը իսկ, իր մերկ եղունգներովը պիտի պատերազմէր անոնց դէմ և փրկէր Պէրթիէի կեանքը, որ հիմա այնչափ թանկագին եղած էր իրեն համար:

Ժ .

Ո՛՛՛ ՎԵՐՁՈՊԷՍ ԳՏԱՅ ԶԻՆԶ, ՉԱՐԱԳՈՐԾ

Տամիէն՝ ինքզինքը իր աղջկան տանը դուռնէն դուրս նետելէ ետեւ մի քանի ճամբաներ կելլէին իր դէմը, և պէտք էր որ շուա-

րէր անոնց որը բռնելուն վրայօք, որովհետև չէր կրնար գիտցուիլ թէ Պէրթիէ ի՞նչ ուղղութիւն բռնած էր:

Բայց աւելորդ բան է ըսել որ եթէ խեղճ յիմնապետին գլուխը քիչ մը խելք կար, ան ալ բոլորովին կորսուած էր քիչ մը առաջ տեղի ունեցած ծանր դէպքերուն մէջ տեղը: Ուրեմն իր բանականութիւնը բոլորովին չեզոք կամ կրաւորական դիրք մը բռնելով, իր իրաւունքը կատարելապէս սրունքներուն յանձներ էր և անոնց քմահաճոյիցը կը հետեւէր:

Տամիէնի սրունքներն ալ՝ գերեզմանատան ճամբան լաւ սերտած ըլլալուն՝ իրենց սովորական ուղին բռնեցին և չփոթեալ Տամիէնը անկից տանելու սկսան:

Գիտենք որ Պէրթիէ եւս ստուգիւ միեւնոյն ճամբան բռնած էր արդէն՝ մենամարտի համար որոշեալ վայրը հասնելու նպատակաւ, ուր իր հակառակորդէն առաջ հասնելու և քիչ մը ատեն ալ անոր սպասելով՝ նոյն գիշեր անցած դարձած բաներուն վրայ քիչ մը խորհելու քմահաճոյքն ունեցած էր:

Ստոյգ մահուան դիմող երիտասարդը՝ Տամիէնէն բաւական առաջ լուիլի տունէն մեկնած և աճապարանօք իր ուղեւորութիւնը շարունակելու դադարած ըլլալով՝ չէր կրնար

գիտնալ և տեսնել որ ծերունին իր ետեւէն զինքը կը հալածէր :

Թէեւ Տամիէն եւս շատ հեռունքը գրանուած ըլլալուն՝ ինքն ալ չէր կրնար գիտնալ և տեսնել որ ճիշտ ուղիղ ճամբուն վրայ կը գտնուէր, և քիչ ատենէն՝ հալածեալին վրայ պիտի հասնէր :

Պէրթիէ այսպէս մտադրազ իր ճամբան շարունակած ատեն, մենամարտի համար որոշուած տեղոյն հաղիւ հարիւր քայլի մը չափ մնացած անկիւն մը կը դառնար, որ մացառներով լի էր :

Այն ինչ խեղճ երիտասարդը այդ մացառուտ անկիւնը կը դառնար, և ահա մացառները շարժիլ սկսան, և մութին մէջ մէկէն ի մէկ մէկը դուրս ցատկելով անոնց մէջէն այնպիսի արագութեամբ իր վրայ խոյացաւ, որ Պէրթիէ՝ ինքզինք պաշտպանելու իսկ ժամանակ չի կրցաւ ունենալ :

Չգաց որ սուր բան մը մխեցաւ իր մարմնոյն մէջ . . .

Ձինքը այսպէս յանկարծակիի բերելով ըսպաննել ուզողը էթիէն չէր կրնար ըլլալ . . .

Անիկա այնչափ վատ մէկը չէր . . .

Ասկից զատ սուսերամարտի մէջ էթիէն շատ յաջողակ և ինքը բոլորովին անվարժ ըլլալով, յապթութիւնը գործարանապետին կող-

մը մնալուն տարակոյսի տեղի չէր մնար :

Ուրեմն ուրիշ ո՞վ կրնար ըլլալ այս եղեւնագործը :

Պէրթիէ թէպէտեւ իր գարնուած ըլլալը զգացեր էր, բայց միանգամայն սա ալ զգալու բարեբաղդութիւնն ունեցած էր որ, հարուածը մահացու չէր :

Վատը՝ կրկին անդամ իր դանակը գործածելու ժամանակ չի կրցաւ ունենալ :

Պէրթիէի՝ հուժկու բազուկները զինքը գրկեցին, անոնցմէ մին՝ պրկեր էր չարագործին այն ձեռքը որ դանակով զինուած էր :

Իսկ միւսը անոր դիւրակոր մարմինը կաշկանդելու կը ջանար :

Երկուքն ալ ոտքի վրայ, բայց դէպի գետին խոնարհած, մութին մէջ այս կերպով տասը վայրկեանի չափ սոսկալի լուծեամբ կը կռուէին և տակաւին վերջնական յաղթութիւնը անորոշ կը մնար :

Բայց անձանօթ շարագործին ձեռքէն՝ դանակը չէր կրցած առնուիլ :

Մինչդեռ Պէրթիէ, իր վրայ գնտասեղ մը իսկ չունէր հակառակորդը վնասելու համար : Իր թեւերէն զատ պաշտպանութեան միջոց մը չունէր խեղճը :

Եւ աւաղ . . . ատո՞ք ալ ուժի սպառման աղբարարութիւնը ընել սկսած էին :

Բաւական էր որ չարագործին դանակ բռնող ձեռքը անգամ մը ազատ ըլլար գործելու :

Ո՛հ , այն վայրկեանին Պէրթիէի գործը վերջնական կերպիւ լննցած էր :

Կէս ժամէն մահացու մենամարտի մը մէջ իրեն այնչափ պէտք ունեցող թեւը , արդէն հրաժարականը տալու վրայ էր , և Պէրթիէ կ'զգար որ ալ եւս էթիէնի համար գործ մը չի պիտի մնար ընելիք :

Մահուան չարաչուք ստուերը , որոշեալ ժամանակէն կէս ժամ առաջ իր դէմը կանգնած կը գտնուէր , և Պէրթիէ պիտի մեռնէր , առանց իր մենամարտի հակառակորդին երեսն իսկ տեսնելու :

Մութին մէջ իրեն հետ կռուող վատ եղեւնագործը Պէրթիէի տկարանալը տեսնելով , ուրախութեան ահագին ազդակ մը փրցուց , և նոյն վայրկեանին , իր սպառազէն ձեռքը ազատելով դանակի վերջին հարուածը տալ կը պատրաստուէր . երբ ուրիշ նոր ձեռք մը կատաղութեամբ կասեցուց իր հարուածը , և անդիմադրելի շարժումով մը զինքը գետին տապալեց :

Չարագործին վրայ՝ երերալու կարողութիւն չի մնաց :

Պէրթիէ և անոր անձանօթ ազատարարը

իր վրայ հեծած էին , և դանակը խլուած էր իր ձեռքէն :

—Շնորհակալ եմ , պարոն էթիէն . . . ճիշդ ժամանակին հասաք . . . ապա թէ ոչ գործս լննցած էր , ըսաւ Պէրթիէ սաստիկ հեւալով :

—Ի՞նչպէս էթիէն , էթիէնը ո՞վ է :

—Ուրեմն եթէ էթիէն չէք , հապա ո՞վ էք , աղաղակեց Պէրթիէ բոլորովին շփոթած :

—Ե՛ս , հա՛հ , ըսեմ ձեզի , պարոն Պէրթիէ , ես գերեզմանատան Մերունի Հայրն եմ . քիչ մը առաջ ես ինքս պիտի սպաննէի զձեզ . բայց հիմա երջանիկ կը համարեմ զիս՝ ձեր պատուական կեանքը փրկելու գործիք մը ըլլալուս համար . խեղճ աղջիկը որչափ իրաւունք ունի եղեր ձեր անձին դէմ սոսկալի դաւաճանութեան մը կասկածը , յղանալով իր փոքրիկ ուղեղին մէջ :

—Ո՛հ , միթէ Լուիզ յիրաւի իմ վրայ կը մտածէ այս պահուս :

—Լուութիւն , պարոն Պէրթիէ , Լուութիւն , հիմա ուրիշ հասկնալիքներ ունինք , Տամիէնի ազդարարութեան ճիշդ յարմարատեսն էր . երկու մարդոց ծանրութեան տակ ճգմուելու աստիճանին հասած էր անձանօթ եղեւնագործը , և խեղդուկ հառաչանքներ հանել սկսած էր իր կոկորդէն :

Ծերունի յիսնապետը քիչ մը շարժեցաւ՝ այն վատին՝ ազատ շունչ պարզեւելու մըտօք։ Բայց միանգամայն կը պատուիրէր Պէրթիէի որ իր դերքը ամենեւին չի փոխէ։

Տամիէն, ուրիշ ամենակարեւոր բան մ'ալ մտածած է եղեր այն պահուն,՝

Գիշերները՝ պաշտպանողական զինուոց հետ միատեղ երբեք իր քովէն չի բաժնուող փոքրիկ լապտերը՝ իր երկարակեաց վերարկուին գրպանէն դուրս ելնելով վառուեցաւ։

Ծերունի յիսնապետը երբ չարագործին երեսին բռնեց լոյսը, ճանչեց զանի և դող մը եկաւ իր վրայ։

Սակայն երեսէն բան մը յայտնի չըրաւ։

Իւր դանակն ալ հանեց գրպանէն։

Չարագործին դանակն ալ՝ որ գետին նետուած էր, Պէրթիէի ձեռքը յանձնուեցաւ։

Հիմա երկու բարեկամք, մէկ մէկ սուր դանակներով զինուած էին։

Իսկ չարագործը բոլորովին անզէն կը գըտնուէր։

Տամիէն՝ նախ անոր զգեստները լաւ մը քննեց, ապահով ըլլալու համար թէ անոր վրայ ուրիշ զէնք մը չէ՞ր գտնուեր։

Ապա ոտքի ելաւ։

Պէրթիէի ալ նշան ըրաւ որ ոտքի ելնէ։

Յետոյ եղեռնագործին եւս միևնոյն հրամանը ըրաւ։

Լապտերիկը գետինը հաստատուած էր, և այս երեք մարդոց վրայ բաւական լոյս կը սփռէր։

Պէրթիէ և Տամիէն, չարագործ սպանչին երկու կողմը կանգնած, անոր օձիքներէն բռնած և դանակնին անոր կուրծքին ուղղած էին սպառնալի եղանակաւ։

Իսկ վատ մարդը, բոլորովին յուսահատած գլուխը իր առջին կախեր էր ճիշդ այն մարդոց պէս, որ քանի մը վայրկեանէ աւելի ապրելու յոյս մը չունին։

— Եթէ շան մը պէս սպաննուիլ չես ուզեր, ըսաւ ծերունի յիսնապետը՝ որոտալի ձայնով մը, հանդարտ կեցիր և քեզի ուղղուելիք հարցմանց ամենայն ճշդութեամբ պատասխան տուր։

Չարագործը գլխով հնազանդութեան նըշան մը ըրաւ։

— Հիմա կարգը ձերն է. հարցաքննեցէք այս վատ եղեռնագործը և ես ալ մտիկ պիտի ընեմ։

— Բայց իմ ծերունի բարեկամս, ես հիմա այդպիսի բաներու ժամանակ չունիմ. տարէք զանի ձեր տեղը և ինչ որ կուզէք դուք հարցուցէք իրեն, այս տեղ մինակ մնալու պէտք ունիմ քիչ մը ատեն, և կը խնդրեմ որ զիս առանձին թողուք։

Պէրթիէ ասոնք ըսելով ժամացոյցը հանեց
և անոր վրայ նայեցաւ :

Ժամը տասին , այսինքն Պէրթիէի հետ ու-
նենայիք գաղտնի մենամարտին քսան վայր-
կեան մնացած էր :

Տամիէն իր որոշումը պաշտպանելու համար
բերանը բանալու վրայ էր , երբ կաշկանդեալ
եղեռնագործը զանի ազատելով այն անորոշ
ձանձրութենէն՝ որուն յաջող հետեւանքը
խիստ տարակուսելի կերեւէր ,

— Ներեցէք որ ես խօսիմ պարոն Պէրթիէի
հետ , ըսաւ :

— Դո՛ւն խօսիս պարոն Պէրթիէի հետ :

— Այո , որովհետեւ իմ ըսելիքներս միայն
կրնան համոզել զինքը :

— Խօսէ տեսներք , յարեց նախկին յիսնա-
պետը կէս մը տարակոյսի և կէս մ'ալ հե-
տաքրքրութեան ձեւով :

Այն ատեն եղեռնագործը իր խօսքը պա-
րոն Պէրթիէի ուղղեց :

— Ժամը քանի՞ն էր , պարոն :

— Տասին քսան կամ տասներու ժամը կեան
կայ :

— Ճիշդ ժամը տասին պիտի մենամարտէիք
պարոն էթիէնի հետ , այնպէս չէ՞ :

Պէրթիէ և Տամիէն , երկուքը մէկանց սաս-
տիկ զարմացման ձեւով մէկ մէկ քայլ ետ

գացին , և քիչ մնաց որ այս գործողութեան
ատեն կամ չարագործը գետին պիտի տա-
պալէին և կամ թէ անոր օձիքին մէկ մէկ
կտորը իրենց ձեռքը պիտի մնար :

— Մենամարտութի՛ւն մը . . . և այս գլի-
շե՛ր , աղաղակեց Տամիէն , ցնորածի մը պէս :

— Այո , մենամարտ մը , կրկնեց եղեռնա-
գործը :

— Բայց դուն ինչէ՞ն գիտես ատիկա , հար-
ցաւ Պէրթիէ :

— Եթէ իմ կեանքս չնորհել հաճիք , ամեն
բան պիտի ըսեմ ձեզ . սոսկալի գաղտնիք կան
գործին մէջ , պարո՛ններ . միայն սա չափը
ըսեմ որ պարոն էթիէն այս գիշեր հոս չի
պիտի գայ ձեզի հետ մենամարտելու :

— Չի՛ պիտի գայ . ուրեմն վատ մ'է այդ
մարդը , ըսաւ Պէրթիէ իր ոտքը գետինը զար-
ներով , և ոճրագործին ինդրած կենաց շը-
նորհին վրայօք խորհուրդ հարցնելու ձեւով
մը ծերունի յիսնապետին երեսը նախելով :

Տամիէն՝ իր նախկին շիթութեան ամպե-
րը հալածելու կարող եղած էր այդ տագ-
նապալի վայրկենին :

Աւազակին օձիքը թողուց :

— Ներկայ մարդասպանութեան փորձիկ
համար տասն անգամ սպաննուելու արժանի
ես . բայց խոտացանք արդէն այս ոճրիկ

համար քու վատ անձիդ խնայելու, եթէ ամեն բան ճշդիւ պատմես մեզ:

— Այո, ամենայն ճշդութեամբ պիտի պատմեմ ձեզ բոլոր եղածները, պարոններ, և պիտի տեսնէք որ իմ կեանքս շնորհելով ձեզի վնասակար բան մը ըրած չի պիտի ըլլաք:

— Ըսէ՛, շուտով խօսէ, ըսին Պէրթիէ և Տամիէն երկուքը մէկանց վերջին ծայր անհամբերութեամբ:

— Այս առաւօտ տիկին Ֆրանսուազ զիս գտնելով, գիշերուան մութը կոխելէն ժամ մը յետոյ իրեն տունը գտնուիլ և այս մասին ուէ մէկուն մը չըսելս ինձ պատուիրած էր:

Որոշեալ ժամուն հոն գացի:

Անժէլիք եւս տիկին Ֆրանսուազի հետ ինձ կ'սպասէր:

Գաղտնի խորհուրդ մը ունեցանք:

Ժամը տասին պիտի մենամարտէիք էթիէնի հետ:

Ես ժամը իննին հոս դարանի մտնելով ձեր գալտեան պիտի սպասէի, և մութին ձեր վրայ յարձակելով պիտի սպաննէի զձեզ, որպէս զի էթիէն բոլորովին ազատ մնայ:

— Քեզի այս գործին մանրամասնութեանը վրայ խօսողը ո՞վ էր:

— Անժէլիքն էր:

— Անժէլիքն էր. Անժէլիք ի՞նչքը, կը կըրկնէր խեղճ Պէրթիէ իրարու ետեւէ, վհուկին այն դուշակութիւնը միաքը բերելով, որ ըսած էր թէ Անժէլիք ինքը պիտի սպաննել տար իր սիրահարը:

— Այո, պարոն Պէրթիէ, այս մանրամասնութեանց վրայ աշխուժիւ ինձ հետ խօսողը Անժէլիքն էր, որնոր իմ կատարեալ հաւանութիւնս ստանալուն վրայ ձեռները իրար գարնելով այսպէս կաղաղակէր. «Ուրեմն ժամը տասին ամեն բան լմնցած է, և եո բոլորովին ազատ եմ անկից յետոյ»:

Պէրթիէ իր ձեռքը այնչափ սաստկութեամբ ճակտին գարկաւ որ, այդ ահագին հարուածին դէմ դնելու համար իրեն ճակտին պէս պարկեշտ գործաւորապետի մը տուկուն ճակատը պէտք էր:

— Ա՛հ, երբեք մտքէս չէի կրնար անցունել որ ցմահ ինձ հաւատարմութիւն երդուընցող արարած մը վատութեան այս աստիճանները խոնարհի, աղաղակեց նա:

— Այսու ամենայնիւ ինչ որ ըսի ձեզ կատարելապէս ստոյգ է, պարսն Պէրթիէ. հիմա նորէն ժամացոյցնիդ նայեցէք:

Պէրթիէ ծռելով լապտերիկին լոյսովը եր ժամացոյցը քննեց:

— Ժամը տասին հինգ վայրկեան կայ, ըսաւ նա:

— Պարոն էթիէն գոնէ հինգ վայրկեան առաջ հոս գտնուելու էր . բայց հոգ չէ , սպասեցէք ճիշդ որոշեալ պայմանաժամին , և եթէ մինչեւ այն ատեն ալ ձեր հակառակորդը երեւան չե՛նէ , յայնժամ կրնաք կատարելապէս համոզուիլ որ խօսքերուս մէջ ստուծեան բառ մ'իսկ չի կայ :

Ասոր վրայ խորին լուծիւն մը տիրեց :

Պէրթիէ , մէկ ձեռքովը անժանօթ չարագործին օձիքը բռնած ատեն , միւս ձեռքովը ալ դանակին հետ միատեղ իր ժամացոյցը լապտերին լոյսին բռնած էր :

Անցաւ այդ սոսկալի հինգ վայրկեանն ալ . ժամը ճիշդ տասն էր և էթիէնէն ամենևին հետք մը չէր տեսնուեր :

— Հիմա բոլոր տարակոյսներնիդ փառատեցա՞ն :

— Այո , ճշմարիտը խօսեցար , պատասխանեցին Պէրթիէ և Տամիէն :

— Բայց տակաւին պակասներ ալ ունիմ լրացնելիք . քսան հազար ֆրանք պիտի վճարուէր ինձ այս եղեռնագործութեան համար , և ես այդ գումարը առնելով Ամերիկա պիտի անցնէի , անոր մէկ անժանօթ անկիւնը իմ ոճրագործութեանս արդիւնքը վայելելու . հոն պիտի անցունէի իմ կենացս մնացեալ մասը , առանց երբեք կրկին անդամ եւ-

րոպա ոտք կոխելու . պարոններ , այդ գումարին հինգ հազար ֆրանքը արդէն գրպանիս մէջ կը գտնուի , զոր ստացած եմ Անժէլիքի բուն իր փափուկ ձեռներէն :

— Իսկ մնացեալ տասնեւհինգ հազարը , հարցուց Տամիէն զայրագին :

— Մնացեալ տասն և հինգ հազարը . . . այո , մնացեալ գումարը ըսել կուզէք . . . անիկա ալ . . . անիկա ալ . . .

— Շուտով ըսէ , պօռաց Տամիէն այնպիսի ահարկու ձայնի , և դանակն ուղղելով վատ եղեռնագործին կոկորդին այնպիսի սպառնական եղանակաւ մը որ , չարագործ մարդը իր վերջին վայրկեանը հնչած կարծեցով բոլորովին այլայլեցաւ և դողալ սկսաւ :

— Ըսէ՛ , չուտ ըսէ :

— Այո , պիտի ըսեմ , բարի ծերունի . . . բայց քանի որ իմ կեանքս կը շնորհէք ինձ , կը յուսամ որ այն վերջին հարստութիւնն ալ ինձ թողելու շնորհը կընէք , պիտի երթամ դարձեալ Ամերիկայի անժանօթ մի անկիւնը պիտի կորսուիմ , մէկ մ'ալ Եւրոպա ոտք չի պիտի կոխեմ , և . . . իմ մնացեալ կեանքս պարկեշտօրէն պիտի վերջացնեմ :

— Բայց ըսէ նախ թէ այն արեան գինէ մընացեալ տասնեւհինգ հազար ֆրանքը ո՞ւր մնաց :

— Այո՛ . . . այո՛ . . . պիտի ըսեմ . . . գերեզմանատան մեծ դռնէն ներս մտցուած ատեն . . . քսան քայլ գէտլի առաջ երթըցուելով . . . Տըլլապուշի շիրիմը կը գտնուի ճիշդ անկիւն մը դարձուած տեղը :

— Գիտեմ Տըլլապուշի շիրիմը , ըսաւ Տամիէն հաստատուն ձայնով մը , քանդակեալ մարմարինէ միապաղաղ շինուածք մը :

— Այո՛ , ճիշդ անիկայ . . . վաղն առաւօտ խիստ կանուխէն . . . այսինքն գերեզմանատան դուռը բացուելուն պէս , սեւեր հագած կին մը պիտի գայ և ծնրագրէ այն մարմարինէ շիրիմն առջեւ . . . Անժէլիքն է այն կինը . . . և շիրմի պատուանդանին և հողին մէջ տեղը գտնուող փոքրիկ բացուածքի մը մէջ պիտի տեղաւորէ . . . այն մնացեալ տասներկինգ հազար Ֆրանքի դրամատոմսերը :

— Այդ գումարն քուկդ պիտի ըլլան և ազատ պիտի ըլլաս Ամերիկա երթալու . այսչափը կը բաւէ , ըսաւ Պէրթիէ անհամբերութեամբ նորէն գետին զարնելով իր ուքը :

— Ո՛հ , շնորհակալ եմ պարոն , յանհունս շնորհակալ ես ձեզ . ես ձեր պատուական կեանքին դաւաճանեցի , և դուք իմ կեանքս և միանգամայն ազատութիւնս և ձեր արեան գինը եղող հարստութիւնը կը պարգեւէք ինձ . ո՛հ , կերդնում որ այս աստիճան վե-

հանձնութեան մը ականատես վկայ ըլլալէս ետեւ , կատարելապէս պարկեշտ մարդ մը ըլլալու պիտի աշխատիմ :

— Լաւ է . ես ալ կատարելապէս կը հաւանիմ պարոն Պէրթիէի սրոյճան , ըսաւ Տամիէն , սակայն աւելի զօրաւոր կերպիւ բռնելով ազատուելիք մարդուն օձիքը . իր կենաց դէմ գործած վատ դաւաճանութեանդ համար , իմ ազնիւ բարեկամս կատարելապէս կը ներէ քեզ . ադոր ըսելիք մը չունիմ . բայց ինձ հետ ալ հաշիւ մը ունիս , պարոն՝ և ըկէտի :

— Ո՛հ , գիտէ՞ք իմ անունս :
— Մարդ մը , իր կինը գլխէ հանող վատը շուտով չի մոռնար :

— Բալց ո՞վ էք դուք :
— Ե՞ս , հը՛մ , կը յիշէ՞ք Պրիւքսէլի ոստիկանութեան յիննապետ Տամիէնը :

— Այո՛ , այո՛ , կը յիշեմ այդ անձը :
— Որուն կինը չարաչար գլխէ հանեցի , զիս թիարանի մէջ փտելու դատապարտեցիր , և երբ հնգետասանամեայ բանտարկութենէս ետեւ նորէն ազատութեան օդը շնչել սկսայ , մեր հին հաշիւը մաքրելու համար մենամարտի հրաւիրագիր մը զրկեցի քեզ , և դուն վատութեամբ մերժեցիր այդ հրաւերը , առարկելով թէ թիապարտ մ'եմ ես , և քու անարատ պատուդ չէր վայլեր թիապարտի մը հետ մենամարտիլը , մինչդեռ այն թիապարտը՝ խեղկորոյս կնասպան մը եղած էր միայն , իսկ դուն . . . վարձեալ մարդասպան

մը Գաղտնիքս դուրս հանած ըլլալուս համար հիմա այլ եւս զղջալու պատճառ մը չունիմ. քանի որ սատանան իրարու դէմ հանեց զմեզ այսպիսի գաղտնի տեղ մը... հոգ մի՛ ընեք... կատղած շան մը պէս չի պիտի սպաննեմք եզ, թէպէտ ամեն իրաւունք ունիմ այդպէս ընելու... այս երկու դանակներով պատուաւոր մարդոց պէս պիտի մենամարտինք իրարու հետ... եթէ ես սպաննուիմ, գաղտնիքս ինձ հետ դերեզման պիտի մըտնէ... իսկ եթէ դուն սպաննուիս, հատարակութեան բերանը իյնալու խայտառակութենէ ազատ կը մնամ. գալով պարոն Պէրթիէի, իր պարկեշտութեան վրայ կատարեալ վստահութիւն ունիմ. ամեն բան գաղտնի պիտի մնայ իր քով... ուրեմն, պարոն Պէրթիէ, կը խնդրեմ որ ձեր ձեռքի դանակը Լըկէռիէի յանձնէք. արդէն իր դանակն է այն և կերեւի թէ զանի լաւ գործածելու վարժուած է. ուստի զէնքի ընտրութեան մասին առարկութեան իրաւունք մը չի կըրնար ունենալ:

— Բայց իմ ծերունի բարեկամս...

— Ո՛հ, կը խնդրեմ այս որոյմանս մի միջամտէք, պարոն Պէրթիէ, եթէ կուզէք որ ըսեմ, այսպէս կը հրամայեմ ձեզ, և դուք՝ իբրեւ պատուաւոր մարդ, պարտական էք հնազանդելու ծերունիի մը, որ դուքէ մեռնելու վրայ է:

Յետոյ Պէրթիէի ականջին ծռելով կամաց մը յարեց,

— Ազնի՛ւ բարեկամս... եթէ ես մեռնիմ... եթէ երկինք ուզեն որ սպաննուողը ես ըլլամ, գիտես որ քենէ ի զատ ոչ ոք կը մնայ խեղճ Լուիզը պաշտպանելու:

Պէրթիէ զգաց որ ամեն առարկութիւն և ամեն միջամտութիւն՝ ժամավաճառութենէ զատ բանի մը օգուտ չի պիտի ընեն. ուստի յուսահատօրէն գլուխը վար կախելով իր ձեռքի չարաշուք դանակը՝ Լըկէռիէի կ'երկընցունէր:

Ոյս վերջինը տեսնելով որ խուսափման ամեն յոյս կորած է, և Տամիէն իր օձիքը թողելով ոպառնալից գիրք մը կ'առնուր իր դէմը նոյն վայրկենին, մեքենաբար առաւ դանակը Պէրթիէի ձեռքէն, և այս ակամայ մենամարտին մէջ իր պաշտպանողական գիրքը բռնեց:

Մահուան երկիւղ մը չունէր, որովհետեւ Տամիէնի ծերութիւնը իրեն համար բաւական ապահովութիւն մ'էր:

Միայն թէ սխալ մտադ մը սպաննած պիտի ըլլար, քանի որ իրեն դանակին յանձնարարողը Պէրթիէն էր, և ոչ թէ Տամիէն, որ անախնչալ կերպիւ եկած մէջ նետուած էր ճիշդ այն վայրկենին երբ ինքը ապահով էր որ վերջին և որոշիչ հարուածը պիտի տար երիտասարդ գործաւորապետին:

Բայց միթէ այս սխալ գործողութեամբ իր ազատութիւնը և քսան հազար ֆրանքի հարստութիւնը վտանգի չէլ'ն ենթարկուէր:

Չարագործը բան մը մտածեց այս ամենակարեւոր կէտերուն վրայ :

Վերջապէս ինքզինք զսպելու ա՛լ անկարող ըլլալով, Տամիէնի երեսը նայեցաւ ու,

— Պարո՛ն, եթէ դուք սպաննուիք, իմ զատութեանս և ըսան հազար Ֆրանքի հարստութեանս կարգադրութեան մէջ փոփոխութիւն մը պիտի ըլլա՞յ, — հարցուց :

— Գուն զիս սպաննելը նայէ, պարոն Պէրթիէ անգամ մը հանդիսաւոր կերպիւ եղած կարգադրութենէ ետ դարձող մարդերէն չէ. օ՛ն պաշտպանէ ինքզինքը, — ըսաւ Տամիէն :

Եղեռնագործը դարձեալ հարցական ձեւով անգամ մ՛ալ պարոն Պէրթիէի երեսը նայեցաւ :

Երիտասարդ մարդը՝ կօսելու կարողութիւնը կորսնցուցած ըլլալուն, միայն գլուխովը հաստատական պատասխան մը տալով գոհ եղաւ :

Այն ատեն երկու զինեալ մարդիկ կատաղութեամբ իրարու վրայ ինկան. ի՛նչ սոսկալի բան էր տեսնել այս երկու մարդոց կռուիլը այն թանձր մթութեան ժամուն, որ միայն փոքրիկ լապտերին լուսովը քիչ մը կը լուսաւորուէր, և երկու արիւնարբու դանակներուն երկաթնէրը կը փայլէին այդ աղօտ լուսին մէջ :

Պէրթիէ, բոլորովին շուարած քնացեր էր. Տամիէնի ծերութիւնը, անոր կենացը համար վախճալու ամեն իրաւունքը կուտար իրեն :

Թէ ինքը և թէ մահացու հարուածը ստալու ճշնող այն երկու վայրենի մարդիկ կատարեալ լուութիւն մը կը պահէին :

Տամիէն դէպի իրեն ծռելու սկսած ատեն, Պէրթիէի վախը աւելի եւս սաստկացաւ :

Իր հակառակորդը անոր վրայ ծռած էր, ոտներնին իրարու մէջ անցած կը գտնուէին, ու թէեւ երկուքն ալ իրարու դանակազէն ձեռքը պրկած մահացու հարուածը արդիւնէ կը ջանային, այլ արդէն կէս մը գետին խոնարհած Տամիէնի ոտքը բոլորովին գետնէն կտրած ատեն, իր դործն ալ վերջնական կերպիւ պիտի լմնար :

Քառորդ ժամու մը չափ տեւեց այս սոսկալի կռիւը :

Յետո՛յ :

Յետոյ . . . իրարու փաթթուած երկու մարդոց մարմիններ քիչ մը ատեն ալ գետնին վրայ թաւալեցան :

Վերջին պայքարն էր այս :

Այն միջոցին Պէրթիէի ձեռքի լապտերն ալ գետին ինկաւ և մէջի մտը մարեցաւ :

Լապտերիկին վերջին լոյսին հետ գետնաքարչ կռիւն ալ վերջացած էր :

Գիտնատարած մարդոցմէ մին ծանր ծանր սորի կ'ելնէր :

Բայց արդեօք ո՞վ էր այն :

Անշուշտ ծերունի Տամիէնը ըլլալու էր, որ չէր կրցած այս անհաւասար կռուսխառնալու :

Ինչ՞իս դործը այլ եւս բոլորովին վերջացած էր, և Լուիզ՝ ինչպէս մերմէ, նոյնպէս

հօրմէ ալ որք կը մնար, առանց գիտնալու որ անհկայ իր հայրն էր:

Պէրթիէի աչերը մթազնիլ սկսան, և ինքն ալ կեցած տեղը երերալով իր կարգին գետին փռուելուն շատ բան մը մնացած չէր...
Եւ այն ատեն... .

Ո՛հ, այն ատեն ո՞վ կրնար երաշխաւորել որ արիւննարբու Լրկէռիէ գինքն ալ ամենայն դիւրութեամբ չի պիտի սպաննէր:

Այս վիճակին երբ մութին մէջ սուքի ելնող մարդը խարխափելով իր քով հասաւ և ձեռքը անօր ուսին կրթնցուց, Պէրթիէ՛ իրեն անզէն և բոլորովին տկարացած ըլլալուն ալ չի նայելով, ըստ կարի իր անձը պաշտպանելու համար բուռն շարժում մը ընել ըսկսաւ, և իր վրայ եկողին կոկորդը ձեռք անցնելու կը ճգնէր:

— Բարի Պէրթիէս, ես եմ:

— Ո՛հ, դո՛ւն ես, պարոն Տամիէն:

— Այո, ես եմ: վրէժս լուծեցի... հիմա ամեն բան լնացած է, ըսաւ նախկին յիւնապետը սաստիկ հեւալով... բայց լապտերը ուր է:

Մութին մէջ փնտռելով գտնուեցաւ լապտերիկը, և սրովհետեւ գերեզմանատան պահնորդի օգնականին գրպանէն երբեք չէր բաժնուէր լուցկիի տուփն ալ, ուստի քիչ ատենէն վերտին վառեցաւ անօր մամը,

Տամիէնի և Պէրթիէի առաջին շարժումնին էր գէպի Լրկէռիէի մարմինը, որ տնչարժ տարածուած կը գտնուէր գետնին վրայ:

Լայն վերք մը կար անօր սրտին ճիշդ վրան,

ուրկէ սեւ արիւն մը դուրս կը հոսէր: Մերունի Տամիէնի դանակը լաւ գործ տեսած էր:

Մեռեալին մարմնոյն քով խորհուրդ մը տեղի ունեցաւ:

Պէրթիէ իր դարպակէն հանած և Տամիէնի ցուցուած էր այն տոմսակը, որուն մէկ օրինակն ալ պիտի գտնուէր Էթիէնի վրայ, եթէ մենամարտէն խոյս տուած չըլլար այն:

Ինչպէս որ գիտենք, մենամարտի որոշեալ պայմաններէն մին ալ այն էր որ սպանեալին գլուխը պիտի բաժնուէր իր մարմնէն:

Ասոր վրայ կրկին խորհուրդ մը տեղի ունեցաւ հոն:

Ո՛հա՛ այդ գաղտնի խորհուրդին արդիւնքը: Պէրթիէ և Տամիէն մեռեալ մարդուն դիակին վրայ ծռեցան:

Յետոյ դանակը գործել սկսաւ, և Լրկէռիէի գլուխը բոլորովին կտրուելով անօր մարմնէն բաժնուեցաւ:

Այս գործողութիւնը լննալէն ետեւ Պէրթիէ՛ բաղնիք մտնող մարդու մը պէս հանուել սկսաւ:

Լրկէռիէի մարմնն ալ մերկացուցին, և Պէրթիէի հանած հագուստները անոր հագցուցին: Երիտասարդ գործարանապետին գլխարկն ալ կռուոյն տեղը թողուեցաւ:

Պէրթիէ՛ սպանելոյն հագուստը, ճերմակեղէնները, և գլխարկը ինքը հագնելով բոլորովին կերպարանափոխ եղաւ, և երկու բարեկամը, Լրկէռիէի գլուխն ալ հետ առնե-



լով մեկնեցան այն մեռելահոտ տեղէն .

Ո՛ւր կերթային .

Գերեզմանատան պահնորդի օգնականին հիւղը , ուր քիչ մը ատեն պահուած պիտի մընար Պէրթիէ .

Բայց խեղճ երիտասարդը հազիւ թէ Տամիէնի հին խշտեակին վրայ նետեց ինքզինքը : վրան սաստիկ դալկացում մը գալով հոն տեղ մարեցաւ .

Լըկէւիի հետ կռուած ատեն անոր դանակէն իր ազդրին վրայ ընդունած վէրքը , որ առջի բերան բանի մը տեղ չէր դրած , ինչպէս իւր երեսին վրայ Տամիէնի ատրճանակէն ընդունած թեթեւ վէրքը , արեան շարունակ հոսմամբ խեղճ երիտասարդին ոյժը սպառեր էր .

Եւ ասոր համար էր որ Տամիէնի և Լըկէուիէի գետնաթաւալ կռուած ատեննին , իր վրայ սաստիկ տկարութիւն մը եկած էր .

Տամիէն չի յուսահատեցաւ , այլ անմիջապէս պէտք եղած դարմանները ի գործ դրնելու փութաց գաղտնի կերպիւ և երիտասարդի մը աւիւնով .

Պէրթիէի վէրքը քննեց .

Վտանգաւոր հանգամանք մը չունէր այն , բայց պէտք էր լաւ կերպիւ խնամուէր .

Տամիէն ալ մի միայն այն բանը ընել մտածեց այն վայրկեանին .

Լըկէուիէի կտրուած գլուխը անկիւն մը դրուած էր ապահով կերպիւ և Տամիէն իր աչքը չէր բաժներ անկից .

ՎԵՐՋ ԱՌԱՋԻՆ ՀԱՏՈՐԻՆ

15,000

141,000

6,000.00

12

15,000

150,000



MAR 8 1914

10436

44

գրանցվողի վրա զորանոթի մղ
 ղչրենի սղագ թրահմոթի ղվեմզիտրոն
 թղվրդո մհտ վթղրամեկի 7 վմեմոմիղ
 դմմվ մզղենեմզ թղղմ 16 մս վրատեոտի

մզղոտ խղղղղոմսի վրատեոտ
 տոտե մի վթղոտեոտ իսմոտրսե կվտ
 տեոտսզ ղեղե ղվթմվե զորատեոտի

մտղեոտղոմոտեոմե
 հղմսի մե մյոզ թրատոյթոտ ղվթհր
 մո վթմվե վրաղղոտեոտ մի մյ թղոտեոտ
 մոտոտ ղսմզ թմվե զորատեոտի տեոտե
 տղոտ ղզ մսթոթ ղզ ղսղ ղսղոտեոմզի
 մմզթմվե իսղզմոտի թղղոտի հհր ղոտեոտ
 խղղոտո թմվե ղոտղմի մզղղոտեղոտ 30

իսմոտ մրո ղվտղեոտղոմոտեոմե
 մյոթոտղոտեոտ ղղեոմոզ ղոտի ղթմվե
 ղղղզմոտեոմզի հ թոտիս ղհիմո 51

թոտեղոտ ղհր
 տ վղրս թղրատմվ ղսղոտոտ թմվե

ՂՎՎԹՎՍՍԻՆՂԶՎՍ

2013

